

COMMENTARII
COLLEGI
CONIMBRICENSIS
SOCIETATIS IESV,



IN LIBROS ARISTOTELIS,
qui parua Naturalia appellantur.



L V G D V N I,
EX OFFICINA IVNTARVM.

CIO. IO. XCVII.

PROOEMIUM.

Res operi
subiecta.



LIBRI Aristotelis, quos nostrates Philosophi
parua naturalia, id est, parua de rebus natura
opuscula inscripsere, supplementa quadam sunt
librorum de anima. Continent enim explicatio-
nem quarundam affectionum, quae aut omnibus viuenti-
bus conueniunt, ut mors & vita: aut solis animantibus, ut vi-
gilia, somnus, respiratio. Sequimur autem in hoc opere eandem
methodum, & scribendi rationem, quam in Meteoris ob eas
causas, quas ibidem exposuimus. Quod tamen ad libros de
sensu & sensili attinet, in quibus Aristoteles de sensuum or-
ganis, eorumque obiectis potissimum disserit, statuimus nihil hoc
loco in eos commentari, quod tota ea disputatio abunde
tractata, atque illustrata à nobis sit in libris de
anima, quos una cum libris de or-
tu, & interitu propediem
fauente Deo in lu-
cem edemus.

IN



IN LIBRVM DE MEMORIA, ET REMI- NISCENTIA.

Quid, & quotuplex sit memoria.

CAPVT I.



MEMORIA fuso vocabuli significatu tribus modis à Philosophis accipitur, vt tradit partim M. Albertus in summa de homine tractatu de memoria, partim alij variis in locis. Primum pro ipsa facultate, seu potentia, qua recordamur: secundò pro recordandi actu: tertid aliquatulum improprie pro habitu, seu imaginibus, quatū interuentu memorandi actus exercetur. Quod ad primum attinet potentia recordandi nihil aliud est, quàm vis animæ, quæ rerū cognitarum imagines, tanquam depositū recondit, ac seruat, vt eas, cū opus fuerit, exhibeat. Quod pertinet illud D. Damasceni lib. 2. fidei orthodoxæ c. 20. *Vt ea que meminimus, est memoria, ac recordationis origo, & promptuarium:* & illud D. Augustini lib. 10. Conf. cap. 8. *Omnia recipit recolēda cū opus est & retrahēda grandinis memoria recessus, & nescio quid secreti, atque ineffabilis sinus eius; quæ omnia, suis quaque foribus, intrant ad eam, & in ea reponuntur, nec ipsa tunc inurant, sed rerum sensatarum imagines illic præsto sunt cogitationi reminiscenti eas.*

Memoria tribus modis accip.

D. Damasc.

D. August.

PORRO (vt præter alios edisserunt Simplicius tertio de Anima text. 20. D. Thomas 1. p. q. 79. art. 6. Alensis 2. p. q. 69. m. 1. art. 1. Scotus in 4. d. 45. q. 3.) memorandi facultas duplex est, vna sensitiva, quæ in capite sedem obtinet: altera intellectiua, quæ in ipsa animi nostri substantia insidet. De sola autem sensitiva agit Aristoteles hoc in libro, cū doceat memoriam esse phantasmatum: & in ea tantū animæ parte sitam esse, in qua imaginatio consistit. De eadem locutus est D. Damascenus loco ante citato statuēs memoriæ organum esse posteriorem cerebri ventriculum, quem occipitium vocāt. Intellectiuam tradidit Aristoteles 3. de Anima

Memoria sensitiva.

Memoria intellectiua.

cap. 4. text. 6. cum docuit animam esse locum specierum, non totam, sed intellectum: de qua etiam interpretandus est D. Augustinus lib. 10. de Trinit. c. 11. cum ait memoriam, intelligentiam, & voluntatem vnam esse mentem, hoc est, in vna eademque mente inherere.

Esse vero admittendam istiusmodi intellectiua memoriam ex eo constat, quia recordamur rerum vniuersalium, & immaterialium, quantum norio non in potentiam organo corporis affixam, sed in aliam facultatem nobiliorem, & materię expertem cadit. Item, quia cum pars sensitiua habet thesaurum specierum ad memorandum, potiori iure eundem obtinebit intellectiua pars, quę excellentior est. Pręterea, quia anima separata recordatur eorum, quę in hac vita gessit, vt affirmat D. Augustinus in Psal. 108. & D. Gregorius quarto libro Moralium capite quadragesimo secundo, constatque tum ex sermone Abrahami ad diuitem Luc. 16. Recordare fili, quia recepisti bona in vita tua, Lazarus autem similiter mala: tum ex verbis ipsius diuitis, qui recordabatur quinque fratrum, quos inter viuos habebat.

Quare minimę audiendus est Auicenna, qui libr. 6. Naturalium part. 5. cap. 6. intelligibilium specierum thesaurum homini denegat aieus non conseruari in mente humana species intelligibiles, totamque intellectiua recordationis vim referens ad irradiationem illius intelligentię, quam finxit cęleste quoddam lumen infundere in animam nostram, vt rerum notitiis imbuetur. Cuius erroris confutationem lege apud D. Thomam 1. p. q. 79. att. 6. & libr. 2. contra gent. cap. 74. Vide etiam Scotum in 1. dist. 3. quęstione 6.

*Discutitur num memoria intellectiua proprię
memoria sit, an non.*

CAPVT II.



Quare solet etiam inter eos, qui intelligibilium specierum thesaurum in nostris animis dari consentitur, vtum memoria intellectiua simpliciter ac proprię memoria dicenda sit. Nonnulli partem negatiuam amplectuntur eo potissimę argumento, quod ad memoriam requiratur perceptio determinatę differentię pręteriti temporis: siquidem non nisi rei pręteritę recordamur. Ea veró perceptio, cum non sit abiuncta à singularibus conditionibus, non videtur spectare per se ad intellectum, sed ad sensum. Cui opinionioni haud obscure adstipulatur Diuus Thomas libro secundo, contra gent. capite 74. hisce verbis. *Memoria in parte sensitiua ponitur, quia est alicuius, prout cadit sub determinato tempore: non enim est nisi pręteriti, & cum non abstrahatur à singularibus conditionibus*

non

*Negatiua par
tis arg.*

non pertinet ad partem intellectiuam, quæ est vniuersaliū. Sed per hoc non excluditur, quin intellectus possibilis sit cōseruatiuus intelligibiliū, quæ abstrahuntur ab omnibus conditionibus particularibus. Hæc D. Thomas: quibus similia docuit M. Albertus in summa de homine, tract. de memoria.

PROPOSITA dubitatio ita expedienda est. Si dicamus ad rationem eius memoriæ, quæ absolute ac propriè memoria vocatur, requiritur, vt eadem potentia habeat in se species, quæ res singulares, & determinati temporis differentias repræsentent; tunc iuxta eorum sententiam, qui arbitrantur hoc vitæ statu non dari in nostro intellectu imagines rerum singularium, asserendum est memoriā intellectiuā, quæ animæ in corpore existenti conuenit, non esse absolute proprièque memoriā. Quod placet M. Alberto, & D. Thomæ loco citato & Ferrariensi in commentariis libri 2. contra gent. c. 74. Si autem statuamus vel dari species illas rerum singularium in intellectu nostro: vel ad rationem prædictæ memoriæ non oportere, vt in eadēmet potentia eiusmodi species hæteant, & conseruentur; sed sufficere inesse illas in phantasia à cuius actu intelligendi vis ad singularium notitiā determinetur; pronuntiandum erit memoriā intellectiuā propriè & absolute memoriā esse, quod affirmat Scotus in 4. distin. 45. qu. 3. Vtrumlibet horum, probabilitatem habet, vt constat ex iis, quæ de cognitione singularium, & de speciebus intelligibilibus partim in 1. Physic. partim in 3. de Anima à philosophis in vtramque partem disputari solent. Quæ non est cur à nobis in præsentia aut repetantur, aut anticipeantur.

ERIT etiam qui petat, quo pacto anima separata recorderetur singularium, cum ad eiusmodi actum non possit iam determinari ab ipso sensu. Quæ dubitatio locum habet apud eos qui putant in intellectu, dum est in corpore, non imprimi species rerum singularium, ac proinde nec eas inde acceptas animam secum deferre. Respondendum cum D. Thomæ 1. patt. qu. 99. art. 4. animam separatam cognitione naturali cognoscere, meminisseque singularia per species sibi inditas in abscellu à corpore; eiusmodi enim species determinatè illi repræsentant singularia cum suis conditionibus, si non omnia, saltem ea, ad quæ peculiarem obtinent habitudinem, vel ob antecedentē notitiā, vel ob aliquam affectionem, aut aliud quid ex diuinæ prouidentie ordine. In sententia vero illorum, qui arbitrantur nostrum intellectum in hoc vitæ statu haurire è sensibus imagines rerum singularium, nullam ingerit difficultatem proposita quæstio: cum anima à corpore abiuncta per eiusmodi species recordari possit rerum singularium; quæ iis repræsentantur. Quod ad finem librorum de Anima in tractatu de anima separata planius differemus.

Solut. dub.

*In nostris cō-
ment. 1. Phys.
c. 1. q. 4.*

*De recorda-
tione anima
separata.*

*Memoriam intellectiuam non esse facultatem re, aut
essentia ab intellectu distinctam.*

CAPVT III.



VESTIGIO est, num memoria intellectiua & intellectus differant inter se tanquam duæ potentia. Putant nonnulli, quos commemorat Richardus in 2. distinctione 14. quæstione 2. circa secundum principale, quibus ipse etiam libentius assentitur, videturque hæc pars hisce rationibus concludi. Mens humana dicitur ad sanctissimæ Triadis imaginem diuinitus efformata; quia ut in vna essentia diuina tres sunt personæ, ita in anima tres potentia, intellectus, memoria voluntas. Non igitur memoria & intellectus eadem facultas sunt. Item memoria tendit in rem cognitam, ut cognita est, intellectus in rem absolute spectatam: ergo cum diuersa ratio obiecti, potentiarum distinctionem arguat, diuersa potentia erunt intellectus, & memoria. Tertio eadem causa distinctionis videtur esse in viribus sensitiuis, & in intellectibus: sed in viribus sensitiuis alia potentia apprehendit, alia conseruat: quæ enim per communem sensum apprehenduntur, seruantur in phantasia, quæ per imaginem, in memoria; ut alibi ostendimus, traditque Auicenna 6. Natur. libro quarto, capit. 1. Non est igitur, cur intellectus à memoria intellectiua non distinguatur. Accedit testimonium Dicoi Augustini 10. de Trin. cap. 11. vbi tria in mente constituit memoriam, intelligentiam & voluntatem, additque horum vnum, nempe intelligentiam oriri ex memoria. Cum igitur nihil ex se ipso oriatur, patet memoriam, & intellectum non eandem esse animi facultatem, sed aut re, aut saltem essentia inter se distingui.

1. argu. partii
affir.

2. argum.

3. argum.

D. Augu.

Responsio ad
quasi. 2. ratio
pro parte ne-
gat.

2. Ratio.

3. Ratio.

ASSERENDUM tamen est intellectum, & memoriam intellectiuam, vnam eandemque esse animi facultatem, nec re, nec specie diuersam. Primum quia eiusdem est seruare habitus & iis vt: ut intellectus seruat habitus memorandi, id est, species intelligibiles, ut docet Aristoteles lib. 3. de Anima cap. 4. text. 7. vbi intellectum patientem appellat locum, seu thesaurum specierum. Quare idem intellectus, eademque facultas erit, quæ iis vtitur intelligendo, & memorando. Secundum, quia simplex rei cognitio, & recordatio non inueniunt in obiecto discrimen per se, sed accidentarium tantum: illa enim fertur in rem absolute; hæc in re, ut antea cognitam: quæ rationes non per se variant obiectum. Tertium, quia frustra ponitur facultatum multitudo, vbi sat est vna eademque potentia: sat est autem vna potentia ad intelligendum, & recordandum, non minus, quam ad apprehendendum, & iudicandum: stabiliturque argumentum, quia reminiscencia, qua rerum immaterialium recordamur, constat ex discursu

Cum D. Th.
1. part. q. 79.
art. 7.

De hac re D.
Damas. lib. 2.
Fid. cap. 12. d.
Augu. lib. 14.
de Trin. c. 12.
& lib. 12. c. 4.
D. Basili. bern.
10. in Genes.
Rupert. lib. 2.
de Trin. c. 1.
& eius op. cap. 1.
& 5.

discursu circa res immateriales, qui necessariò ad intellectricem vim pertinet, cuius est circa talia discurrete.

ARGUMENTA verò quæ oppositum suadebant, paruo negotio diluuntur. Ad primum dicendum rationem imaginis, & similitudinis, quæ in nostra anima comparatione Dei inuenitur, spectari præcipuè secundum actus verbi amoris, vt declarat D. Thomas prima parte, quæst. 93. art. 7. & Durandus in 1. distinct. 3. parte 2. quæst. 3. quia videlicet vt pater in diuinis per actum notionalem suæ intellecttionis gignit Filium; & Pater simul ac Filius per actum amoris vtrique communem spirant Spiritum sanctum: ita noster animus cogitando interiùs format conceptum, seu verbum: & ex hoc in amorem rei cognitæ prorumpit. Verùm quia principia actuum sunt potentia, atque habitus: & vnumquodque virtute in suo principio continetur, monet ibidem S. Thomas posse etiam Trinitatis imaginem in nobis attendi secundum potentias, prout in eis actus virtute existunt. Non tamen oportet prædictam similitudinem in eo cerni, vt quemadmodum in vna essentia diuina tres sunt personæ realiter distinctæ: ita in nostra anima tres sint potentia, intellectus, memoria, & voluntas re, aut specie diuersæ: sufficit enim numerari vtunque tres potentia: & si earum aliquæ essentiali & reali discrimine distinguantur, nimirum voluntas & intellectus, itemque memoria & voluntas: aliquæ accidentariò tantum, videlicet intellectus & memoria. Lege D. Thomam in quæstionibus de Veritate quæst. 10. art. 3. & in 1. dist. 3. quæst. 4. art. 1.

Ad secundum dicito rem in se, & rem vt cognitam, non includere rationes, quæ per se valent obiectum, atque essentia discrimen inuoluant.

Ad tertium, organum memoriae exigere temperamentum, quod obseruiat diuturnæ conseruationi: officia verò sensus communis, & imaginationis eam qualitarum compositionem requirere, quæ tantummodo apta idoneaque sit ad facile recipiendum: hanc autem à priori necessariò diuersam esse, quia mollia promptè recipiunt, male retinent: dura pertinaciter seruant, ægre recipiunt. Vnde est quod sensus communis, eiusque thesaurus in diuersa parte cerebri debent consistere, similiterque, imaginatio & eius Promptuarium (si tot sensus interni constituendi sint, quæ de re alibi.) Ex quo sequitur has potentias vt situ, ita & re ipsa inter se distingui. In intellectu autem & memoria intellectrici longè diuersa ratio est. Nam cum in corpore non hæreant, haud quaquā ad functiones suas obeundas organorum & temperamentis diuersitatem exposcunt. Ad vltimum, cum D. Augustinus ait intelligentiam oriri à memoria, nihil aliud velle, quam intelligendi actum elici à specie residente in intellectu, qui prout imaginibus recordationi obseruiantibus consignatus est, memoria, & intellectus fecundus vocatur. Aduertit etiam D. Thomas

*Solut. 1. art. par. partic. cō-
traria,
Imago Trini-
tatis vt na-
stra anima sit
impressã.*

Solut. 2.

Solut. 3.

Solut. 4.

1. parte, quæst. 79. art. 7. cùm idem D. August. in lib. 10. de Trinit. c. 11. & 12. ponit in mente memoriam, intelligentiam, & voluntatem non hæc accipere pro tribus potentiis, sed memoriam pro habituali animæ retentione, intelligentiam pro actu intellectus, voluntatem pro actu voluntatis.

*Memoriam sensitiuam conuenire etiam brutis,
& si non omnibus.*

CAPVT IV.

*Indicia me-
moriæ in bru-
tis.*



Aristot.

QVOD ad memoriam sensitiuam attinet, eam brutis quoque animantibus conuenire palam est; licet nõ omnibus. Huius assertionis priorem partem tradit Aristoteles in lib. de memoria & reminisc. cap. 1. & lib. 1. Metaph. c. 1. & lib. 7. Ethic. c. 3. D. August. lib. 10. Confess. cap. 17. & lib. 1. Musicæ, cap. 4. alijsque auctores communi assensu. Eamque satis probant manifesta memoriæ indicia, quæ brutis deprehenduntur; quale est, vt alia omittamus, identidem certa loca, nidos, latibula repetere; & sobolem suam agnoscere. Item quia, vt tradit Aristoteles lib. 4. de historia animalium cap. 10. & Plinius lib. 10. Natur. histor. c. 75. compertum est præter hominem, somnare etiam equos, canes, boues, oues, capras, & denique genus omne quadrupedum, & viuiparorum. Quod priuatim in canibus declarat ipsorum latratus per quietem. Non somniant autem bruta, nisi haberent in somniis occurrentes præteritarum rerum inimagines, asseruatas in interno sensu; haud dubiè ad memoriæ munus.

*Quia bruta
carent me-
moriæ.*

*Opus D.
Thomas.*

POSTERIOREM partem assertionis, videlicet memoriam non omnibus brutis conuenire, tradit Aristoteles lib. de memoria & reminiscencia, capit. 1. & 1. Metaph. capit. 1. probaturque ex eo quia quæ solo gustu & tactu prædita sunt, ac res præsentis tantum agnoscunt, memoria carent, veluti conchyliæ, cæteræque eiusmodi marinis scopulis adhaerentia. Nec enim indigent memoria; cùm hanc ob id potissimum natura brutis concedat, vt locum antea cognitum adire possint, noxium aliquid fugiendi aut iucundum consecretandi gratia. Vnde est etiam quod nec omnia, quæ locum mutant memoriam habent, vt lumbrici, cochleæ, & alij quidam vermes, qui huc illuc vagantur, nec ad certa loca redire deprehenduntur. Sunt tamen qui omnia, quæ quoquo modo mouentur loco memoria pollere existiment, vt D. Thomas 1. Metaph. lect. 1. Sunt, qui non omnia, quæ ad easdem sedes remeant, memoriam vindicare putent, vt M. Albertus tract. 1. eiusdem operis, cap. 6. ait enim muscas, quas constat eundem cibum importunè repetere, non habere memoriam; quod ex eo suadet, quia stabello repulsæ identidem se ingerunt. Non enim id facerent

id facerent si plagæ acceptæ recordarentur. Neutrâ tamen harum opinionum placet. Non prima, quia sola mutatio loci non est sufficiens memoriæ argumentum, cum videamus quædam animalia ubi primû in lucem edita sunt, confestim ab vno loco ad alium progredi; quæ tamen memoriæ ductu non dum agi queunt, vt planum est. Non secunda, quia muscæ non ex obliuione plagæ eò redeunt, vnde abiguntur, sed quia ob stoliditatē, urgente præsertim rei delectabilis appetitu, minùs sibi consulunt. Quin potius illa eiusdem loci repetitio signum memoriæ est: nec enim eodem redirent, nisi loci memoriam haberent.

Musca memoria prædita sunt.

Non esse negandum competere piscibus memoriam.

CAPVT V



QUÆRI solet, num memoria piscibus inest, an non. Ratio dubitandi in eo est, quia animalia aquatilia sunt deterioris notæ, quàm terrestria. Vnde Philo Iudæus in libro de Mundi opificio ait propterea Deum animalium creationem à piscibus inchoasse, quia eum seruare ordinem voluit, quem in suis rebus secutura esset in postetum natura, quæ quidem à vilioribus incipiens desinit in præstantissima omnium: ac aquatiliū generi despiciatissima inertissimaque obuenit anima, adeò vt præ terrestrium comparatione quodammodo sint animalia, & non animalia, videaturque eis anima pro sale indita, ne putrescerent. Cum igitur nonnulla ex iis, quæ in terra viuunt, careant memoria, consequens videtur, vt eam piscibus natura denegaret.

Piscibus datâ animâ pro sale scripsit Philo.

SE C V N D ò idem confirmatur, quia in præmolli & fluxa materia, qualis est piscium, nequeunt typi, & imagines impressæ consuetuari, sed cōfestim defluunt & extinguuntur, vt si quis annulum in profugum amnem imprimat. Tum quia memoriæ, vt & cæteris functionibus animalibus, non parum officit algor, quem tamē in natatilibus frigidissimi elementi indigenis abundare oportet, docente Galeno libro 6. de vsu partium, c. 9. & Aristotele lib. 2. de Partibus animalium c. 2. & in lib. de Respiratione c. 6. contra Empedoclem falso putantem ex animalibus calidissima esse aquatilia. Hisce argumentis adducti fuere ad tuendam partem negatiuam nonnulli, quos refert, refellitque D. Augustinus libr. 3. de Genesi ad litteram cap. 8.

SE D huius sententiæ falsitas ex indiciis memoriæ, quæ in piscibus deprehensa sunt, palam conuincitur. Constat enim, referente Plinio libr. 10. Natur. histor. c. 70. pisces in quibusdam viuariis plausu congregari solitos fuisse ex consuetudine, immo & ad nomen vocatos aduenisse in piscinis Cæsaris, non confestim solum, sed quosdam priuatim. Quod certè non nisi ex plausu, Con. Comm. in patua Nat.

Indicia memoria in piscibus.

Similia scripsit Rondelatus libr. 3. de piscibus ca. 9. & li. 4. s. 10. Porphyrius b. 2. de abstinentia.

*De Delphino,
qui à puero
inclamatus, ac
currebat.*

nominiūque & pabuli memoria faciebant. Quo etiam pertinet id, quod idem Plinius lib. 9. c. 8. narrat de Delphino, qui quocunque diei tempore inclamatus à puero, quamvis occultus, atque abditus, ex imo aduolabat, pastusque præbebat ascensuro dorsum, receptumque per mare in ludum portabat, ac reuehebat. Secundò idem ea ratio persuadet, qui memoria, uti superius diximus; ob id maximè à natura tributa est, ut animantes ad definita loca commodi alicuius gratia se conferant: certum verò est pisces in easdem speluncas, eademque domicilia, statis temporibus sese abdere, indeque egressos eodem rursus commeare. Hanc opinionem, quæ Philosophorum còmunis videtur, secutus est D. Thomas 1. p. q. 72. art. 1. cum D. Augustino loco citato, etsi aliter visum fuit D. Basilio hom. 8 in Genesim.

Sol. arg. p. in contrariis.

ARGUMENTA verò, quæ in contrariam partem adduximus, sic erunt explicanda. Cetera primum fatendum aquatilia generatim loquendo tam volarilibus quàm terrestribus deteriora esse, ut astringit D. Thomas 1. p. q. 71. art. 1. & quæst. 72. art. 1. Cui rei vel id argumento est, quòd hæc pluribus & absolutionibus organis ad operationes suas obeundas instructa sunt. Secundò, quòd sensus habent acutiores, earumque nonnulla disciplinam capiunt, quod piscibus non conuenit. Item quia nobiliorem progredi modum vendicant: pisces enim maiori ex parte ova tantum generant, eaque inperfecta, qui ginnendi modus despectior est: Diximus maiori ex parte, quia non totum piscium genus est ouiparum, id est, non animal, sed ouum pariens, eum quidam sint viui-pari, id est non ouum sed viuum animal parientes, ut pistris, balena, vitulus. Quod testatur D. Basilius hom. 7. in Genesim, Plinius lib. 9. c. 13. & c. 51. Rondeletius lib. 4. de Piscibus c. 3. post Aristotelem tertio de Generatione animalium c. 3. & 5. quamquàm vniuersum piscium genus eatenus ouiparum dici possit, quatenus omnes pisces aut intra se, aut extra, ova patiunt. Ex dictis tamen non necessario concluditur omnia, quæ in terrestrium, & volatilium generibus numerantur, excellentiorem naturam, quàm aquatilia omnia sortiri: alioqui muscæ & vermes perfectiores essent crocodilis, delphinis, balenis.

*Non omnes
pisces ouipari
sunt, sed non
nulli vivipari.*

Nec nobis omnino probatur sententia Philonis dum piscium genti vsque adeò detrahit, ut eos vix animarium appellatione dignetur, tantumque eis pro sale animam det. Licet enim id verum sit de iis, quæ maris affixa scopulis stabilem sedem habent, & ad stirpium naturam prope accedunt: haud quaquam tamen de vniuerso piscium genere probè dictum haberi debet, ut faciliè perspiciet, qui expenderit quæ de eorum ingenio, stratagematis, varicie, & quorundam adumbrata prudentia auctores prodiderunt. Aristoteles lib. 8. de Historia animalium c. 13. & lib. 9. c. 37. Plutarchus in lib. de animalium industria. Plinius lib. 9. Natur. hist. D. Basilius oratione 19. de Prouidentia, D. Ambrosius libro quinto, Hexam.

Hexam. cap. 10. Opianus libr. 3. Rondeletius libro quarto, de piscibus cap. 11.

Ad secundum argumentum dicito nimiam mollitudinis & frigoris, exuperantiam impedit concentum primarum qualitarum, organo memoriæ necessarium, atque adeo non posse in eo memoriam consistere, verum etsi pisces molli & frigida sint natura, non tamen in iis adeo vehementer esse eiusmodi qualitarum excessum, ut memoriæ necessarium temperamentum labefaceret.

De organo memoriæ sensitiuæ.

CAPVT VI.

Vide Cael.
Rho. libr. 3. c.
29. & lib. 20.
cap. 8.



OMMUNIS Philosophorū sententia est, quam tradit D. Nemescius in lib. de Natura hominis c. 13 & D. Damascenus lib. 2. fidei orthodoxæ c. 10. D. Thomas in 1. d. 3. q. 4. art. 1. ad 2. M. Albertus in summa de homine, tractatu de memoria, Auicenna libr. 6. Natur. memoriā sensitiuā, ut dicemus in lib. de Anima, sedem habere in posteriori parte capitis, quæ occipitium vocatur. Id quod multis indiciis comprobant, primum quia læsa ea parte offenditur memoria, & eo loco percussos rerum capit obliuio. Secundò, quia eius parvis soliditas ob id potissimum videtur procurata à natura, ut renaciū hæreant infixæ species. Postremò, quia cū recordari volumus quasi natura nos docente occipitium scalpimus, ut memorandi vim quodammodo excitemus, & acuamus.

Occipitiū sedes memoriæ.

Hæc tamen de ea memoriā intelligi debent, quæ species proximè ab imaginatrie facultate sibi commissas reseruat. Nam quæ sensus communis thesaurus est, anteriorem cerebri partem occupat. Nisi quis malit vnam tantum dati memoriā sensitiuā, quæ tam rerum sensatarum, quàm non sensatarum typos recondat. Cui opinioni proxima argumenta non parum afferunt probabilitatis.

De actu memorandi, & reminiscendi.

CAPVT VII.



MEMORIÆ, seu memoratiue facultatis duo sunt actus; vnus, qui accepto à potentia nomine memoria vocatur; alter, qui reminiscētia dicitur. Memoria definitur à Philosophis rei antea cognitæ, ut cognita est, reperiri cognitio: siue regressio ad notionem eius, quod fuit ante apprehensum, prout apprehensum fuit. Etenim si quis eliciat cognitionem rei sibi antea prorsus ignotæ, aut rei, quam prius nouit, sed omnino exciderat, non dicitur recordari, quia non considerat

Actus memorandi.

*Sola prateri-
tina ad memo-
riam pertinent.*

rem, vt ab se antea cognitam. Vnde est quod, (vt 1. cap. huiusce libri Aristoteles docuit,) memoriae solae res praeteritae subiiciuntur, quemadmodum externo sensui tantum praesentes: & spei, futurae duntaxat. Sed erit qui nobis opponat auctoritatem D. Augustini lib. 14 de Trinit. cap. 11. vbi ita scripsit. *Non solum prae-
torum est memoria sed etiam praesentium. Vnde Virgilium de Polyse ait.*

*Legit etiam cap.
2. consilium lib.*

Virgil.

Nec talia passus Polyseus,

Lib. 3. Aene.

Oblitus ve sui est Itachus discrimine tanto.

Cum enim sui non oblitum diceret Polysem, quid aliud intelligi voluit, nisi quod meminerit suum: cum sibi ergo praesens esset, nullo modo sui meminisset, nisi ad res praesentes memoria pertineret. Haec D. Augustinus loco citato, quae repetit in epistola 72 ad Nebridium. Occurrédum tamen, paulò latius ac minus propriè sumptum illic ab eo & à poetae memoriae nomen, quod si propriè vsurpassent, neutiquam ad rerum praesentium cognitionem extendissent.

Obiect.

OBIECIAT rursum aliquis non videri memoriam rectè definiti cognitionem rei cognitae, vt cognita est: quod res cognita, vt cognita, non possit cognosci, nisi ipse cognoscendi actus percipiat: cum tamen nulla potentia corporis organo affixa supra suum actum reflecti possit, vt est communis philosophorum sententia. Respondendum ad actum recordandi non esse opus vt potentia suum actum abstractè sumptum liquidòve cognoscat: id enim soli immateriali facultati conceditur: sed sufficere percipere illum quoquo modo, videlicet accessoria quadam ratione & concretè, prout inuoluitur in perceptione rei cognitae, vt cognita est. Qui modus reflectendi supra proprium actum etiam potentiis insidentibus organo corporeo conuenire potest.

*A sup. remi-
niscentia.*

REMINISCIVERO, vt etiam loco citato Aristoteles explicat, dicitur quispiam, cum ex alio aliud ei incidit, vt cum ex lacte in candorem progreditur, ex calore in aëra, & ab hoc in humorem, ex quo ei tandem Autumnus, qui exciderat, in mentem venit. Et

*Legit Arist. c.
2. lib. de me-
moria & re-
minisc.*

D. August.

D. Augustinus lib. 6. Musicae cap. 8. *Quid aliud, inquit, agimus, cum
re vocamus nos in memoriam, nisi quod immo quod reposuimus queri-*

*Hic similia
scripsit Plato
in Phid. 26.
Alex. libr. 3.
Natur. quast.*

Themist.

*minis? Recurrit autem in cogitationem occasione similium motus animi non
extincti, & haec est, quae dicitur recordatio.* Themistius etiam 2. libro suae paraphrae cap. 4. Reminiscenciam definit reducem & quasi rediuvam memoriam, huc renouationem memoriae collapsae: cum vnus motus animi recogitando alterum trahit, vt vnus annulus alium in catena. Licebit tamen eadem apertius & enucleatius definire hunc in modum. Reminiscencia est progressio, qua potentia memorandi ex aliquo, aliquibusve memoria comprehensibilis venit in cognitionem eius, quod nec memoriae occurrebat, nec à memoria penitus exciderat. Exempli gratia, si quis heri librum in loco aliquo reposuit, cuius loci ei in mentem hodie non venit, & vt ipsum in memoriam reducat, loca vbi heri fuit, & eos, quibus cum locutus est, animo replet, tandemque ex alicuius memoria

occurrit

occurrat menti locus, ubi librum reliquerat, diceretur loci illius reminisci, cuius antea simpliciter recordari non poterat.

Ex quo perspicuum sit plura ad reminiscentiam exigi, quam ad memoriam, licet enim ambæ in eo conveniant, quod nec meminisse, nec reminisci possimus eius rei, cuius in nobis simulachrum evanuit, ita ut eam nec per se primo concipere, nec ex alia ad eius apprehensionem devenire valeamus: tamen ut memoremur sat est rem antea cognitam ut cognitâ apprehendere: ad reminiscendum verò requiritur antecedens obliuio, cum notitia iterata alicuius rei, quæ non excedat, & ex qua ad eius, quam inquirimus, notionem consequutione quadam & discursu prouehimur.

Plus requirit ad reminiscentiam, quàm ad memoriam.

Solus homini conuenit reminiscere.

Auc. 6. Nat.

Quod in homine imaginativa discursus circa singularia affectus D. Tho. 1. part. q. 78. ar. de potest. 4. Et in opus anima cap. 4. Auc. 6. Nat. par. 4. cap. 2. Auc. 2. de anima commu. 62. Cap. in 4. dist. 10. qu. 4. art. 3. vnc. 10. Metaph. quasi. 16.

Unde, ut in 4. huius libri capite aduertit Aristoteles, cum memoria etiam brutis animantibus competat, solus homo reminiscendi vim habet, sicuti & in eo dumtaxat ratiocinatio & discursus reperitur. Ideoque ut idem cap. 1. dixerat, qui celeritate ingenij valent, facilius reminisci queunt, quia videlicet in discutendo expeditiores sunt. Lege Platonem in Philebo, Plotinum in lib. de sensu & memoria, Themistium hoc loco. 2. lib. suæ paraphrasis cap. 15. D. Thomam 1. part. qu. 78. art. 4. & ex recentionibus Fernelium lib. 6. suæ Phylologiæ. cap. 14.

NONNULLA hic aduerte. Primum sit: cum ad reminiscentiam discursus requiratur, non posse eam perfici nisi accedente ministerio eius potentie internæ, cui discursus tribuitur, quæ utrum sit imaginatiua dumtaxat, an etiam memoria sensitiua (si præter sensum communem plures interni sensus ponantur) in libris de Anima discutiemus.

In reminiscentia includi discursum.

SECUNDUM est reminiscentiam tribus, minimum, a quibus constare, memoria alicuius, aliquorumve, inuestigatione seu discursu ex iis ad id quod quæritur, & inuentione eius, quod partim excedat, nec tamen penitus euanuerat.

TERTIUM est, licet animæ separatæ conueniat recordatio, ut secundo huius operis capite ostendimus, non videri tamen ei reminiscentiam competere: quia reminiscentia supponit obliuionem: obliuio autem nascitur ex imperfectione organi corporei, cuius crassitudo & defluxus, alijque eiusmodi materiales affectus in causa sunt, ut rerum imagines obliterentur & evanescant atque ut, etiam dum nitorem suum habent, interdum consopitæ sint, nec ad memorandi actum prodeant. Cum igitur anima à corpore abiuncta non utatur materiali organo, non videtur in eam, ac multo minus in Angelos reminiscentia cadere.

Recordatione conuenire animæ separatæ.

VERVM non deerit fortasse, qui probare contendat immerito brutis omnibus reminiscentiam denegari, cum eorum nonnulla, ex aliis alia videantur deducere & colligere. Nam, ut cætera omittamus, celebre est id, quod in libro de industria animalium Plutarchus commemorat de vulpe. Hæc glaciæ tum flumen transitura, primum leniter supra glaciem incedens auticulam

Obliuio.

admouet, tum si aquæ subter labentis sonum percipiat, gradum sistit, nec, nisi aliquid vehementer urgeat, pedem promouet: si vero strepitum nullum audiat, traiecit, ita videlicet argumentans. Quod strepitum mouetur, quod mouetur, non est fixum, quod non est fixum, diffiuit & cedit: submergetur igitur si hæc ire pergam. Nec his dissimilia sunt, quæ eodem loco narrat idem auctor de cane feram persequente, qui cum in viarum diuortia peruenerit, ubi olfactu deprehendit vna via feram non abiisse, alteram nihil iam olfaciendo mox arripit, utique colligens per eam diuertisse, quia per aliam non diuertit.

Hæc de cane scribit D. Basil. homil. 9. Hexam. D. Ambr. lib. 6. Hexa. cap. 4.

Solutio.

A d hoc argumentum respondendum est quod in Physicis diximus, hæc aliæque eiusmodi, quæ in quibusdam belluis cernuntur, non indicare conuenire eis verum discursum, sed quandam illius imaginem & imitationem ad quam sat est naturalis instinctus, qui in quibusdam, magis in aliis minus excellit.

*De utilitate Memoriae, eiusque admiranda
& abstrusa vi.*

CAPVT VIII.



QUANTA sit utilitas memoriæ constat ex eo, quod parum omnino referret tam multa legere, audire, animadvertere, nisi illa memoriæ tradita quasi tabellis recondita asseruare possemus. Fuit profecto hoc nobis à Deo aduersus rerum ignorance[m] & obliuionem datum remedium, ac subsidium. Vnde Plutarchus in lib. de Educatione liberorum vocat memoriâ cellam penuariam disciplinarum. Et in fabulis est, scriptumque à Platone in Theæteto memoriâ esse matrem Musarum; itemque sapientiam esse memoriæ, & experientiæ filiam. Illud certe memoriâ mirifice commendat, quod absque illa nemo absolutam prudentiæ rationem obtinere queat cum ad rectè indicandû de iis, quæ agenda sunt, quod prudentiæ munus est, multum conferat præteritorum recordatio & experientia, quæ teste Aristotele 1. Metaph. capit. 1. ex multarum rerum memoria coalescit. Vnde est quod memoria ab Aristotele libro 6. cap. 5. à Tullio libro 2. de Inuentione & D. Thoma in 22. quæstio. 49. artic. 1. aliisque philosophis communi assensu inter prudentiæ partes (integrantes videlicet) numeretur.

Plutarchus.

Sapientia memoria, & experientia filia.

Legit Tertul. in lib. de anima. cap. 24. Tullium 1. de Orat. Caluim lib. 1. ca. 4. & lib. 10. cap. 15.

TANTA verò, tamque recondita memoriæ vis habetur, ut ea vnum sit ex iis, quæ nos mirari natura voluit, scire autem noluit. Quis non miratur qua ratione memoria in suis thesauris tam multa, tamque diuersa excipiat, neque tamen ea confundat, sed discretim sincera conseruet? Quo nexu, quæ apud illam tanquam commissum repetituri deposuimus, ita collocata, & ordinata sint, ut &

ut & vnumquodque separatim, & cuncta confertim, & singula ordinatim exposcere, & digetere valeamus? Quo pacto fiat, ut quis ex acervo specierum per horæ spatium, ita ut prius audiendi patientia, quam memoriæ fides deficiat, orationem, ne mutata quidem syllaba, continuata serie, alia ex aliis coniungens suo loco depromat: nec in ipsa depromptione, atque recensione imago vna aliam impediatur aut inturbetur? Quo item modo aliàs, cum poscimus, ut proferatur quod volumus, quædam præalte condita obli-tescant, nec se foras dent? Sed eorum loco alia profiliant in Medium quasi rogantia num ipsa quarantur: alia confestim imper-turbata facie in apertum exeant: alia paulo post tanquam de ab-strusioribus receptaculis eruantur. Quo pacto quæ evanuisse vi-debantur vnius admonitione connexa quodā choro subeant, &c. Certè in hoc naturæ miraculo præstat cum D. Aug. lib. 10. Conf. cap. 8. & Theodoretus in libr. de Natura hominis, sola admiratione contentum esse, quàm alienam & inidoneam causam afferre. Le-ge tamen, si placet, nonnullam eius rei inuestigationem apud Fra-astorium primo libro de Intellectione.

Legit eus D.
August. 11 de
Trin. c. 3.

*Quibus rebus memoriæ bonitas constet, aut vitiatur, & qui
memoriæ laude floruerint aliquando.*

CAPVT IX.

Aristo. lib de
memo. & re-
minisc. cap. 1.



PORRO, ut memoriæ bonitas constet, requiritur ex parte organi tum mollitudo, tum durities ad congruam temperiem sibi mutuò fœderatæ, mollitudo quidem, ut facile imbibat rerum notas: durities, ut simulacra iusta retineat, & conseruet. Ob defectum mollitudinis senes præcipiti iam ætate, quibus humido nativo magna ex parte consumptio membra inarescunt ac rigent, difficili sunt memoria. Qui ob id etiam in dies quæ didicerant, obliuiscuntur, quia exolefcunt in eis quasi in ruinosis ædificiis depictæ rerum imagines. Nec defluxum materiæ, in qua illæ ob-signatæ sunt, quantum opus est, compensant. Ob defectum congruentis duritiæ admodum pueri, quos constat præhumidum habere ceterum, parum memores sunt; quamquam eis ad memorandum opituletur alia causa, quam tradit Aristoteles in problematis sectione 30. quæstione 4. videlicet, quia nondum multa perceperunt, intellige quorum imaginibus organum memorandi nimis occupatum sit. Nec enim negari debet ipsam speciem multitudinem & colluionem fatigare quodammodo potentiam, ac nonnunquam actum memoriæ inturbare, dum earum occurſu res aliæ pro aliis sese menti ingerunt. Vnde est etiam, ut ibidem philosophus aduertit, quod meminisse ea melius valeamus

*Cur senes
obliuisci.*

*Pueri carlu-
brica memo-
ria.*

valemus, quæ mane percipimus, quàm quæ procedente die, cum iam obiectarum rerum turba per sensus intrans animi intentionem distraxit.

NON solum autem nimia siccitas & humiditas ætatibus certis propriè memoriam viriatur, aut impediunt, sed etiam, cum ex morbo, aut alia quavis ratione inducuntur. Vnde Galenus libro tercio de Locis affectis capite quinto agens de lapsa ob siccitatem memoria refert quendam se nouisse, qui exsiccatò organo ob assiduitatem in studiis, atque vigilias memoriam pene amiserat: & agricolam, qui ob labores quos vires colendo subierat, simulque ob victus tenuitatem eodem modo affectus est. Quamquam in iis, causa deficientis memoriæ potuit quoque esse exuperantia caloris nati, in scholastico ex agitatione spirituum in caput subeuntium ob vehementem animi intentionem: & in agricola ex motu corporis diuturno, & vehementi: motus enim calorem gignit; & quidem animantibus, potissimum propter effusionem spirituum ad extimas partes, ut alibi exposuimus.

SANE quidem licet obliuio alumna sit excedentis humiditatis, sicut retentio siccitatis: tamen aliarum etiam primarum qualitarum exuperantia memoriam labefactat, præsertim frigoris, quod omnes animales functiones torpidas reddit, & ipsius vitæ fundamenta quatit. Speciatim autem ad seruandam memoriam docent medici abstinendum ab ebrietate, & à copioso vini potu, à cruditate ventriculi omnique satietate; à fructibus viridibus & oleribus, à lacte, caseo & carnibus salitis, omnibusque flatum generantibus, à piscium fluuiialium, & anguillarum præsertim esu.

LEGITUR autem memoria, nunc ad tempus, nunc citra regressum, ac nonnunquam ex toto labefactatur, aliàs ex parte. *Nec quicquam, inquit Plinius lib. 7. Nat. hist. c. 24. æque fragile est in hominum vita, morborum, & casus iniuriarum, atque etiam metus sentiens. Iustus lapide oblitus literarum est: et cæco lapsus, matris & affinium propinquorumque; alius agrotus seruorum etiam: sui vero nominis Messalia Cornutus.* Præter hos nostra quoque ætate Cornelius Iansenius literas oblitus fuisse dicitur. Qui tamen editis in sacram scripturam egregiis commentariis perpetuam, sui memoriam posteris reliquit.

Sed quemadmodum multa sunt noxia memoriæ, ita non pauca, quæ eidem profunt, eiusque vim acuunt, & ut cætera omittamus, ferunt esse artem comparandæ memoriæ per medicamenta, cuius artis beneficio quidam nostra ætate in magna admiratione fuerint. Nanque innumerabilia pene vocabula Græca, Latina, barbarâ, fictâ, nullo nexu coherentia, quæ semel audissent, mox sine ulla hæsitatione reddebant; nunc eodem quo acceperant ordine, nunc ita ut primum, tertium, quintum, & sic deinceps, ac denique, ut rogabantur, sine errore, tanquam è charta referrent.

D. Th. 2.2 q.
49. art. 1. Ca-
lus libr. 10. c.
16. Solinus in
Polybist c. 7.
Tullius Aca.
quæst. edit. 1.
lib. 2.

COMMUNIS ars excolendi sine medicamentis memoriam, est exercitatio. Nam teste Quintiliano libr. 11. Oratoriarum institutionum cap. 2. nihil æquè vel augetur cura, vel negligentia intercidit, quare magnopere iuvat quotidie aliquid memoriæ tradere, ac præcipue ubi se quis primum in ligata, deinde in prosa oratione addiscenda exercuit; quædam addicere omnino diuulsa, ac sine numeris, & magis ab usu remota, qualia sint iurifconsultorum. Difficiliora enim, inquit ille, debent esse, quæ exercent, quo sit leuius ipsum illud in quod exercent: ut Athletæ ponderibus plumbeis assuefaciunt manus, quibus vacuis, & nudis in certamine vtendum est.

Item Calvus
Rhod. lib. 20.
c. 10. Alex. d.
ab Alex. libr.
6. c. 18. Mu-
retus l. 3. Va-
riar. c. 1. Solin.
in Polybist c. 7.
Valerius Ma-
xim. libro 8.
tu. 7.

FVERUNT autem priscis temporibus insignia memoriæ exempla quæ Plinius libr. 7. Naturalis historiæ cap. 24. Seneca in prologo declamationum, Quintilianus loco paulò ante citato commemorat. Mithridates rex Ponti duarum & viginti gentium rex totidem linguis iura dixit, pro concione singulas absque interprete allocutus. Crassus ille diues, cum Asiæ præfesset, quinque Græci sermonis differentias sic tenuit, ut qua quisque apud eum lingua loqueretur, eadem ei responderet. Cyrus Persarum rex in numerosissimo exercitu omnium militum nomina tenuit. Theodætes quamlibet multos versus auditos mox reddidit. Charmides in Græcia, quæ quis exegerat volumina in bibliothecis legentis modo repræsentavit. Cyneas Thessalus missus à Pyrrho legatus de pace ad Romanos postero die novus homo & senatum, & totam urbani plebem senatui circumfusam nominatim salutavit. Denique de sua memoria ita scripsit loco paulò ante adducto Seneca. Cum multa iam mihi ex me desideranda senectus fecerit, oculorum aciem retuderis, aurium sensum hebetaveris, nervorum firmitatem fatigaveris. inter ea, quæ retuli memoria est, res ex omnibus partibus animi maxime delicata, & fragilis, in quam primum senectus incurrit. Hæc aliquando in me floruisse, ut non tantum ad usum sufficeret, sed in miraculum usque procederet, non nego. Nam duo millia nominum recitata, quæ ordine erant dicta referebam, & ab his, qui ad audiendum præceptorem nostrum conuenerant, singulos versus à singulis datos, cum plures, quam ducenti efficerentur, ab ultimo incipiens usque ad primum recitabam. Nec ad complectenda tantum, quæ vellem, velox erat mihi memoria, sed etiam ad continenda, quæ acceperam.

Senectus pro-
mo incurrit in
memoriam.

Solutio aliquorum problematum ad memoriam spectantium.

CAPVT X.



VNE quæstiones aliquot ad memoriam pertinentes breuiter diluemus. Prima hæc esto. Cur non omnia, quæ æternis sensibus percipimus, manent in memoria, sed pleraque excidunt? Responsio. Quia aut eorum Con. Comm. in parua Nat. C

imago in organum memoriæ non imprimitur ob ineptitudinem organi ad illa recipienda, aut seruanda, vel ob remissionem apprehensionis, vt paulò post dicemus; vel certè quia imago impressa decursu temporis euanescit. Plato in Theæteto: *Quicquid eorum, quæ aut videmus, aut audimus, aut ipsi cogitamus meminisse cæpit, ininuantes ipsum sensibus intelligentiisq; veluti anulis signantes exprimimus, quodque signatum fuerit meminimus, & scimus, quoad figuram permanet: at cum aboletur, vel inscribi nequit, obliuiscimur, atque nescimus.*

Plato.

Imagines rerum non habent contrarium.

2 Si rerum simulachra, quæ memoriæ inurantur, contrarium non habent, à quo perimantur, nec eorum conseruatio à re obiecta pendet, cur ea sæpenumero etiam in florida ætate, integro sensorio emoriuntur, & abolentur? Responso. Quia actione caloris toto vitæ tempore humidum absumētis, & incurfu aliarum qualitarum obscurantur indies, & effluunt prædictæ imagines, donec ex toto pereant, nisi per actus memorandi instaurantur, & quasi nitorem genuinum recuperent.

3 C V R ea, quæ aliis rebus inrenti, vel etiam somniantes apprehendimus, faciliè obliuiscimur? Responso. Quia tunc facultas memorandi remissè operatur, similiterque alij sensus, qui in memoriam agunt: atque ita dissulcoriæ tantum, & euanidæ imagines exprimuntur. Galenus lib. 2. de motu musculorum. *Vis memorandi si insignes impressiones rerum imaginatione conceperit, conseruat eas perpetuo: atque id quidem est memoria tenere. Sin obscuras, & veluti superficiarias non conseruat, & hoc est obliuisci: ob idq; multi in vehementibus animi affectibus nullius eorum, quæ egerint, in posterum meminerunt. Quid igitur mirum est in somnis obscure agente anima obscuras etiam imaginationes fieri, deoque neque stabiles, cum id etiam in vigiliis contingat?*

Galenus.

Ingenij præstantia in quo consistat.

4 C V R non iidem, & ingeniosi sunt, & benè memores: sed contra sæpe accidit vt qui tenaciori sunt memoria, minus celeri, & acuto polleant ingenio? Responso. Quia ingenij præstantia consistit in celeritate quadam mentis, & facilitate ad ratiocinandum, inuestigandum, & inueniendum: hæc autem celeritas pendet ex acumine, & promptitudine internorum sensuum, præsertim cogitatricis facultatis, quæ dum intellectus ratiocinatur, ipsa etiam circa singularia pariter discurret: durities autem cerebri, quæ inflexibilis est, facitque vt rerum idola tenaciùs hæreant, celeritatem cogitatricis potentia cohibet, ac demoratur, sicque id, quod memoriam diuturnam reddit, ingenium hebetat. Si tamen cerebri substantia ita affecta sit, vt organum cogitatiuæ magis ad humiditatem, organum memoriæ magis ad siccitatem vergat (quod interdum accidit) erit idem & tenax memoria & acuto ingenio.

5 C V R integræ quædam nationes memoria parum valent vt Thraces? R. Quia soli, cælique natura & siderum influxus, qualitates memoriæ aduersas imprimunt. Vnde & Thebaeos ingenio pingui,

Loge Arist. c. 2. de memor. & rem.

pingui, Athenienses perspicaci, & acuto fuisse refert M. Tullius, in lib. de Diuinat. quia Thebis crassus ac, Athenis rarus ac subtilis contigit.

6 S I species hærent spiritus animalibus, qui non solum vago motu huc illuc oberrant in corpore, sed etiam per meatus & poros foras euolant, qui fieri potest ut vllius rei sit memoria diuturna? R. Quia licet nonnullæ species animalibus spiritibus insideant, eorûque vehiculo ab externis sensibus ad internos traiciantur: tamen ab iis speciebus immittuntur aliæ consimiles in ipsam substantiam cerebri, & in organum memoriæ, à quibus memorandi actus elicitur, quæque firmæ, ac stabiles esse queunt.

Non omnes
species inha-
rent in spiriti-
bus animalibus.

7 Q V I fieri potest, ut senibus ob nimiam siccitatis accremētum memoria deficiat, cum videamus eos piruita, & humoribus, quos assidue excreant, abundare? R. Quia licet senes humoribus aduentitiis, & noxiis scateant, deferuntur tamen ab humido nativo, cuius idonea commixtio organum memoriæ attemperat.

De memoria
quorundam bru-
torum.

8 C V A bruta quædam, ut canes & equi multo melius recordantur itinera, viarum flexus, diuerticula, & loca, quæ vel semel adierint, quam homines? R. Quia cum bruta, dum iter peragunt, aliis rebus internos sensus non distrahunt, totam memoriæ vim in iis, quæ intuentur, percipiendis occupant, sicque firmissimè ea retinent, dummodo non eis deficiat congrua temperies in ipso organo: eademque causa est cur homines agrestes & bardi, qui ad brutorum ingenium accedunt, talium rerum facilius, quam cæteri recordentur.

9 C V R iuuenes meliores sunt memoriæ, quam pueri & senes? R. Quia illos temperata humiditate, hos temperata siccitate vincunt: ideoque tenacius, quam illi conseruant, facilius, quam hi imprimunt.

10 C V A melancholici diuturniori valent memoria? R. tum quia organa sicciora habent, proindeque firmius retinentia: tum quia diutius cogitant, serius, ac lentius apprehendunt, atque adeo altius insigunt.

11 C V R qui noctes ducunt insonnes, minus memores redduntur? R. quia humores, qui somno erant absumendi, congruam organi siccitatem impediunt.

12 C V R eorum, quæ amamus, difficilè obliuiscimur? R. quia de iis assidue loquimur, diutius, & attentius cogitamus.

13 Q V I D causæ est, cur in quibusdam imaginatio lædatur non læsa memoria, & contra? R. Si ponamus memoriæ & imaginationem non in eadem parte cerebri residere, in promptu causa est, nimirum quia læsio potentiarum accidit ob intemperiem organiat non quoties in vna parte cerebri temperies amittitur, in alia simul amitti necesse est. Quod si in eodem organo, eademque parte cerebri insint memoria & imaginatio, adhuc non repugnat vna incolumi alteram offendi, quia mutatio temperamenti, quæ

Læsi vñnum-
quam imagi-
nationem non
læsa memo-
ria.

Galen. 3. de
loc. aff. 6. 4.

Arist. lib. de
memor. & re-
minif. 6. 2.

De hac re
Galen. 1. lib.
de differentiis
symp. & 2.
de causis sym-
ptom.

sat est ad turbandum imaginandi officium, non continuo sufficit ad impediendam functionem rectè memorandi, aut contrà; Aduerter tamen etiam in hac sententia constituente memoriam & imaginationem in eadem cerebri cauitate, ponendam esse ad officia memoriæ, & imaginationis partem vnā humidiorē, quæ promptè recipiat, alteram sicciorē, quæ diu retineat.

14 C V R ebrii, irati, & timore exterriti ægrè recordantur eorum, quæ ipsis, dum ita affecti essent, acciderunt. R. quia vehemens motus vaporum & spirituum agitatio, quæ hos affectus sequitur, imaginum impressionem impedit. Quin etiam interdum ingenti timore perculsis rerum præteritarum memoria excidit ob aliam causam: nimirum quia confugientibus ad præcordia spiritibus & vnà cum iis calore, partes cerebri, in quibus memoriæ officina est ita frigore occupatæ addensatæque fuerunt, vt rerum imagines aboleuerint.

Legi Arist. c. 2. de memor. & reminisc.

IN LIBRVM DE SOMNO, ET VIGILIA.

Quidnam somnus sit.

CAPVT I.

Vigilia.



Somnus.

V I A somnum priuatio quædam est vigilæ; & omnis priuatio per formam, quam negat, definitur. & innotescit, acturi de somno, prius quid vigilia sit explicabimus. Est ergo vigilia omnium externorum sensuum, aut saltem aliquorum solutio, & libertas. Somnus verò est ligatio omnium sensuum externorum ad animantium quietem, & salutem instituta. Dicimus, omnium sensuum externorum; quia si vel vnus sensus non sit consopitus, sed vigilet, hoc est in opus, & actionem incumbat, non somnus, sed vigilia dicitur: videlicet nomen, ratioque somni plus negat, quàm vigilia exigat. Addimus, non omnium absolute; sed externorum sensuum: quia vt animal dormire perhibeatur, non opus est ligari etiam sensus internos. Adieci- mus, ad animantium quietem, &c. quia cùm sensus obtorpescunt, & morbi alicuius vi feriantur (vt accidit iis, qui ex lipothymia, epilepsia, præfocatione, & id genus aliis pene mortui iacent) eiusmodi quies non rectè somnus appellatur, quia non est instituto naturæ inducta in bonum animalis, sed ad eius perniciem aliunde inuecta.

Q V O N I A M verò vt omnes potetiz organo corporeo affixæ morte

De hac re Plato 9. de Repub. Plutarch. lib. 5. de Plac c. 24. 25. Galenus 2. Aphor. 3. aphor. La- tiant. libr. de opif. Deo. c. 8. Tertul. in lib. de Ann. c. 4. Auer. 2. Colliget c. 21. Arist. 3. c. huius libr. & 6. Top. cap. 3. Themist. c. 4.

morre funditus intereunt, suisque actibus omnino priuantur: ita sensus externi, dum somno tenemur, à functionibus cessant: ortum inde est, ut somnus, teste Platone in Phædone veluti mors quædam habeatur. Vnde Cicero in lib. de Senect. Nihil videmus morti tam simile, quàm somnum, & Virgilius lib. 6. Æneidos.

Tum consanguineus lethi sopor:
 & ad huius imitationem, Seneca poëta in Hercule Futente,

Frater dura languide moris, & Ovidius:

Stulte quid est somnus gelida nisi mortis imago?

A D V E R T I T autem Testullianus in suo lib. de Anima, ideo nobis in maxima vitæ quiete, hoc est somno, mortis effigiem representari, ut commoueamur quales ante vitam sine sensu fuimus, quales post mortem sine sensu erimus. *Voluit, inquit, Deus & alias nihil sine exemplaribus in sua dispositione malis, paradigma te Platónico plenius humani vel maxime initij ac finis lineas quotidie agere nobiscum manum porrigens fidei facilius adiuvanda per imagines, & parabolas, sicut sermonum, ita & rerum. Proponit igitur tibi corpus amica visusporis elisum, blanda quietis necessitate prostratum, immobile sit, quale ante vitam iacuit, & quale post vitam iacebit.* Hæc Tertullianus, apud quem lege si placet eodem in loco varias somni definitiones, quas Stoici, Epicurei, Anaxagoras, Xenophanes, Straton, alijque ex antiquis philosophis inuexerunt. Quæ tamen minores sunt ad rem aptæ, quàm quæ à nobis propolita est.

Somnus mortis similitudinem.
 Tertul.

Quo pacto somnus fiat.

CAPVT II.

QUIA somnus ligatio est externorum sensuum, videamus quidnam eam ligationem præstet. Constat nullum sensum in actione versari absque ope spirituum & cerebro influentium ut alibi ex instituto planum fecimus; si igitur huiusmodi spirituum communicatio inhibeatur, necessum erit omnes externorum sensuum functiones intermitteri: inhibetur autem, cum obstruitur via, per quam spiritus commigant, quæ via pertingit ad aditum, siue ostia communis sensus, in quem undique velut in censum extrinsecæ facultates, rerum perceptarum imagines quasi lineas transmittunt, vicissimque ab eo, ut à piscina, spirituum animalium decantationem excipiunt. Ob idque Aristoteles hoc in lib. cap. 3. appellauit somnum vinculum primi sensorij, quia videlicet cum præcluditur sensus communis via, & primum sensorium ligatur, atque impeditur ne per ipsum à cerebro spiritus animales in sensus externos illabantur, somnus existit. Quamuis, ut alibi ostendimus, in eo non sit asensibilis Aristoteles quod primum sensorium, siue organum sensus communis non in cerebro, sed in corde situm esse con-

Necessitas spirituum animalium.

Somnus cur dicatur vinculum primi sensorij.

stanter affirmet: si enim ita esse oporteret remedia ad conciliandum somnum non capiti, sed cordi applicare, quod à communi medicæ artis præscripto, & consuetudine abhorret.

P O R A o obstruuntur ad somnum sensus communis ostia vaporibus potissimum è ventriculo in caput ascendentibus, si idemque opplerent membranæ circa cerebrum & venæ, vnde & spiritus graues pigri, & torpidi redduntur. Atque hoc modo externi sensus ligantur, id est, nihil operis moliantur, nec auditus quicquam audir, nec aspectus videt, nec olfactus odoratur. Quod D. Gregorius Nyssenus in libro de Hominis opificio, cap. 13. in hunc fere modum edisserit. *Quemadmodum ex terra irrigua vapores ab imo attrahuntur maxime, cum Sol radios calidiores spargit, ita in nostri opificij solo euenit, cibus intra nos per innatum calorem ebullientibus, cumq; vaporis natura sursum tendans, sit ut non aliter ac fumus per ipsas membrorum quasi parietum commissuras penetrent, & in superiora capitis euadant. Inde verò ad meatus organorum sensus delati passim sese permiscunt, sicq; sensum omnem otiosum reddi necesse est.*

Greg. Nyss.

Simile.

Tempore somni non ascendant à corde in cerebrum spiritus vitali.

Q V O D vt planius intelligas aduerte cùm quis se quieti dat refrigerato mox aliquantulum cerebro (otium namque frigiditas comitatur) addensati, & cōcrescere in eo vapores: eo modo, quo halitus coit & in aquam vertitur, tum in operculo ollæ ad ignem feruentis, tum in pyramide seu cuspide vasis illius: quod quidam sublimatorium vocant, vulgo alambicum. Sic igitur exhalatio addensata iterumque inferiorem locum suo pondere capessens abtutat meatus per quos spiritus animales ad externorum sensuum domicilia effundendi erant. Sed enim istiusmodi obstructio non solum impedit descensum spirituum animalium è cerebro, sed etiā ascensum viraliū è corde ad idem cerebrū, cuius commercij interstitiū, & feriatio quandiu durat, ramdiu somnus perseverat. Oporteret autem prædictā obstructionem haud nimium pertinacem esse, sed mediocrem, qualis sit vaporibus elatis è succo vitæ. Nam qui è succo v.g. vltra modum crasso, & frigido excitantur, hi ligationem sensuum præter naturam, ac minime salutarem inferunt.

Obstio Comitatōris & Celeris de causis somni.

C A T E R V M Auen-roes 2. Collect. 21. & Galenus 1. de causis Symptomatum cap. vlr. & 3. de causis pulsuum cap. 9. arbitrantur causam somni non provenire ex euaporatione alimenti, sed quod ipsa anima reuocet, colligatque in cerebrum spiritus animales ad eorum reparationem: & ad quierem, salutemque animalium. Vnde ex horū placito somnus definitur *impotentia sensuum propter naturam spiritus retrahentem*: suffragaturque his auctoribus Auicenna 13. tract. 41. dñm inquit somnum esse reditum spirituum ab organis sensuum propter naturam spiritus reuocantem: & Plinius lib. 10. cap. 75. vbi ita somnum definit, *Somnus est animi in medium sese recessus.*

Argumenta.

Q V O D igitur somnus non fiat obstructis meatibus vapore cibi, probant ex eo, quia lassitudo, & suauitas cantus, & reuerber, & blen

& silentium inducunt soporem, cum tamen nullum horum exhalationem alimenti contineat. Item quia non quoties à cibis abstinuimus, negat somnum natura, nec quoties eosdem cepimus, somnum largitur: sed sæpe accidit, ut exinanito stomacho dormiamus: pleno vigilemus. Postremò quia cum natura tantum momenti ad tuendam vitam in somno posuerit, non debuit munus hoc & vicissitudinem vigilandi committere fortunæ alimentii exhalationi, sed potius, inquit Auenroes, alicui certæ facultati totius animalis rectori, quæ more prudentis patris familias vniuersi corporis quasi domus communem curam gerat, & pro temporum opportunitate nunc animales spiritus retro agat, & condant, nunc promat, effundatque in sensuum officinas, & arbitarii motus instrumenta.

NIHIL OMNIUS asserendum est cum Aristotele hoc libro cap. 3. & 2. de Part. animal. cap. 7. somnum induci euaporatione, & obstructione meatuum, per quos spiritus animales excurrunt: sunt enim huius rei non obscura argumenta. Primum quia ideo quædam edulia & potiones, ut lactucæ, buglosæ, flores nypheæ, amygdala dulcia, dactyli, seu palmulæ, mandragora, papauer, lac, vinum, aliæque eiusmodi somnifera dicuntur, quod plurimum vaporem sursum efferunt & humenti suauisque halitu cerebrum irrigant. Secundò, quia iccirco infantes, & phlegmatici somnulosi sunt, senes verò, & melancholici petuigiles, quia illi humore fumeo: hi siccitate abundant. Tertiò, quia muli ob inediam infomes noctes traducunt: & è contrario post cibum facile somnum ineunt, id verò non nisi, quia vapores suppeditat cibi copia, negat inopia. Non videtur tamen inficiandum concurrere simul ad inducendum soporem reuocationem spirituum ad cerebrum: si enim per solam viarum obstructionem illorum communicatio impereur, non tanta suauitate, sed quasi per vim somnus adueniret obstitentibus ad ostia sensus communis, & conantibus, qua data porta, erumpere more suo spiritibus. Ut verò quomodo talis reuocatio fieri possit intelligas, aduerte spiritus vitales è corde, & animales è cerebro dispensari opera virtutum expultricium, & attrahentium (nec enim aliter huc illuc rite, ac rectè promouerentur saltem dum è cerebro desiliunt, nam ascendentes leuitas incitat.) quia scilicet virtus expultrix emittit è corde, & cerebro prædictos spiritus ad vitales & animales functiones obeundas, similiterque virtus attrahens membris, & sensoriiis insita eosdem ad se prolecat: sicque ipsum cor spiritus, quos in membra diffuderat, si urgeat necessitas, iterum per attractoriam vim ad se colligit, ut in vehementi trepidatione, & mentis diliquio: inde est enim artuum tremor, & oris pallor deferente videlicet extimas partes calore, & spirituum ministerio, ac vehiculo in præcordia abeunte. Sane hoc modo potest virtus attractoria cerebro incidens, ad conciliandū somnum, naturali

*Descendunt
spiritus
Aristotelis.*

*Quæ somnū
conciliant.*

*A cibo cur
sile somnus
obrept.*

turali instinctu, spiritus animales introrsum reuocare, siue apud se retinere. Atque ista causa soporem inuehens non videtur sola meatuum obturatio, sed spirituum detentio, seu reductio. Quam duplicem somni causam constituit præter alios Fracastorius. lib. 2. de Intellect. Alensis quoque. 2. part. quæstion. 89. memb. 3. inrer alias somni causas numerat reuocationem caloris, siue spirituum à Galeno positam.

Solut. Argu.

ARGUMENTA verò, quæ meatuum obturationem à causis somnium inducentibus omnino remouere videbantur, facilem habent explicatum. Ad primum dicendum ea, quæ animam colligunt, & à sensuum distractione abducunt, qualia sunt, quæ in argumento recensentur, magnopere somnum iuuare, quia applicatio sensuum remissa, & ad pauca se porrigens, vt minori conatu spiritus euocat, ita facilius patitur eos intus reuocari, detineri & vias, quibus spiritus foras traiciunt, occludi. Ad secundum, si ventriculus, & aliæ partes, è quibus vapores in cerebrum feruntur, ita inanes sint, vt nihil omnino exhalent, perurgilium dari, non soporem. Pleno autem stomacho interdum non capi somnum, & si opportuna hora capteretur, quia subsunt impedimenta, quæ vel in ventriculo euaporationem, vel in cerebro vaporum concretionem inhihent.

AD tertium, si natura animantium vitam ex alimenti haustu dependentem fecit, quid mirum si eandem ex alimenti euaporatione dependere voluerit? præsertim cum talis euaporatio post haustum cibum, nisi quid obster, necessario consequatur.

*De virtute
rectrice com-
mentatoris.*

QVOB autem ultimo prædicar Commentator de sua illa virtute rectrice commentitium est, si aliam ad spiritus administrandos facultatem ponat (vt re vera ponit) præter attrahendi & expellendi vires quas diximus. Sed hac de re 1. de Ortu & interitu plura.

Finalis causa somni, eiusq; multiplex utilitas, si moderatus sit: incommoda, si immoderatus.

CAPVT III.



GI MV S de causis somnum inducentibus, proximum est vt de eius fine differamus. Finis, ob quem natura somnum instituit, sunt, commoda, quæ illius beneficio animalibus obueniunt. Hæc quàm multa sint summatim complexus est Tertullianus in suo libro de Anima, cap. 43. hisce verbis. *Somnus est recreator corporum, redintegrator virium, probator valetudinum, pacator operum, medicus laborum, cui legitime fruendo dies cedit, nox legem facit, auferens rerum etiam colorem.*

Somni encomia ex Tertulliano.

NIMIAM dum somni tempore sensus externi vacationem quandam,

quandam, feriarum vice, impetrant; collecta ad internas functiones anima, & auocato intus calore vis cerebri animalium spirituum dispendia refarcit; vitalis potentia in læuo cordis sinu spiritus vitales exactius elaborat; facultas naturalis in alimenti decoctionem impensius incumbit, cæteraq; suarum partium munia expeditius absoluit.

VTI QUÆ somni & vigilæ reciprocatione, vitæ salutisq; animantium mirificè natura consuluit. Non solum quia isthæc vicissitudo, vt in cæteris ferè naturæ rebus, iucunda est, vt Tertullianus in lib. de Pallio, & Seneca in lib. de Tranquillitate vitæ c. 15. luculentè ostendunt, sed quia eius beneficio apta corporis constitutio seruat, viresq; instaurantur, & reficiuntur, debent tamen hæc duo per alternas vices, mutuo attemperari. Namque in primis vigilia, si modum excedit, magnam affert corpori noxam, vt probat experientia, docetque Hippocrates lib. 2. Aphor. 3. quandoquidem immodicæ vigilæ, & intempestiuæ lucubrationes spiritus exhauriunt, consumpto vitali succo maciem inuehunt, cruditates pariunt, vires labefaciunt, sensuum functiones debilitant, ac nonnunquam etiam nimia siccitate delirium & insaniam, & denique mortem afferunt. Qua de re consulendus Galenus comm. 2. ad primum Potrherici, text. 29. & lib. 7. Aphorif. com. 18. & lib. 7. Meth. med. & 3. de sanitate tuenda.

Vicissitudo iucunda.

Immodica vigilia incommoda.

SIMILITER somnus nisi moderatus sit, & tempestiuè adhibeatur, non parum officit valetudini, vt monet Hippocrates 2. Aphor. 3. & Auenroes 6. Colliget cap. 4. laxat enim membra, calorem natium hebetat: grauat caput, stupidos, socordes, obliuiosos, ad vitia procliuos reddit, atque ad subeundos labores, resq; libero homine dignas suscipiendas, pigros, & inutiles. Maximè verò somnus immodicus indigna res est iis, qui se bonarum artium studiis dederunt, tum quia non iacer in molli lecto sapientiæ; tam quia non decet sapientiæ amatores meliorem vitæ partem, quæ in vigilia consistit, mortis imagine commutare, & vitam, quæ homini tam brevis contingit, breuiorem reddere.

Immoderatus, & intempestiuus somnus detrimenta.

PRÆBET certè vigilandi exemplum Philosophis eorum princeps Aristoteles, qui, teste Laërtio in eius vita, cum se ad quiescendum componeret solitus erat æneam sphæram tenere in manu, pelui subiecta, eo consilio, vt cum dormientis manu excussum pondus in subditum vas æneum decidisset, sono illius excitatus studium repeteret. Sed quid mirum fessid id Philosophum, cum simile quid passim obseruet gruum Respublica, vt scripsit Plinius libro 10. Naturalis historię cap. 23. & Plutarchus in libro de animalium industria. Dum enim cæteræ capite subter alam condito quieti, somnòque indulgent, vnaquæq; earum per vices nocturnis temporibus excubias agit lapillum pede sustinens, qui laxatus somno, & decidens indiligentiam coarguat.

Aristoteles, vigila-

Somnus anti-
peristasisqua-
dam.

Lucifuga, &
Lucernariam
vitam ducen-
tes.

ILLUD hic adiicimus, cum salubris somni ratio multis con-
stet rebus, nihil ad id tantopere curandum, quam ut temporis ra-
tio habeatur. Est autem aptissimum somno tempus nocturnum,
propterea quod ipsum nocturni silentii quietem aduocat, & cir-
confusi ætatis frigiditate innatus calor facilius sese colligit, & ad
interiora reuocat, cum somnus, ut Aristoteles cap. 3. huius libri as-
serit, antiperistasis quædam sit naturæ conueniens. Nec inscite
Naso poeta lib. transformationum 11. regiam somno ædificauit
prope Cimmetios, quorum regioni fingitur nox atque perpetuo in-
cubare; referente Tullio 4. Tuscul. quæstionum, & Strabone
lib. 1. Geographiæ. Itaque recte Seneca lib. 12. Epist. epistola 123.
eos reprobendit, qui ut quidam in eadem urbe Antipodes noctes
vigilant, dies dormiunt, quos appellat lychnobios, id est lucer-
narios, aitque; eiusmodi homines contra naturam viuere. Quod
factitasse Heliogabalum Romanum Imperatorem testatur Lam-
pridius in eius vita.

*Quod somnus omnibus animalibus competat & num ab eo,
an à vigilia vitam aspicimur.*

CAPVT IV.



ONVENIRE autem somnum omnibus animanti-
bus persuadet tum communis eius necessitas, tum au-
thoritas Philosophi hoc in lib. cap. 1. & 4. de Histor.
anim. cap. 10. idem asserit. Ac de aquatilibus id con-
firmat Plinius lib. 10. Natur. historiæ cap. 75. quia ipsa etiam quie-
te cernunt placida, seu soporata, neque aliud, quam caudas mo-
uentia, & ad tumultum aliquem expaudentia. De thynnibus id con-
fidentius affirmatur, quia iuxta ripas dormiunt; itemque de bale-
nis, & delphinis, qui stertentes etiam audiuntur. Scribit Plutar-
chus in lib. de Animalium industria, cum Delphinus sine motu
esse non valeat; (*est enim, inquit, illi idem vita, motusque finis.*) ubi
somno indulgere vult, subleuate in summam aquam sese, ac su-
pinum corpus demittere per maris alta, æstuque defecti, tantisper
dum in vasa impingat, ubi excusso somno, ronchoque edito ad
summum tursus meat, ac pronus labitur motu ad quietem miri-
ficè composito.

Calvus libro
20. cap. 7.

Homini pro
votione sue cor-
poris inest ma-
ius cerebrum,
quam ceteris
animantibus.

PORRO docet Aristoteles lib. 5. de Generat. animalium cap.
1. hominem primæ ætatis ingressu plusquam ceteros animantes
somno deditum esse. Namque intra parentis viscera, totum ferè
tempus dormiendo consumit: similiterque à principio, cum in
lucem prodiiit partem maiorem temporis ita degit. Cuius rei
causam esse ait, quia imperfectissimus omnium perfectarum par-
tium exoritur, & incremento partis superioris exupetat, atque
adèò vaporibus in capite affluit. Habet autem pro magnitudine
sui

sui corporis maius cerebrum, quàm cætera animantia, vt liberius & absolutius in eo perficiantur interiorum sensuum operationes, quæ ad intelligendi munus obeundum necessariæ sunt, vt alibi disseruimus.

QVÆRIT solet vtumne homines à somno, an potiùs à vigilia vitam ordiantur. Quod à somno, argumentum est, quia natura non nisi gradatim, ac per medium ab vno extremo ad aliud peruenire consuevit: somnus autem viuendi, ac non viuendi interliminium est, ita vt qui dormit neque omnino viuere, neque non viuere videatur: siquidem viuatur potissimum vigilia propter sensum. Huic dubitationi occurrendum est, cum non dicatur propriè somnus, nisi à quo quis expergisci potest, vt Aristoteles loco, quem paulò ante indicauimus, & hoc in lib. cap. 1. docet, & infantes intra matrum viscera primis diebus propter humiditatis affluentiam organi imperfectionem, sensuumque hebetudinem, expergisci nequeant, non dici eos propriè tunc dormire, proindeque hominis vitam nec à vigilia, nec à somno propriè accepto inchoari, sed à torpore illo, per quem ad vigiliam quasi per medium transit.

*Humiditas
quantum in-
ducit.*

Non fuisse à statu innocentiae ablegandum somnum.

CAPVT V.



L. 1. v. b. scitu dignum, an Adamus, eiusque posterii in statu innocentiae somnum capturi essent. Nonnulli, quorù meminit D. Thomas in 2. d. 19. q. 1. art. 3. negât: quibus ea ratio adstipularis, quod somnus docete Arist. hoc in lib. c. 2. institutus à natura sit, ad quietem viriumque reparationem, homines autem felici illo statu nec laborem, nec dispendia vlla sensissent. Nec obstat quod sacrae pagine autoritas Genescos 2. asserit immissum fuisse Adamo soporem, cum ab eius latere diuulsa est costa ad corpus Euxæ exædificandum. Non inquam, obstat, quia sopor ille Ecclasis potius fuit, quàm somnus, vt affirmat D. Augustinus 5. de Genesi c. 15. Quod ex eo etiam planum videtur, quia tunc Adamus secretiore cælestis numinis afflatu incarnationis mysteria cognouit. Quod utique significauit illis verbis, *Hoc nunc os de ossibus meis*: sic enim ea ininterpretatus est D. Paulus ad Epheseos 5. cum dixit, *sacramentum hoc magnum est* &c.

Genes.

D. August.

*In cam. q. par-
tem magis in-
clinat. Alensis
2. part. q. 89.
memb. 3.*

*Idem probat
Tertullianus
in lib. de An.
cap. 43.*

VERVM D. Thomas loco citato probabilius censet, & in 1. p. quæst. 94. art. 4. & quæst. 93. art. 3. disertè affirmat, & quidem meritiò, etiam in statu innocentiae fuisse dandum somno locum, non ei, qui ex lassitudine, aur morbo oriretur: is enim defectum argueret, sed quem dunraxar pura, & suavis alimenti vaporatio alliceret. Est enim hæc genuina, & naturalis affectio ad totius.

animantis perfectionem attinens. Itaque licet somnus in nostra hac mortali vita comparetur, obseruarique ad virium iacturam refarciendam; in illa tamen felicitate, in qua homines multis diuinis muneribus supra naturæ conditionem fruerentur, ad solam oblectationem & synceram voluptatem obdormiscerent, cum vellent. Nec concreti vaporis colluio caput degravaret, sed moderata purioris halitus copia ad quietem, hoc est, ad externarum functionum cessationem ineundam blandè inuitaret, ac deliniret. Igitur sopor ille primi parentis re vera somnus fuit, vt est communis Patrum, aliorumque auctorum interpretatio. Vnde & D. Thomas ex eo loco Geneseos colligit 1. p. quæst. 97. art. 2. Adamum in statu innocentie dormiisse: idque indicant verba illa, *immisit Deus soporem*. Vbi vox Hebræa, *tardemach*, non quemlibet somnum, sed grauem significat: pro qua veritè Aquila κατὰ ὄπιν, quasi rotius vigilie lapsum, Symmachus μακρόν, id est, profundum somnum. Fuit tamen is somnus à Deo iniectus: & quia in eo mens Adami supra naturæ consuetudinem, modumque ad diuinorum mysteriorum contemplationem euecta est, Ecstasis simul fuit.

Cuiusmodi
fuerit sopor
Adami.

Quomodo animal expergiscatur, & à somno cesset.

CAPVT VI.

DVP LICITER cessat animal à somno. Videlicet aut sponte sua, tuncque propriè dicitur expergisci: aut aliena vi, & interpellatione. Prior cessatio tunc datur, vt explicat Themistius hoc loco cap. 23. suæ paraphrasæ, ex doctrina Aristotelis in extremo huius libri. cap. cum primùm absoluta & profligata concoctio est, cumque intimus calor, qui ambientis frigoris metu in angustum se contulerat, tandem victis difficultatibus, & superior factus è latebra emicat, quod nō ante accidit, quàm sanguinem sæculentum, & turbidum à puro discreuerit, est enim tenuissimus, qui in caput mittitur, admodum verò crassus, qui inferioribus partibus mandatur. Igitur quandiu sanguinis ex cibo indiscretus est, sopor infusus durat, nec ante cessat, quàm syncerus ad superas partes, ad inferiores aurem crassior euadat, quod cum factum est, animalia, quasi onere, quod cibis afferebatur, depulso, excitantur & vellicantur è somno.

De experge
scitione spontanea.

ITAQUE huius sententiæ summa est, tunc expergisci animal cum decoctio vi naturalis caloris, qui se ad id colligerat, peracta est, tunc enim calor, & spiritus robustiores effecti ad externa organa diffunduntur. Quod intelligendum est de celebri, & maxime naturæ conuenienti expergescatione, vt aduertit hoc loco Buridanus quæst. 6. Contrigit enim non raro expergisci animal etiam

DE SOMNO ET VIGILIA. — 29

etiam sponte sua ob alias causas ante peractam coctionem imo & interdum, cum non præcessit propria alimenti decoctio, vt cum excitatus fuit vapor ex recrementitis humoribus, qui ventriculo insidebant. Verum enimvero viuuer salior & communis causa, ob quam expergiscuntur animantia, est, quia panduntur meatus, per quos spiritus animales transmeant, panduntur autem ordinariè, si animal rectè, ac probe se habeat, postquam vapores, qui eos occludebant, calore cerebri consumpti sunt.

Quo d. verò attinet ad eam cessationem à somno, quæ exterius procuratur, vt cum quis alium clamando excitat, dubitatit quis quónam pacto id fieri possit. Nec enim qui ita somnum rumpit aliter excitatur, quàm clamoris perceptione, non apparet autem quomodo clamorem percipiat, cum audiendi officina destituta sit influxu cerebri, & spiritibus, quorum ministerio sensationes perficiuntur. Respondemus ramen cum Buridano, Thoma à Vega in suis commentariis super tertium Galeni de locis affectis, & Vallesio lib. 4. Controuers. medicarum, Philosophicarum, & Fracastorio libro 2. de Intellectione, instrumenta externorum sensuum in dormientibus non omnino priuari influxu cerebri, nec ita deferi à spiritibus animalibus, vt non eis aliqui suppetant, quorum opera saltem vehementia sensibilia percipere valeat. Itaque cum quis dormientem inclamat, anima appulsu soni & auditoriz imaginis stimulata ad audiendi actum concurrat, somnūque dignoscit primò quidem obscurè, & quasi per vmbra, mox clarius ac distinctius, subindèque expultrici vi conatur faciens maiorem immittit spirituum copiam quorum irruptione sensus communis aditus, viz quæ ad sensoria, pariter reſertantur atque ira qui antea consopitus erat, euigilat. Sunt tamen nonnulli, qui ægrè à somno excitari consueuerunt, ita vt etiam pulsari vix sibi reddantur, cuius rei causa est, quia pauciores, vel hebetiores spiritus in organis sensuum retinent, aut obstructions habent meatus.

De iis, qui dormientes obambulant.

CAPVT VII.

*De his Arist.
hoc in lib. cap.
2. & 5. de ge-
nera. an. cap.
1. Calus lib.
16. cap. 33.*



IRCA eos verò, qui sopore affecti è lecto surgunt, & huc illuc oberrant; quæret aliquis num simpliciter expetrecti dici debeant, an dormientes. Cum enim sui compotes non sint, dormire vrique videntur. Econtrario tamen quod non dormiant suadet ea ratio: quia si ij virtuti motrici musculis insidenti, animales spiritus è cerebro communicant ad inembrorum motum exercendum: cur non etiam eosdem spiritus organis sensuum imperient ad sua obiecta dignoscenda? Atque ita versabuntur per id

tempus sensus externi in opere, & vigilia.

*Explicatio
proposita dis-
ficultatis.*

H V I V S C E controuersie dilutio hæc sit : cum ad somnum requiratur omnium sensuum ligatio , & ad vigiliam sufficiat vel vnus solutio , vt à nobis ante declaratum fuit , censendum erit, iis , qui prædicto modo è lecto surgunt non simpliciter inesse somnum , sed modum quandam somni imperfectum , & quasi dimidiatum , quandoquidem non est negandum eos tactu & si obscuro , vti , dum terram pulsant , dum se vestiunt , dum fores percutiunt , dum arma corripunt aliâque faciunt eiusmodi quæ non siue aliqua tactilium perceptione exhibentur. Neque refert quod inietim sui compotes non sint , ad vsu namque rationis requiritur interiorum sensuum solutio quæ tamen non arguitur ex eo , quod aliqua externa facultas euigilet , & in opere versetur. Causa verò , cur ij , qui dormientes ambulant , & si nullo sensu externo perfectè vtantur , nihilominus actum virtutis morticis gnauius perfectèque exerceant (sæpe enim longa spatia haud aliter , quàm vigilantes conficiunt , & vt cætera huius rei omittamus exempla , narrat Galenus 2. lib. de Motu musculorum cap. 4. aliquando se integrum fere stadium dormiendo peregrisse) causa inquam , est quia , vt Vega in 3. Galeni de locis affectus animaduertit , via , per quam cerebri facultas ad motum pectoris & actuum influit , alia est & laxior , quàm ea , per quam in sensuum externorum officinas illabitur. Quo fit , vt non æqualiter potentia motiua ; & sensitiua exterior à suis functionibus somno impediatur , præsertim cum imaginatio , quæ appetitum ad moriouem excitat , sæpe in dormientibus fortior , ac vehementior sit , vt pote , cui nunc ratio non obstat.

*De influxu
potentia mo-
toricis in mem-
bra & sensus.*

D V O præterea aduertenda hîc sunt. Alterum , vim loco motricem in iis , qui dormiunt , non solum tunc , cum obambulant operari , sed etiam cum decumbunt , haud omnino officio suo deesse , vt affirmat Galenus lib. 2. de motu musculorum : quandoquidem & tunc loquuntur & paruum aliquod corpus , flexis digitis prehensum seruant : & inferiorem maxillam discedere à superiori non sinunt , nisi admodum defessi , ac torpidi sint : & aërem reciprocando attrahunt , reuocantq ; quæ omnia non nisi ministerio , atq ; opera memoriæ virtutis exhibentur. Alterum , id quod diximus superius , eos , qui inter dormiendum ambulant , vt sensu tactus , non ita accipiendum , quasi interdum non aliquo alio sensu pariter vti soleant , cū Aristoteles 5. de generatione animalium c. 1. eisdem videndi actionem tribuat : cū irem ij , qui inter dormiendum loquuntur , & ad interrogata respondent , audiendi sensu vtantur. Nostra igitur sententia est , semper eos aliquo tactu vti , licet obscuro , vt cunq ; circa aliorum sensuum functiones sese habeât. Sunt autem magna ex parte huiusmodi ambulones , suo pte ingenio in-quieti , agiles & multis se negotiis immiscentes , quos ardeliones vocâr. Vnde ex natiua sensuum viuacitate cursatio illa exoritur.

Quid

*Quid cause esse videatur, cur galli stato noctis tempore
expergeant, & canant.*

CAPVT VIII.

SVAM habet in philosophia considerationē alitum
gallorum definitis intempestæ noctis spatiis exper-
rectio cum cantu. Hos ait Plinius lib. 10. Naturalis
historiæ cap. 21. excitandis in opera mortalib. rum-
pendoque sonino naturam genuisse. Norunt, inquit,
sidera & ternas interdiu horas cantu distinguunt. Cum Sole eunt
cubitus quartæque castrensi vigilia ad curas, laborēque reuo-
caut. Nec Solis ortum incautis patiuntur obrepere, diēinque ve-
nientem nuntiant cantu, ipsum verò cantum plausu laterum.
Affirmat tamen idem Plinius lib. 19. cap. 4. si eorum collo circulus
ē sarmentis addatur non canere: cuius rei fides penes auctorem
maneat. Licet verò id quod asserit de distinctione temporis ex
gallinacei cantu per ternas horas fictitiū sit, vt experimēto com-
probatum esse docet Scaliger Exercitatione 139. in Cardanum.
Nihilominus quid causæ sit cur gallinaceus circa noctis medium
canat, quod verum esse nemo ignorat, id inquam à multis quæ-
situm, à nullo fortasse hætenus inuentum. Omissis aliorum pla-
citis, quæ videre est apud Scaligerum loco citato, Cælium lib.
16. Antiq. lectio. cap. 13. Duæ sunt hæc de re celebriores senten-
tiæ. Vna Democriti vt refert Tullius lib. 2. de Natura Deorum,
aientis excitari tunc gallum & canere quod quiete satiatus sit, ac
mirificè recreatus depulso de pectore & in omne corpus distribu-
to cibo. Altera existimantium gallum esse auem Solarem, in eū-
que peculiariter Solem influere potissimum cum post noctis me-
dium ad nostrum Orientem vergere incipit, idq; in causa esse,
cur tunc gallus experrectus canat, quasi planetæ suo congratu-
latus. Ex his duabus opinionibus, & si prima ad veritatem pro-
prius accedat; neutra tamen omnino satisfacit. Non prima, quia
non explicat cur cæteræ cantatrices aues non eodem tempore ex-
citantur & canant: non secunda, tum quia liberè confugit ad cæ-
lestem influxum; tum quòd sæpe galli ante mediam noctem can-
tum edunt; sæpe multò post. Dicendum videtur, vt singulis ani-
mantium speciebus conuenit peculiaris instinctus & inclinatio
orta à certis qualitatibus & temperie vnique speciei propria;
ita gallinaceo ex vi natui sui temperamenti (quod præcalidum
est ac facile cibos digerit) competere, vt ei ordinariè circiter me-
diam noctem soluantur sensus; eodēque tempore eidem à pro-
prio phantasie instinctu cantum, & alarum plausum imperari; ar-
que hanc esse tum expergefactionis, tum cantus causam. Quare
nihil mirum si non idem accadat cæteris auib; cum non omnes
eodem temperamento, & instinctu præditæ sint.

Ilumin.

*De distinc-
tione temporis ex
cantu galli.*

*Opinio De-
mocriti.*

*Sententia
aliorum.*

*Singulis ani-
mantium spe-
ciebus pecu-
liaris instin-
ctus.*

Solutio

Solutio problematum, quæ ad somnum pertinent.

CAP. IX.

Sententia Aristot. de frigida cerebri.



DILECTUS nunc aliquot problemata de rebus ad somnum spectantibus; Primum sit. Si cerebrum calidum est, non frigidum: quo pacto vapores illuc perlati, eius frigiditate addensantur, & meatus occludunt? Responsio: Aristoteles 3. huius. libri affirmat cerebrum esse omnium, quæ in animali continentur, frigidissimum, cuius effari veritas alibi à nobis excuenda est. In præsentidicimus saltem cerebrum multo esse frigidius corde, & spiritibus, qui è cordis ventriculo emicant, habereque eam frigiditatem, quæ satis sit ad Stomachi halitus addensandos. Quod Aristoteles apta similitudine expressit loco citato. Quemadmodum, inquit, vapore, qui Solis calore è locis humidis exhalatur, cum ad mediam æris regionem petuenit, ob algorem eius loci perfrigeratur, coactûsque & in aquam versus, suo pondere ad ima labitur: sic vapor ventriculi, quantumvis calidus, ubi innati caloris vi ad cerebrum appulsi, eius frigore coaceruatus & confertus deorsum trahitur.

Simile.

Spiritus animales.

2. Certe externæ facultates opere lassantur, & quiete, somnôque indigent, non ita verò facultas nutriendi, quæ in otio nunquam est? R. Quia externæ facultates munus suum obeunt intuentu animalium spirituum, qui, dum potentie incumbunt in opus absumuntur (sunt enim præternis, & evanidis substantiis) iisq; absumptis necesse est defaigari potentias: vis autem nutritoria ex communi philosophorum placito, nec eiusmodi spiritibus, nec viriute per illos è cerebro influente indiget. Quod si opus habet spiritibus naturalibus, quos quidam à vitalibus & animalibus distinctos ponunt ij non intereunt aut deficiunt, dum nutriendi facultas operatur, quin verò ab ipsa tunc gignuntur, & elaborantur, ut in progressu explicabimus. Quo fit ut huiusce potentie functiones, cum labore & lassitudine coniunctæ non sint: proindeque nec quietem desiderent.

3. Si somnus fit adacto intus calore, labor autem, motûsque corporis calorem ad extimas partes diffundit, qui fieri potest, ut labor somnum inducat? R. Quia calor, qui agitatio corpore sparsus fuerat, quiescente ad interiora colligitur.

4. Si fatigatio sudore eiecto membra exsiccat, quoniam pacto defessis halituum copia ad somnû accersendû suppetet? R. Quia & si corporis fatigatio sudorem egerat: alia tamen ex parte humores concretos, quos inuenit, nisi admodum frigidi sint, liquescit, qui vice alimenti spirant, & vaporant. Quod si eiusmodi humores, vel aliud quid simile, quod expirationem edat, non subit,

Aristo. 3. cap. huius libri.

subsit, quantumlibet se calor interius condatur, vigilia laborem excipit, ut interdum fit.

5 C V R melancholici parum dormiunt, cum alioqui edaci auiditate sint: R. Quia in iis quorum prægelida natura est, multa euaporatio vi caloris intestini efferri non potest: talis verò affectio melancholicis conuenit, qui tamen edaces sunt, quia ut declarat Aristoteles cap. 3. huius libri, & Themistius cap. 18. suæ paraphrasis, siccam, & retortidam habent temperaturam, nec hausto cibo perfruuntur, grassante & nutrimenti conceptacula obfidente atra bili, qua redundant.

*Melancholici
cur parum
dormiant.*

6 Q V O pacto somnum lactuca inuehit, si frigida est, & euaporatio calore indiget? R. Lactuca, & si frigida sit, ita nihilominus fumosa est, ut alieno calore facile vaporem edat.

7 C V R plerumque ij, qui se multo, ac præsertim vario cibo ingurgitarant somnum ægrè capessunt, & si ad id conatum faciunt? R. Quia ut ignis congestu lignorum: ita natiuus calor nimio cibo suffocatur, & obruitur, ac tardè decoquit: tarda autem decoctio sero, ac segniter vaporem exhalat. Idque potissimum accidit cum diuersi generis eduliis plenus est venter. Nam cum alia tardiùs, alia citiùs in chylum vertantur coacescit stomachus & ab officio suo impeditur: tum etiam frequens eructatio huc illuc corpus versat, nec halitum recta via in sublime rapi sinit.

*Cibos diuersi
generis tarde
excoquit.*

8 C V R Æthiopes suapte natura aridi somnolenti sunt, maxime per æstatem? R. Quia, ut Aphrodisæus animaduertit, illis qui acruant in capite pituitam, quod verisimile est facere Æthiopes ob natiui caloris (& si ascititio abundant) exiguitatem: ea per æstum liquata, defluentéque somnus obrepit: quibus vero caput purum est, & excrementis vacans, exiccato cerebro vigilia sequitur.

9 C V R primus somnus arctior esse solet? R. Quia initio maior humoris copia in superas partes euadit, quæ ut paulatim absumitur, ita somnum gignit liberiores: hinc & infantiuli, uti diximus, primo ætatis ingressu alto sopore opprimuntur, quia calidi sunt, & præhumidi, adeo ut quinque mensibus ceruicem non inflectant. Vnde etiam Aristoteles hoc in lib. cap. 3. vsum vini, quod halitibus plenum sit, tam ipsis, quam earum nutricibus, interdicat.

*De assiduo
infantium
somno.*

10 C V R ij quibus venæ non apparent, somnulosi sunt? R. Quia per venas angustas, quales hi habent, ægrè humor è cerebro descendens effluit, sed in ipsis diu insistit, somnumque porrigit: non secus atque per fistulas graciles aqua guttatim & lente decurrit, per amplas celeriter elabatur.

11 C V R dormientes vsu rationis destitui dicuntur, si vniuersalia apprehendant, si discurrunt, si disputant, si consultant, si iudicant? Hæc enim omnia somno consopitos non raro exhibere docet experientia? R. Quia tunc non adimitur intellectui facultas.

Con. Comm. in parua Nat.

E.

*Aristo. 3. cap.
Inius lib.*

*De privatione
r-sus libertat-
em in som-
ni.*

operandi, sed liberè operandi. Adimitur verò ei talis libertas, quia perfectà intelligendi ratio, quæ libertatem comitatur, pender à solutione interitum sensuum, cum oporteat intelligentem speculati phantasmata, interni autem sensus tunc solum dicuntur soluti esse, cum rectè, & ordinariè operantur, quod obtinere non possunt dum cerebri meatus obturati sunt: interim namque semper intus oberrant vapores, quorum nubes obumbrat sensuum officinas, eorumq; operationes turbat.

12 C V R glires dum hyeme dormiunt maximè pinguescunt? Vnde eorum quidam apud Martialem sic ait:

*Tota mihi dormitur hyems, & pinguior illo
Tempore sum, cum me nil nisi somnus alit.*

*Lege D. Tho.
1. part. quest.
84. artic. 8 ad
2. & in 4. d.
9. quest. vnic.
art. 4. quest.
1. ad 4.*

Lib. 13.

R. Quia dum hyberna larebra sese continent, obtorpescit in eis calor, isq; cum lentè admodum carpat nativum humidum, conuertit in eorum substantiam pituitam intus asseruatam, eaque pasti dilantantur.

13 C V R tristitia somnum adimit? cur somnus tristitiam leuat?

R. Quia tristitia in homine præsertim cogitabundo, propter occupationem imaginariæ, coctionem deprauat, vaporem disperdit, humidum consumit. Quod item ob eandem causam præstat mediatio, & lectio, etsi hæc interdum somnum aduocent, cum videlicet is, qui meditatatur, aut legit, ira est affectus, vt vaporum copia membris, sensibûsque & animalibus spiritibus tunc magis quiescentibus in cerebrum euecta intentionem, & applicationem animi torpidam reddat, ac tandem meatus ocludat: eademque causa est, cur blandus aquarum decursus somnum conciliet. Lege Aristotelem in problemat. sect. 18. quest. 7. Quod attinet ad rationem, ob quam somnus tristitiam leuat D. Thomas 1. 2. quest. 39. art. 5. id ira explicat. Cum tristitia repugnet vitali motioni corporis, quacumque corporis affectionem in vitalis motionis statum vendicant, ea tristitiam oppugnant, minuuntq;: sic verò sese habet somnus, quandoquidem reparat spiritus, quorum ministerio si motus, estq; commune natura subsidium, speciatimq; ob id tristitia alienamentum est, quia tristitiam rerum cogitationem amouet, & melancholici humoris malitiam emendat, & spiritus turbidos, atque obscuros, causam sobolemque maioris, absumit.

*Somni cur tri-
stitia aliena-
mentum.*

14 S I somno calor ad viscera cogitur, quonam pacto tertia decoctio alimenti, quæ in membris fit, & calore promouetur, somni, quæto vigilæ tempore exactior est? R. In primis, quia artuum quies non parum iuuat decoctionem, quatenus minor spirituum copia tunc effluit, quàm vigente motu. Secundo, quia licet ineunte somno coeat calor in præcordia, postea tamen sese in totum corpus diffundit. Vnde est quod extrinsecus partes corporis, quæ initio somni frigent, eodem procedente recalescunt.

*Ineunte som-
no calor in
præcordia se
eripit.*

15 C V R somnus post nimiam, & subitam corporis exan-

tionem,

tionem, auget debilitatem fractionemque, immo & nonnunquam deliquiū importat? R. Quia somnus residuum illud caloris, quod in membris supererat, introctum reuocat; sicque moles corporis calore, & spiritu destituta collabascit.

*Legit Galenū
in lib. Hipp. de
viciniis ratione
in morbis acu-
tis.*

16 C V R sudorem somnus mouet? R. Quia ut dormienti meliūs, quā vigilanti alimentum decoquitur, ita per somnum copiosior halitus a visceribus ad cutem educitur. Vbi sciendum si vapor corporis extrema petens diffilat, nec in obstacula impingit, confestim euolare; si verō impingit, per inorā in sudorem concrefcere; quod frequenter accidit corpore consopito, & quiescente: quoniam nullo tunc motu halitus dissipatur, nec in poros ita laxos, quos motus aperire solet, incurrit. Cur autem nonnulli, ubi se somno tradiderint, confestim sudant, causa est, quia retentrix facultas destituta à calore in viscera fugiente, humorē, quem veluti prehensum tenebat, dimittit, non aliter quā in deliquio mentis, quo totum corpus repentino sudore mader.

*Sudor in mem-
bris deliquio.*

17 C V R somnus maturinus iucundior est? R. Quia Solis remeantis propinquitas ē nostris corporibus halitus soporiferos denuō excitat, sicuti & ex aliis corporibus vapores. Vnde est, quod paulo antequam dilucescat, aer obscurior, ac tenebrosior fit, quā esset, cū Sol longius aberat, occupante videlicet, & obscurante aerem vaporum copia, quā aduenientis Solis calor exciuit.

*Paulo ante-
quam diluce-
scat, cur aer
obscurior red-
ditur.*

18 C V R vespertinus somnus potissimū damnatur? R. Quia id tempus maximē importunum est. Recedente enim Sole, qui innatum calorem fouet, noxia omnia plus incommodant, est autem omnis fere diurnus somnus noxius.

*Legit Plin.
lib. 25, c. 4.*

19 C V R supra dextrum latus suauius soporāmur? R. Causam reddit Aristoteles in problem. sect. 6. quæst. 5. & 7. R. Quia hac ratione magis quiescit immotaque constituitur dextera pars, quæ motus principium est, & diurno labore magis fuerat defatigata: vel ut alij explicant, quia cū ventriculi os ad sinistram vergat si in læuam recumbas necesse est alimentum offendere, grauareque stornachi orificium, ex quo turbatio, somniq; interruptio oritur, vnde medici iubent eos, qui purgatoria medicamenta sumpserunt, aut quibus aliunde vomitus timetur, supra dextram, minime verō supra sinistram cubare. Si autem probæ coctionis exacta ratio habenda sit. Ea docente Auicenna, Tertia p. doct. 1. quæst. postulat ut primò in dextram decumbamus, ne cibus innatet, fluctuet-ve. Deinde noctis decursu in læuam, ut hepar ventriculo insidens decoctionem promoueat: tandem sub lucem rursus in dextram: hac enim varietate alimentum, ut olla ignis hinc inde appposito, commodius, ac vehementius incalescit.

*Ventriculi os
ad sinistram
vergit.*

20 QUA MOVEREM musica somnum iucundè allicit? R. Quia anima ad cantus intentia reliquorum sensuum, quasi oblita, spi-

*Cantus cur
somnia concu-
latur.*

ritus ad eorum officinas immittere definit, eosque ad audiendi or-
ganum aduocat, ij verò humidū, si quod ibi inueniunt, in halitum
soluunt. Atque ita rum reliqui sensus spiritibus destituti, tum au-
ditus ipse ob excitatum vaporem facillè soporantur, omniumque
somnia iucunda quies existit.

*Aliter A-
phrodis. libr.
probl. prima
probl. 119.*

21 QVAM ob causam somnus grauibus morbis laborantibus
præsertim si ieiuni sint, interdum valde nocet? R. Quia in iis calor,
dum sese interius abdit, humores noxios colligit in præcordia, qui
vitæ fontem inficiunt, & ad interitum vocant.

*Animalia
corde, & san-
guine carētia.*

22 SI multa sunt animalia destituta corde & sanguine, ac pro-
inde spiritibus animalibus, qui nihil aliud sunt, quam partes san-
guinis tenuissimæ, in corde primum, deinde in cerebro elaboratæ,
quæ fieri potest, vt vera sint, quæ hætenus de somno diximus: vide-
licet fieri impedita cōmunicatione eiusmodi spirituum è cerebro?
R. Quia licet non omnes animantes cor & sanguinē habeant, om-
nes tamen aliquid obtinent proportionē respondens cordi & san-
guini, atque adeo spiritibus animalibus. Lege Aristotelē c. 3. & 4.
de somno, & vigilia.

IN LIBRVM DE SOMNIIS.

Quid sit somnium, & quomodo accidat.

CAPVT I.

*Definitio som-
ni.*



CONTINUATA rerum series postulat, vt cum
Aristotele de somniis agamus, siquidem somnia
affectiones sunt somni, de quo proximo libro
disseruimus. Et vt à rei subiectæ definitione au-
spicemur. Somnium, vt Aristoteles 1. & 3. huius
lib. c. explicat, est visum, quod in somno apparet, seu
quod eodem recidit, est apparitio exhibitæ per internum sensum, in iis
qui somno consopiti sunt. Dicitur, per internum sensum, vt reliciantur
notiones intellectuæ potentie, quas dormientes interdum effin-
gunt, quæ non ritè somnia vocantur, vt Aristoteles loco proximè
citato ait. Additur, qui somno consopiti sunt, ad remouendas sen-
siones internas, quæ accidunt amentibus, & phreneticis, quoniam
hæc, somnia non sunt: cum fiant solutis per vigiliam sensibus.

PRO cuius rei intelligentia haud ignorabis, interim dum ad-
huc præelusi sunt meatus, per quos animales spiritus ad externos
sensus inuehuntur, non raro accidere, vt soluati, & quasi vinculo
liberentur interni sensus, sedata videlicet magna ex parte (nam ex
roto dum somnus perseverat cohiberi non potest) vaporum agi-
tatione, & tumultu. Ostendunt enim sese, quæ antea omnino
latuerant,

*Legē D. Tho.
1. parti. q. 111.
art. 3.*

latuerant, rerum imagines, per quas interni sensus operantur idque clariùs, aut obscuriùs pro halituum paucitate, vel multitudine, tenuitate, aut crassitie. Hoc igitur cùm accidit, somniare animal dicitur.

Rerum imaginum.

M O D U M autem, quo prædictæ imagines aut latent, aut se exerunt declarat Aristoteles 3. huius lib. cap. hac similitudine: Quemadmodum in aqua permota, aut nulla effigies redditur, quæ appareat, aut redditur quidem, sed tortuosa: quiescente autē & stagnante aqua res nativo suo colore propriāq; forma respondent: ita dormientibus euenit, dum enim vapores in cerebro errabunda motione addensantur: aut imagines penitus obrutæ delitefcunt, aut non nisi turbulenta quædam & molesta, ac prodigiosa visa exhibent, qualia sæpe accidit melancholicis furentibus, & ebriis, aut febris laborantibus.

Somni.

S E D illud est in hac disputatione valde ambiguum ad quos nimirum sensus internos pertineant somnia, à quibusve spectris eliciantur. Multorum sententia est partim ad sensum communem partim ad cogitatricem vim spectare. Elici in sensu communi à speciebus, quæ ad ipsum ex phantasia perferuntur: in cogitatrice ex imaginibus, quæ ad illā è promptuatio memoriæ sensitiuæ commeant. Faciunt quippe huiusce opinionis assertores phantasia thesaurū sensus communis: & eam, quæ peculiariter memoria sensitiua dicitur, thesaurum potentiæ cogitatriæ. Itaque horum iudicio cùm per somnium res sensatas apprehendimus, putandum est id somnium effici in sensu communi, cuius obiectum sunt res externis sensibus obnoxie: at cùm res sensatas cogitamus, vel non sensatas inter se, aut cum sensatis miscemus, existimandum tale somniū effici in cogitatiua, ad quā eiusmodi apprehensiones ex officio pertinent.

Ad quos sensus internos pertinent somnia.

S I C cùm qui inter dormiendum videtur sibi intueri hominem destrieto gladio, isthæc apparitio sit in sensu communi, quia est rei sensatæ. Quod si eundem percipit vt hostem & inimicum: cùm inimicitia sit res non subiecta externis sensibus, talis apprehensio exercetur in cogitatiua. Atque ita nonnunquam duæ potentiæ circa eiusdem rei euentum historiāve simul occupantur interdum vna dumtaxat, prout materiæ subiectæ conditio, & natura postulat.

P O R R O autem quo pacto species somnia effecturæ ab ulteriori sensu ad priorem remeant, duplex sententia est. Sunt qui dicant vt imago à speculo ad oculum reflectitur: ita simulachra à sensorio phantasiæ quodammodo repercuti, redireque sponte ad communem sensum, similiterque ab organo memoriæ sensitiuæ, ad cogitatiuam. Alij credunt non dari eam repercussionem, sed traduci imagines vehiculo spirituum animalium. Aiunt enim præter idola quæ eiusmodi cellulis recondita, & in substantia cerebri impressa sunt, è quibus potentiæ actiones suas eliciunt,

De regressu imaginum ad efficiēdo somnia.

dari alia spectra consimilia, spiritibus inusta, quæ eorundem spirituum opera huc, illucque excurrunt: ira videlicet vt imago Socratis, quæ insidet in spiritu administro, & quasi satellite phantasiæ, ab eo traiecit aliam imprimat in sensum communem, qua is informatus rem ab illa repta sententiam apprehendat. Quandoquidem spiritus, vt alibi placuit faciemus, animari non sunt, fierique non potest, vt anima per speciem hærentem in alieno subiecto vitam eliciat actionem.

Ac quod somnia hunc in modum fiant, hoc est, transuersione specierum ab vno sensu ad alium baiulis spiritibus, videtur expressa Aristotelis sententia hoc in libro cap. 3. vbi generationem somnij declarans ait, dormientibus plurimam sanguinis copiam ad sensum principem delabi, & vnâ moriones illas descendere, quæ in ea materia continentur, aliæ potentia, aliæ actu. Air verò in materia sanguinis, siue in spiritibus qui nihil aliud sunt, quàm tenuissimæ purioris sanguinis particule quædam moriones actu esse, quasdam potestate: quia vt explicat Themistius cap. 17. suæ paraphrasis, quædam imagines nobis dormientibus cunctantur & torpent, aliquæ præsto sunt principiumque sentiendi, id est, potentiam ad ipsarum vsum excitant.

Quod etiam Aristoteles eodem cap. illustrauit exemplo ligneatum ranarum aliquantulum obscure, sed in hac sententiam, vt Leonicus eo loco est interpretatus. Si quis ranunculos è subere, aut alio quouis ligno conficiat, numero quinque verbi gratia, deinde eos in vas plenum aqua includat, & vnum quidem in vasis fundo statuat superiniecto sale, similiterque alios tres: singulis sale interposito: tandem vero in vasis superficie vnum apertum collocet: extremus hic qui cernitur ranunculus proportionem habebit imagini actu, perquam nunc operatur anima: illi autem, qui conditi sunt, & sale operati iis imaginibus, quæ potestate existunt. Vt igitur prædicti ranunculi, si sal liquefcere & in aquam verti incipiat, paulatim se exerent, & ordine suo apparebunt: ita imagines, quæ inundante vapore abscondebantur, eodem impresso, & euanescente sese proferent, vt iam iis potentiæ vtique queant, quæ antea nequibant.

Alia ratio explicandi somniorum generationem.

CAPVT II.



NONAM pacto ex communiore philosophantium sententia somniorum generatio procedat, proximo cap. disseruimus vbi etiam ostendimus potuisse Aristotelem fieri insomnia per descensum recursumve imaginum ad principem sensum, licet num etiam in cogitatrice perficiatur nihil omnino ex illius dictis elicerimus.

Verum

*Spiritus non
sunt animæ
præditi.
Sententia A-
ristotelis quo
pacto fiant
somnia.*

*Legge D. Tho.
ad hunc locū
1. parte, quæst.
111. art. 3.*

Simile.

Verum alia nobis in re proposita occurrit opinio, quæ fortasse non displicuerit. In primis namque regressio illa imaginum minimè necessaria videtur; siue fiat per repercussionem, siue spirituum vehiculo. Repercussio enim nunc datur, cum aliquod corpus, veluti pila, impingit in aliud, cuius duritiem, & repugnantiam, quia vincere nequit neque progredi ulterius valet, retro commeat, aut dissulat in latus. Quod similiter accidit cum qualitas ab aliquo agente effusa propter obstaculum, id quod impingit, explicare se amplius per lineam rectam non potest, sed; spatij longitudinem, per quam porrigenda esset, in se redeundo seq; intendendo compensat: quo modo fit lucis reciprocatio, & productio Echus. At quod neutrum horum in somniis accidat, probatur. Nam prima illa repercussio conuenit solis corporibus, imagines autem non sunt corpora. Quod si quis respondeat non percuti imagines per se, sed ratione spirituum, quibus à sensu externo in internum prouehuntur, id ex eo facile coarguitur, quia spiritus non adeo vehementi & turbida agitatione in interna sensoria impingunt, vt ab iis eos retrogredi necessum sit. Præterea si talis reflexio detur, vtique tunc dabitur, cum imagines ab externis sensibus ad internos commeant: at inter dormiendum, vt facultates externæ feriantur, ita omnis commeatus simulachrorum qui ab his ad internos in vigilia fit, omnino cessat. Vade etiam liquet non reuerberari species ab internorum sensuum officinis eo pacto, quo lux, aut somnus à corporibus, quæ offendunt, siquidem nunquam ea reciprocatio fieri incipit, nisi cum accidentia incurrunt denudè in corpora, à quibus reflectuntur. At cum somniamus, non tunc incidunt imagines in interna sensoria, sed iam ante in iis insculptæ fuerant.

Si quis dicat non redire simulachra ad sensum communem, siue ad æstimatiuam ex repercussione facta ad sensoria, sed reduci vectoribus spiritibus, qui somni tempore per internorum sensuum officinas diuagantur (quæ ratio tuendi prædictam regressionem communior est, ac longè, quàm prima verisimilior) id etiam non parum habet difficultatis. Sed aduertendum primò est, quod in libris de Anima ex professo ostendimus, videlicet phantasiam & memoriæ sensitiuam non esse duntaxat potencias passiuas, quasi nihil ipsæ operentur, sed tantummodo ad asseruandas rerum imagines destinatæ à natura sint, alio qui de teriotis notæ essent, quoad hoc. quam sensus externi, quos constat non solum obiectarum rerum species accipere, sed earum interuentu in opere, & actione versari. Deinde quia nemo inficias ibit nos per imaginatricem vim, siue phantasiam multa imaginari & effingere: ac per memoriæ sensitiuam recordari. Tertio quia receptum est in philosophorum scholis eos, qui bona sunt phantasia, id est, qui celeriter, & acutè imaginantur, celeriter ingenio præditos esse, facileque discurrere: & qui æstimatiua

*Non esse opus
repressu in a-
gimū ad som-
nia.*

*Phantasia &
memoria sen-
sitiua non esse
passiuas, sed
per se actiuas
& operantes.*

celeri

celeri ingenio præditos esse, facileque discurrere : & qui æstimatoria præstant, hoc est æstimatricis potentia functiones excellenter administrant, iudicio eminere.

P R A E T E R E A supponendum est omnia, quæ apprehendit: sensus communis, percipere etiam phantasiam: itémque omnia, quæ cogitativa cognoscit, percipi à memoria sensitiva. Quod ex eo sanè pater, quia phantasia servat typos omnium rerum, quæ cadunt sub communem sensum, iisque ad notiones suas utitur cum non sit tantum facultas patiens, ut ostendimus; similiterque memoria servat imagines omnium rerum, quæ sub notitiam cogitatricis potentia veniunt, & eisdem pari modo utitur.

H I S ita constitutis quod ad gignenda somnia nullo pacto necessarium sit ab ulteriori ad priorem sensum species redire, ita probatur, Phantasia cognoscit omnia, quæ sensus communis, immo & plura, cum etiam proprio ingenio multa imaginetur & effingat. Item omnium eiusmodi rerum species in se cohibet, tam eas quæ sibi à communi sensu demandatæ sunt, quàm alias, quas sibi ipsa per proprias notiones impressit. Præterea inter dormiendum non impeditur ab usu talium imaginum, cum non minus, quam sensus communis, soluta sit. Nihil igitur opus est, somniorum gratia mitti species à phantasia ad sensum communem. Sed si somnia effingenda sint circa res ad phantasiam, vel ad sensum communem spectantes in ipsa phantasia non autem in sensu communi, perficientur. Eodémque modo somnia circa obiecta ad cogitativam & ad memoriam sensitivam pertinentia administrabuntur in memoria sensitiva.

Obiectiva.

Q U O D si quis obiiciat nos inter dormiendum nonnunquam discurrere ab una re singulari ad aliam: hoc autem ad nullum sensum internum, præterquam ad cogitativam pertinere, proindeque in somniis operari cogitativam. Occurrendum erit rametsi non inficiemur cogitativam hominis circa singularia discurrere: non constare tamen virum somniantium discursus, etiam cum non versatur in rebus uniuersalibus, ab aliquo sensu interno, an ab intellectu proficiscatur: sed esto fiat à sensu dicendum memoriam sensitivam hominis componere, diuidere, & discurrere, ut ait Diuus Thomas in prima parr. quæst. 78. articulo 4. ad 5. proindeque talem discursum effici à memoria sensitiva.

Dilata.

H O C igitur modo se habet nostra sententia de somniorum generatione. Concedimus tamen ne ab Aristorele videamur omnino recedere voluisse, interdum commeantibus huc illuc spiritibus, & imaginibus fieri somnia, non solum in phantasia, & memoria, sed simul etiam in sensu communi & cogitativa, sic enim illius verba explicari possunt: præsertim cum non docuerit gigni somnia tantummodo in sensu communi, sed indefinitè locutus sit, alioqui negasset fieri quoque illa in cogitatrici potentia,

potentia, cuius oppositum in schola Peripatetica receptum est. Aduerte, quod hic asseruimus de duplici potentia, ad quam somnia pertineant, intelligendum esse si præter sensum communem ponamus plures facultates, internas sensitiuas, quàm vnā. Nam si vnā tantum constituere placeat, quod suo loco expendemus, ad eam tota somniorum ratio deuoluenda erit: adhibita tamen illa, quam diximus, consideratione circa sensum communem in doctrina Aristotelica.

De variis somniorum generibus.

CAPVT III.



VCTOR libri de spiritu & anima, siue is sit Hugo-Victorinus, siue alius c. 25. eius operis quinque somniorum genera enarrat, videlicet oraculum, visionem, somnium, insomnium, phantasma. Oraculum, inquit, est cum in somnis aliqua sancta gravis, persona, vel etiam Deus euenturum aliquod aperte vel non euenturum, faciendum, vel evitandum nuntiat. Visum, est, cum id, quod viderat quis eodem modo, quo apparuerat, euenit. Somnium, est quid figuris rectum, & quod sine interpretatione intelligi non potest. Insomnium est, cum id, quod fatigauerat vigilantem, ingerit se dormienti, vt cibi cura, vel studium. Phantasma est, quando quis dormire cepit, & adhuc se vigilare existimat, aspiceretque videtur irruentes in se, vel passim vagantes formas, aut latas, aut turbulentas.

Oraculum.

Visum.

Somnium.

Insomnium.

Phantasma.

D. GREGORIUS lib. 8. Moraliū c. 13. & 4. lib. dialogorum c. 48. sex genera somniorum ex totidem causis orta commemorat. Aut enim inquit, ex plenitudine, vel inanitate corporis somnia existunt; aut ex antecedentibus diurnis curis, aut ex illusione Demonis, aut ex cogitatione hominis simul & Demonis illusione, aut ex reuelatione Dei, aut denique ex cogitatione hominis simul & reuelatione Dei.

Alia genera somniorum ex D. Greg.

HIPPOCRATES in libro de somniis ait somnium duplex esse. Videlicet diuinum, & naturale. Diuinum vocat, quod à Deo iniicitur, vt prænuntiet insignem aliquem euentum ad lætitiā, vel moerorem, felicitatem, vel miseriam, siue alicuius priuatæ personæ, siue totius Reipub. pertinentem. Naturale appellat, quod ex affectione ipsius dormientis, & causis in eo latentibus ortum habet. Quæ de re in progressu plura.

Alia ex Hippocrate.

Alia insomniorū genera tradit Tertul. in lib de Animæ cap 47.

De somniis diuinis, demoniacis, Naturalibus, & animalibus.

CAPVT IV.

De diuinis somniis Philo Iudæus in lib. de insomniis. libellus in



OBIS videtur perquam appositè diuidi somnia in Diuina, Dæmoniaca, Naturalia, & Animalia. Diuina sunt, quæ à Deo inspirantur, siue id fiat immediatè à Deo, siue Angelorum interuentu, vt plerunque accidit. Con. Comm. in parua Nat.

Somnia diuina.

Horum multa continent exempla diuinæ literæ, tam in veteri, quàm in nouo testamento: in veteri, vt somnia Iacob c. 28. Ceneleos: Iosephi cap. 37. eiusdem libri. Pharaonis cap. 41. In nouo, vt Matthæi 1. & 2. vbi legimus admonitum fuisse diuum Iosephum in somnis ab Angelo, vt puerum IESVM & matrem in Aegyptum deferret, deinde iterum, vt eos in regionem Israëliticam reduceret.

S O L E T Deus tum ob alios fines somnia immittere; tum sæpenu-
mero, vt rerum latentium & futurarum prænotionem hominibus impertiat. Quod facit vel nouas imprimendo species siue intelligibiles, siue sensibiles: vel componendo & coordinando eas, quæ nobis antea inerant, & insuper intelligibile lumen communicando, si ita opus sit. Angeli verò, quia neque species, neque lumen per se in animam hominis transfundunt, quoties aliquid inter dormiendum edocent, aperiunt-ve, id præstant expediendo illis species, easque appositè coordinando ministerio spirituum, qui ipsis, vti cætera corpora, ad motum localem obtemperant, vt D. Thomas 1. p. qu. 111, art. 3. explicat. Adde etiam sicuti in vigilia, ita & in somniis mouere nonnunquam Angelos corporis humores ad excitandum vtilem alicuius rei affectum & cogitationem. Habet enim ad id non parum momenti humorum excitatio, sicuti & ipsum primarum qualitatum temperamentum, vt progressu patebit.

D Æ M O N I A C A somnia dicuntur ea, quæ à Dæmonibus inducuntur: possunt verò ab illis induci eo pacto, quo ab Angelis, cum vtrique similem naturam, ac virtutem habeant; tamen non eundem finem spectent. Angeli enim gloriam diuini numinis hominumque salutem in iis, vt & in cæteris rebus quærunt: Dæmones autem his omnino contraria. Ac duo potissimum sunt, quæ illi impuri & nefarii spiritus somniorum interuentu asscqui nituntur. Alterum est hominum, si mentes non possint. saltem corpora, obsecænis cogitationibus, & voluptatis illecebra contaminare. Qua de re piè conqueritur D. Augustinus lib. 10. Confessionum cap. 30. Idemque luculenter pertractat Iustinus Philosophus & Martyr in libello quæstionum, quæ Christianis à gentibus proponebantur quæst. 21. Alterum est, ignaros homines vana superstitione imbueri; si eos aliquorum somniorum euentu, ad interrogandam iis fidem pellegerint. Quo artificio constat Ethnicos multipliciter fuisse delusos, & in impietate obfirmatos. Vtque cætera huius rei omittamus exempla, narrant Philostratus, Pausanias, & Strabo, eos qui variis oppressi morbis, Aesculapij, Serapidis, & Amphiarai templa adibant, omnium ægritudinum remedia inquiete, dum eisdem somnia obuersarentur, accipere consueuisse. Quod iccirco Dæmones faciebant, vt vel sibi, qui ea remedia suppeditabant, vel tribus illis hominibus in Deorum numerum relatis, diuinus honor tribueretur. Alia multa commemorat

lib. de myste-
ris Aegypt.
Trismegistus
in Pymandro.
D. Greg. Nyss.
in lib. de hom.
opificio c. 33.
Lacti. in libr.
de epis. Des
c. 18. Plutar-
ch. in libr. de
oraculis abo-
litis, Xenophō
in Symposio.

Legit D. Tho.
in 2. 2. q. 95.
ar. 6. D. Bon.
in 2. 4. 7. par.
2. ar. 1. q. 3.
nu. 68.

Consule D.
Aug. libr. 13.
super Genes.
cap. 15.

Modus, quo
omnia à Deo
iniciuntur.

Somnia Dæ-
moniacæ.

Quem finem
spectent.

D. August.
D. Iustinus.

memorat Tullius libro primo de Diuinatione, & primo de Natura Deorum. lege etiam Herodotum lib. 1. Valerium Maximum lib. 1. c. 6. Alexandrum ab Alex. lib. 5. c. 25.

De somniis, quæ Naturalia, & animalia nuncupantur.

CAPVT V.



NATURALIA somnia dicuntur, quæ ex effectione corporum, temperamēto, humorum incurfionibus, aliisque eiusmodi nascuntur. Nam ij, quos melancholia infectat, somniāt tristia, vt funera, caliginem, tenebras. Qui flaua bili redundant, rixas, iurgia inimicitias. In quibus est sanguinis redundantia, videre sibi videntur rubentia ignes, vstiones. In quibus multum insidet pituitæ, aquas, portus, natationes, pluuiam, & id genus. Similiter quibus animalis vis humorum multitudine premitur, grauiam quædam ferre onera sibi videntur. Et contrā qui tenuis, leuique temperamento sunt, nunc tranate præpetibus pennis aërem, nunc velocissimo cursu ferri se putant.

Somnia Naturalia.

HINC medici, teste Aristotele in lib. de Diuinatione per somnia c. 2. præsertim Hippocrates in libro de insomniis, & 6. Epidemiorum admonent notanda, & expendenda esse ægrotantium insomnia ad eorum morbos diiudicandos, curandosque. Ex ea nanque obseruatione satis probabilem de qualitate morbi coniecturam ineunt, & qui humores intus lateant, qui eorum defectus, vel exuperantiæ sint, dignoscunt. Qua de re extat liber Galeni, qui inscribitur *de præfagio ex insomniis sumendo*. Vbi narrat cum quidam inter dormiendum crus sibi alterum factum lapideum cerneret, præter omnium opinionem crus ei paralyti obtorpuisse.

Hippocrates.

QVO autem modo tales corporis affectus vel sui, vel cognatarum rerum insomnia excitent, disquirat Galenus loco citato, statuitque animam somni tempore corporis profundum ingressam, & in se collectam ac nullo aduentitio pulsu agitatam; quid interiùs lateat persentiscere, videreque atque inde prædicta somnia effingere. Hæc tamen explicatio superficialia est. Quare dicendum fieri posse, vt humor exuberans, V. G. pituita, apprehensa tunc aliquo sensu externo, vt tactu, vel gustatu (nec enim in talibus somniis oportet omnes sensus externos omnino ligari, vt reuera interdum non omnes prorsus ligari, superiùs diximus) immitat sui speciem ad phantasiam, ex qua fiat apprehensio quorundam coniunctorum, & consimilium, vt ex specie pituitæ, quæ aquea est, & dulcis, nunc memoria seu cogitatio imbrum, nunc dulcium ciborum. Atque ita in cæteris rebus suo modo res habebit. Adde etiam fieri posse vt absque transmissione speciei facta

in somniis excitetur in phantasia, aliqua talium rerum apprehensio ex specie iam ibi infixâ, modificata tamen per humorem in corpore dominantem.

Somnia animalia.

ANIMALIA somnia dicuntur, quæ versantur circa res eas, quibus per diem occupati fuimus. Harum namque simulachra ut sunt recentia, ita plerumque magis mouent. Vnde Lucretius lib. 4. sui poematis:

*In somnis eadem plerisque videmus obire:
Causidicos causas agere, & componere leges;
Induperatores pugnare, & praelia obire:
Nautas contractum cum ventis degere bellum;
Et quo quisque fere studio defunctus adheret,
Aut quibus in rebus multum sumus ante morati.*

Ad idem genus pertinent somnia rerum, aut personarum, in quas odio, amore, timore, aut spe, vehementer afficimur. Cum similiter & horum species ob assiduum ipsarum usum valde actuosæ sint & ad excitandam potentiam efficaces. Hinc liberales & benefici somniant se aliis largiri; mendici, petere: cantores, canere: Philosophi, disputare: avari, pecuniam congerere, alij alia similia. Ideoque Aristoteles 1. Ethicorum capit. 13. bonorum hominum somnia meliora esse inquit, quam aliorum: propterea quod consilia, quæ ad virtutum officia exercenda sollicitè agitant, eadem eis in somno occurrunt.

Problematum ad somnia pertinentium dissolutio.

CAPVT VI.



CCEDAMVS nunc ad enodanda problemata ad somniorum rationem spectantia. Primum sit, cur dormientes multiplici varietate fallaciæ videntur sibi audire, intueri, legere, colloqui, cæteraque huiusmodi, cum non ita res habeat. Responsio. Quia imagines, quibus ad hæc notiones formandas vtuntur, per naturam suam agunt, earum verò natura est repræsentare tam res ipsas, quam eis coniuncta, videlicet loca, formas, figuras, actiones, quæ proinde similiter, atque in vigilia & in veris rebus, somno obiiciuntur, ob id autem maximè in somnis hallucinatio contingit, quia tunc sensus interni ligati sunt, hoc est, imperfectè, & quasi per vmbra operantur, nec rationis vi corriguntur.

Operatio sensuum internorum in somniis imperfecta.

2 Quid causæ est, cur in somniis tam multa, noua, extranea, portentosa animo obuersantur, ita ut aliquando nec pes, nec caput vni reddatur formæ? R. Quia tunc vapores & spiritus inordinatè, & tumultuosè in cerebro diuagantur, & simulachra obturbant, commiscunt, hebetant. Præterea, quia ipsa anima quasi otium

otium agens ad vsum specierum segniter se applicat, & intentionem negligit. Quo fit vt aliena multa & inter se minimè cohærentia coniungat, & modò hæc, modò illa, vt quidque obuium est, apprehendendo, rerum ordines, situs, magnitudines, loca miris modis euariet. Vnde simulachra, teste Aristotele tertio cap. huius lib. similia sunt nubibus in aëre pendentibus, quæ nunc in hanc, nunc in illam figuram transeunt. Sanè vt ex eisdem literis multifariam compositis diuersa fiunt nomina, quæ res alias atque alias significant: ita ex eisdem speciebus variè coagmentatis multiplicia idola, dissimiles repræsentationes existunt. Hæc igitur causa est, cur nihil tam præposterè, tam inconditè, tam monstrosè cogitari queat, quod non possimus somniare, & si nullæ imagines internis sensibus de nouo accedant.

Simile.

3. C V R hæc ipsa vigilantibus non accidunt? R. Quia, vt fumus vaporarij, si quæ egrediarur, non inueniat, caligine domum circumfundit, & tenebricosam reddit, ita halitus, & spiritus, quia somni tempore oclusis meatibus, quæ foras excurrant, non habent; cerebrum quasi nube obtegunt, ac sensus præpediunt. Ita vt nec sibi ipsis consentiant, nec vi rationis, quæ tunc etiam ligata est, emendari queant. Talis cerebri perturbatio in vigilia, integra sanitate & valetudine non datur, esto similia nonnunquam obueniant insanis & phreneticis, qui comiteante in cerebrum copia præcalidi sanguinis, aut dissoluta ob aliam causam organi temperie, non minus absurda & inepta cogitant, ac loquuntur, quàm dormientes.

Simile.

4. Q V A M ob causam aliquando dormientes grauitè conflantur quasi oppressi incubantis, & vocem ac spiritum intercludentis Dæmonis, aut alicuius rei similis pondere, quod Ephialtem, quasi subsultorem, vocant? R. Quia, potissimum post affluentem satietatem, multus sanguis, aut spiritus ob defectum coctionis parum defæcatus, proindeque obscurus & tetricus in cerebrum euadit, ipsumque degrauat; atque accubatu suo terrificam illam mouet imaginem, & quia in somnis parua (vt obseruat Aristot. lib. de Diuinat. per somnia cap. 1.) magna apparent, videtur sibi qui ita est affectus superiniecta mole premi aut suffocari eluso phantasie sensu: à quo labore, vt se expediat & vt lemures illos aut striges, quibus se opprimi imaginatur, excurrit, conatum facit, ac nonnunquam diu luctatur & suspiria gemitusque plorabundos edit & succlamat, nec excitare se omnino potest multo halitu spirituum vias obsidente, immo & prauo humore cor, pectoris musculos, dorsum, & tendones simul occupante. Vnde illud poetæ:

Incubi & nocturna suppresiones ex ventriculi cruditate.

*In mediis conatibus agri**Succidimus: nec lingua valet, nec corpore note**Sufficiunt vires, nec vox, aut verba sequuntur.*

Quoniam autem istiusmodi affectio ex stomachi incoctione &

Legi Fracastorij lib. de Sympath. ca. 19. Lemnum lib. 2. de Occul. nar. mir. ca. 5. Christophorij à Vega lib. 3. de arte med. de cap. 13.

Virgil. 12. Aeneid.

humorum colluie originem habet, solent incubi grauium morborum anteaambulones esse.

*Res in somnis
videns maio-
ret.*

5. **C V R** somno percepta, multò maiora & vehementiora iudicantur, quàm ipsa sint. Nam exempli gratia pituitæ defluxus ad linguam, quia aliquantulum dulcis; dormientibus mel videtur: & fulminasse tonuisseque putant cum soni exigui aures eorum pulsant, & per ignem incedere, cum calor exiguus eliquam partem corporis occupat. **R.** Quia obtusus sensus, dum nequit sensilium differentias exactè internoscere, & discernere; confert se ad id, quod in quouis genere notissimum est, qualia sunt in iis, quæ sub sensum cadunt, obiecta maiora, acriorave.

*Lege D. Th.
2.2. quæst. 95.
art. 6.*

6. **C V R** hoc potius, quàm illud somniamus, cum tam huius quàm illius imago in nostro sensu hæreat. **R.** Quia non quæuis imago æque potentiam lacessit, & ad operandum mouet, sed interdum ea, quæ recentior est: ut cum somniamus, quæ paulò ante egimus; nonnunquam ea, quæ rem tristem repræsentat, ut mortem, cum is, qui somniat melancholico humore abundat. Solent enim affectiones corporis, ut superius diximus, mouere simulachra earum rerum, ad quas inclinant. Denique huiusce rei causa reddi certa non potest; cum pro tempore, loco, subiecto temperamento, aliisque eiusmodi circumstantiis varietatem magnam habeat.

*Somnia ma-
iutina.*

7. **Q V A R E** sub lucem clariora habemus somnia, minúsque distorta, & inepta. **R.** Quia minuta iam somni decursu vaporum copia, factaque remissior spirituum agitatio, non ita sensuum internorum functiones turbat.

*Etiã bruta
somnia.*

8. Nuuquid homines tantum, an etiam bruta somniant. **R.** Et si homines plusquam ceteræ animantes somniant, ut allerit Aristoteles 4. de Historia animalium ca. 10. Cuius rei causa videtur esse, quia homo magna ex parte tenuiores halitus in cerebrum mittit, & acatiores, atque ad operandum promptiores habet internos sensus: tamen etiam bruta somniant, ut eodem loco philosophus docet. *Somnia, inquit, non solum homines, sed etiam equos & canes & boues palam est, atque etiam onus, & capras, denique genus omne quadrupedum idemque animalis facundum: declarant id canes suo latratu, quem per quietem agunt, quamquam de iis quæ oua pariunt, incertum hoc est.* Licet verò quid de omnibus perfectis animantibus asserendum sit, nam videlicet cuncta somniant, haud constet: illud tamen pro certo habendum ex imperfectis, quæ memoriæ vi carent, nullum somniare, cum hæc non seruent in interno sensu imagines, & quibus elicienda sunt somnia.

*Plinius l. 10.
Nat. hist. cap.
75.*

9. **C V R** ineunte somno, præsertim si illico post cibum dormire incipimus, non confestim somnia apparent. **R.** Quia vehementior vaporum agitatio non sunt, ut iam diximus, exhibere sese imagines, sed ut in aqua mora euanescent.

10. **A C C I D V N T** ne etiam infantibus somnia. **R.** Negat Aristoteles.

stoteles lib. 4. de Historia animal. cap. 10. *Editis*, inquit, *nuper in lucem, & infantibus adhuc nullum penitus contrahitur somnium, sed plurimis anno circiter quarto, aut quinto etatis visâ incipiunt.* Oppositum docet Galen. lib. Aphorismorum 3. Aphorismo 23. Plinius lib. 10. cap. 75. Tertul. in suo libro de Anima cap. 49. hisce verbis. *Infantes qui non putant somnare, cum omnia animæ pro modo etatis expungantur in vita, animaduertant succussus, & nutus, & venidentias eorum per quietem, ut ex re comprehendant motus animæ somniantis facile per carnis teneritudinem erumpere in superficie.* Hæc dubitatio ita explicanda videtur, ut dicamus accidere quoque infantibus somnia, ut probant indicia illa à Tertulliano adducta, quæ etiam alij auctores afferunt. Verùm quia eiusmodi somnia admodum obscura sunt & vix apparentia ob redundantiam humoris & organorum defectum in ea ætate: ideo Aristoteles nolens ea vocare insomnia, negavit infantes somnare. Quare idem libro 7. de Historia anim. cap. ultimo infantibus somnia concedit, Infantes, inquit primis quadraginta diebus neque ridet, cum vigilat, neque lachrymantur, sed noctu & per quietem utrumque interdum faciunt: somnare etiam eos constat, sed serò meminisse possunt imaginum.

*An infantes
somniaut.*

Tertul.

Lege Suetonium in Nerone cap. 45.

11 C V R aliqui tota vita non somniant? R. Quia ita agiles habent spiritus tantamque expirationum vim in cerebrum eiaculantur ut ostendendis per quietem, imaginibus locum non dent. Refert verò Aristoteles lib. 4. de Histor. animalium ca. 10. quosdam qui nunquam somniant, cum eis processu ætatis somnium accidisset, habitum corporis vel in mortem, vel in ægritudinem mutasse. Quod etiam confirmat Plinius lib. 10. cap. 75. aiens mortiferum fuisse signum contra consuetudinem somnium: cuiusque rei exempla constituisse.

Aristot.

Plinius.

12 Si somniantes liberum rationis usum non habent, quoniam pacto 3. Regum. cap. 3. petitio Salomonis in somniis tantopere Deo placuit, ut singulare sapientiæ munus ab eo obtinuerit? R. D. Thomas 1. 2. quæst. 113. art. 3. & 2. 2. quæst. 154. art. 5. ad 1. secutus D. Augustinum 12. super Genes. ad lit. cap. 15. D. Bonaventura in 2. dist. 25. quæst. 6. nu. 72. Alensis 4. par. qu. 101. membro 3. art. 3. Richardus Quodlib. 1. quæst. 17. aiunt illam Salomonis petitionem non fuisse Deo gratam in somniis per se, sed ob aliam eiusdem rei in vigilia postulationem, ex qua illa in somno ortum habuit. Secundò respondent aliter iidem doctores D. Thomas, illum somnum non fuisse naturalem sed vaticiniij & in istiusmodi somno dari usum liberi arbitrij. De quo dicitur, Numer. 12. *Si quis fuerit inter vos Propheta Domini, per somnium, aut in visione loquar ad eum.* D. Bonavent. ait meruisse Salomonem in somniis ex priuilegio. Alensis illum non simpliciter tunc dormiisse: sed ut in visione, & oraculo viguisse in eo rationem, quoad actum superiorem, præter ordinarium naturæ cursum. Richardus,

*De precatio-
ne Salomonis
in somnis.*

*D. Thom.
D. Bonavent.
Alensis.
Richard.*

chardus, habuisse solutū liberum arbitrium supetnaturali de ro.

13. Cvr remulentis, & hclluonibus aut nulla sonania, aut confusa apparent? R. Quia in his ob turbulentum motum vaporum ē viuo, ciboque in caput ascendentium perplexæ admodum sunt imagines nec, vt oportet, elucent, quemadmodum cū citatissima vertigine rota circouchitur, radij nulli à nobis percipiuntur: & vt cū multi lapilli diimittūtur in stagnum, circulatorum orbcs anfractus suos intet se impediunt.

IN LIBRVM, DE DIVINATIONE PER SOMNIVM.

Diuerſa veterum philoſophorum placita de diuinatione per ſomnium.

CAPVT I.

*Qui omnium
ſomniorum fi-
dem & au-
thoritatem ſu-
ſtulcrunt.*



DE arte diuinandi, ſeu præſagiendi futura ex ſomniis, quam ſomniſpiciam vocant, diuerſæ ac repugnantes fuere veterum philoſophorum ſententiæ. Nam Epicurus, Mettodoruſ Chiuſ, Xenophanes Colophoniuſ, & ex Romanis Tulliuſ in libris de Diuinatione, eam de medio ſuſtulerunt. Contra Orpheuſ, Pythagoras & Platonici, ac Stoici non parum authoritatis eidem irrogarunt, & ſi diuerſa ratione. Stoici namque omnia ſomnia aliquid portendere arbitrati ſunt. Platonici quædam falſa eſſe atque inania vitæ ludibria cenſuerunt; alia vera & vtilem futurarum rerum prædictionem continentia. Credidit enim Plato, (vt ex iis quæ ab illo ſub perſona Socratiſ in Politia diſputata ſunt, colligit 1. de Diuinatione Tulliuſ) Cū quis ſe quieti tradit ea parte animi, quæ rationis & intelligentiæ eſt, ſaturata bonarum cogitationum epulis: quæ autem voluptatiſ appetitum continet, nec inopia eneſta: nec immoderatiſ obſtupeſacta cibis & potationibus: (vtrumque enim perſtringere aciem mentis ſolet, ſiue naturæ deſt quidpiam, ſiue redundat.) Præterea illa parte animi, in qua ira efferueſcit, ſedata, atque reſtincta, ita vt nihil ſit, quod errorem, perturbatiōemque afferat: euenire vt tertia pars rationis & mentis eluceat, ſopito corpore ipſa vigeat, ſequæ ad capeſſenda inſomnia acrem præbeat: & quæ ei tunc viſa occurrunt tranquilla eſſe, atque

veracia.

*De hacre
Plato dial. 1.
de Repu. Cic.
in lib. de Diuina-
tione.
Laſſiſ. in lib.
de opif. Det.
cap 18 D.
Greg. Nyſſen.
in lib. de crea.
hominis c 14.
Tertul. in lde
anim. cap 45.
Macrob. l. 1.
in ſomn. Scip.
D. Thom. in
2. 2. quaſt. 63.
art 6.*

*Platonis opi-
mo.*

veracia. Habuit autem hæc Platonis sententia originem ex alio eius dogmate quo scilicet humanos animos, antequam corporibus illaberentur, omnium rerum scientiam idearum influxu accepisse, sed eam contagione corporis obliteratam, ac pene extinctam iacere. Quare cum somno auocetur animus à consuetudine sensuum, & mens licet non à corpore, à corporis tamen brutis officiis, puta ambulandi, sedendi, currédi quasi in recessum quendam & libertatem subducta tota sibi sua sit: putavit reuiuiscere tunc in ea congenitas disciplinas, meminisse præteritorum, præsentia cernere, providere futura. Cum etiam Platonici tria posuissent animantium genera intellectu & rationis vi pollentium, Deos, Dæmones, homines: asseruerunt Dæmones velut intermedios vltro, citroque commorari, atque horum etiam munus esse prædicere res futuras, idque vel oraculis, vel Augurum, & Auspium portentis, vel insomniorum visis.

POSIDONIUS quoque, vt loco citato refert Tullius aiebat *Sententia Posidonij.* animum instinctu, afflatuque Deorum somniando vaticinationem accipere, vel quod præsentiat ipse per sese, vt qui cum Diis cognitionem habeat, vel quod spirabilis hic aër magnam in se cohibeat turbam immortalium animorum, in quibus tanquam insignitæ notæ veritatis appareant; quas mens nostra inspiciat, vel denique quod ipsi Dij cum hominibus sermonem conferant, eisque somnij, & furoris otacula, ac rerum futurarum prænotionem iniiciant.

PORRÒ iis, qui totam somniorum rationem aspernati sunt, istiusmodi argumentum suppetebat. Nam vel somnia diuini numinis afflatu secundum aduentitiam visionem animum pulsante obueniunt: vel duntaxat temerario motu imaginum in cerebro discurrentium, quorum neutrum affirmari potest. Non primum, quia si Deus futurorum præsentationem hominibus tribuere vellet, multò dignius videbatur eius beneficentia, clariora visa dare vigilantibus, quàm obscuriora per somnium; præstabarique directo, absque circuituione & amfractu, quàm interpretum coniecturis, eam scientiam impertiri. Maximè cum istiusmodi coniecturæ tam lubricæ, ac versatiles sint, vt ipsi quoque somniorum interpretes dormire videantur. Cuius rei præter alia, duo sunt peruulgata exempla. Cursor, ad Olympia proficisci cogitans, visus est in somniis curru quadrigarum vehi. Mane ad coniectorem adiit. At ille, vinces, inquit: id enim celeritas significat, & vis equorum. Post idem ad Antiphontem: is autem, vincere, inquit, necesse est. An non intelligis ante te quatuor cucurrisse. Alius ad Interpretem detulit, aquilam se in somnis visum esse factum. At ille, vicisti: ista enim aue volat nulla vehementius. At huic Antiphon, tu verò, inquit, te victum esse non vides: ista enim avis insectans alias, & agitans, semper ipsa postrema est. Hisce ergo exemplis patet quàm flexiloqua, & obscura sint tum insom-

Somniorum interpretatio quàm sit lubrica.

nia, tum eorum coniectationes. Quod si quis ad secundum modum, quo somnia gigni possunt, confugiat, hoc est ad ipsarum imaginum temere fluitantium motus, liquido constat, quam ridiculum sit in tanta leuitate & inconstantia diuinatricem vim constituere.

QV 1 autem, cunctis somniis auctoritatem & diuinationem dabant, eam potissimum rationem pro se habebant, quod constaret eorum multa in rem veram exiisse. Quare idera quoque illis de toto somniorum genere vniuersim pronuntiandum videbatur, si peritum, idoneumque interpretem, vel coniectorem inuenirent. E quibus somniis, quæ nimirum vera euasisse constabat, multa referebant. Nos duo tantum hoc loco proponemus. Detulit ad coniectorem quidam somniasse se, ouum pendere ex fascia lecti sui cubicularis. Respondit interpret, thesaurum defossum esse sub lecto. Quæsiuit, inuenit auri aliquantum, idque circumfusum argento: misit interpreti quantum de argento visum est. Tum ille, nihil ne de vitello? id enim ex ouo videbatur aurum significasse, sicuti & album oui, argentum. Alterum exemplum. Cum Ptolemæus Alexandri familiaris in prælio telo venenato ictus esset, eoque vulnere summo cum dolore moreretur. Alexander assidens, somno est consopitus, tum secundum quietem visus ei dicitur draco is, quem mater Olympias alebat, radiculam ore ferre, & simul dicere quo illa loco nasceretur (neque longe aberat locus) eius autem esse vim tantam, vt Ptolemæum facile sanaret. Tum Alexander experrectus narrauit amicis somnium, & demisit qui illam radiculam quærent, qua inuenta & Ptolemæus sanatus dicitur, & multi milites, qui erant eodem genere teli vulnerati. Cum igitur isthæc somnia aliisque non pauca ita ceciderint, vtique dicendum videtur, quod reliqua similem exitum, non habeant, id non somniorum vanitati, sed interpretum inscitæ ascribendum, aut certe causam esse; quia nos ipsi, vel somnia obliuiscimur, vel pro nihilo habenda ducimus.

Quæ somniis
bus somniis di
uinationem at
tribuebant.

Ex Cic. de
Divino.

Somnia Ale
xandri.

Aristotelis sententia.

CAPVT II.

Negat Arist.
immitte à Deo
somnia diui
natoria.



VO D ad Aristotelē attinet; eius dogma est, in primis nulla videri à Deo somnia proficisci, tum ob alias causas, tum quia oporteret inquit, ea immitte optimis viris & sapientibus; & tamen aliter res habet: quandoquidem indiscriminatim, ac sine lege vlla abiectissimis hominibus & de fræce vulgi obueniunt. Deinde asserit tripartita inueniri somnia, alia esse quarundam rerum signa, alia causas, alia omnino temerè ac vice fortuita contingere.

Tria genera
somnia sunt.

In pri

In primo genere censentur, quæ corporum affectiones, morbos, temperiem indicant, aut præsignificant, vti superius explicuimus. Quo etiam pertinent ea, quibus nonnulli ex impressione corporum celestium præsagiunt temporum mutationes, vt futurum hymbrem, serenitatem, aut aliquid huiusmodi. Monetque Aristoteles nihil mirum esse, quoddam harum rerum imagines nocturno potius tempore, quam diurno in animos irrepant, ac potentiam excitent: siquidem cum noctes tranquilliores sint, magis tunc expeditus, ac liber est aer ab omni motu, & perturbatione, & dormientes, paruos etiam motus, agitationesque interiores facilius percipiunt, quam vigilantes, quia occultæ motiones phantasie, quæ secundum vigiliam fiunt, obscurantur incurso, & adumbratione maiorum, quæ tunc per sensus palam inferuntur. Ob quam etiam causam istiusmodi prænotiones frequentius plebeis, & obscuris hominibus, quam cæteris incidunt, quia illorum mens cogitationibus vacua facilius prædictis fluxionibus commouetur, eisq; paret.

*Cur infima
fortis hominibus frequen-
tius accidant
somna denun-
tatoria.*

ADVERTIT quoque Aristoteles non raro hæc præsagia irrita fieri, quia vis illa, qua natura, verbi gratia, ad inuehendam pluuiam inclinabatur, alia efficaciori causa impedita, quodammodo pedem refert, ceditque. Quemadmodum præfensiones, quæ à corporum affectibus oriuntur (vt cum medicus ex somnio à pituitæ agitatione orto coniecat futuram febrem) non semper ad exitum perducuntur superante, atque aliorsum desiciente natura, quod iam iam imminere videbatur.

SECUNDO generis somnia, dicuntur rerum futurarum causas, quia sunt principia, siue incitamenta, quibus ad aliquid faciendum inducimur, vt si quis diurna cogitata cœprave somniet, & ei tunc aliqua ratio occurrat, qua ad negotium aggrediendum in vigilia moueatur. Denique in tertio genere somniorum, constituit Aristoteles ea, quæ non ad aliquam diuinam, aut physicam rationem, sed ad casum, vel fortunam referti debent, quæ maiori ex parte in nihilum abeunt, etsi nonnulla interdum effectum fortiantur. Vt enim is, qui torum diem ludit, aliquando lucratur, quia vt est in proverbio, si sæpe iacias, aliud aliàs icectis: ita fit, vt è multis somniis nonnulla interdum vera euadant. Hæc fere sunt, quæ in hoc libello de diuinatione per somnium ab Aristotele traduntur.

*Somnia fortuna-
ta.*

Quousq; somniorum præsagia auscultanda sint.

CAPVT III.



EX dictis constat quæ fuerint Ethnicorum Philosophorum placita circa somniorum diuinationem, & vaticinia. Nunc quid de his re vera sentiri oporteat, explicemus. Sit primum pronuntiatum. Negari non potest

*Primum pro-
nuntiatum.*

*Dilutus arg.
Arist.*

aliqua somnia immitti à Deo siue immediatè, siue interuètu Angelorum. Huiusce pronuntiati veritas patet ex sacris literis, quæ multa somnia diuinitus iniecta commemorant, quorum nonnulla superius retulimus. Nec ratio, qua Aristoteles oppositum suadebat vllius momenti est. In primis enim Deus non solis imperitis, & ignobilibus somniorum prænotiones cõfert, sed etiam sapientibus, ac præcipuis viris, vt sacræ paginæ docet auctoritas. Deinde esto illa Deus solis infimæ sortis hominibus impertiret, non proinde hoc Dei maiestate alienum, & indignum foret existimandum, qui prout expedit, & ipsius diuina prouidentia efflagitat, munera sua ita communicat, vt nec infimis illa tribuendo deterior, nec summis largiendo eminentior fiat.

2. pronunt.

SECUNDUM pronuntiatur. Ea tantum somnia, quæ à Deo, siue ab Angelis immittuntur, constanti & cetta veritate futuros euentus prænuntiant. Hoc ex eo patet, quia qui futurorum notitiam habere possunt, & ea dormientibus prædicere, sunt Deus, Angelus, Dæmon: at futura contingentia, cum nec in se ipsis, siquidem nondum existunt, nec in suis causis, eo quod definitam causam non habent, intellectui creato sint conspicua, reliquum est, vt Deo tantum dilucidè, ac certò constent, & post Deum iis, qui diuino instinctu, & afflatu ea norint, hoc est solis Angelis, (loquimur enim hic de causis duntaxat, quæ per somnia, retum cognitionem aliis communicant.) Etenim licet nonnunquam etiam Dæmonibus fortuita euentu diuinitus innotescant, vt testatur D. Augustinus 2. de Genesi ad literam capit. 17. & libro secundo, ad Simplicianum quæst. 3. D. Damascenus libr. 2. fidei Orthodoxæ cap. 4. & D. Thomas 2. 2. q. 172. art. 6. Futurorum tamen significatio, quam nonnunquam somniantibus Dæmones iniiciunt, certa non est, quia cum veritatem odio insecantur, & mendaciorum omnium architecti sint, nihil ab eis solidum, aut verum, sed vanitatis fucò illitum & ad deceptionem compositum, expectari debet.

*D. August.
D. Damasc.
D. Thoma.*

3. pronunt.

TERTIUM pronuntiatur. Per ea somnia, quæ ex affectu corporis, vel cæcæsti influxu obueniunt, possumus probabilem coniecturam capere aliquorum effectuum: vt ex certa commotione bilis correptum iri vehementiori febri & grotum, & ex apulsu humoris, vel alterius eiusmodi qualitatis, quæ antequam pluuia decidat, aërem imbuat, futuram esse pluiuiam. Hoc pronuntiatur est ad mentem Aristotelis hoc in lib. quod item approbat D. Thomas 2. 2. quæst. 95. art. 6. patetque ex iis, quæ à nobis superius explicata sunt.

*Aristotel.
D. Thom.*

4. pronunt.

QUARTUM pronuntiatur. Vanum est, ac superstitiosum vellem quidpiam scire per insomnia à Dæmone iniecta: vel etiam pet ea, quæ aliunde nobis incidunt, si quis diuinationem extendat ultra id, ad quod virtus causæ somnij pertingit. Hoc pronuntiatur, quod traditur à D. Thoma loco ante citato, in primis quoad

Dæmonia

DE DIVINAT. PER SOMNVM. 53

Dæmoniaca somnia, plane constat. Est enim res impietatis, & superstitionis plena, cum teterismo Dei, & humani generis hoste id commercij genus habere, eiq̃ue fidem irrogare. Quod verò ad reliqua somnia attinet, pronuntiati veritas ex eo ostenditur, quia qui ex iis res occultas nosse vult, censetur taciti fœderis societatem cum Dæmone inire, vt eodem loco D. Thomas, & Caietanus, tum inibi, tum aliàs animaduertunt. Nam cùm eiusmodi cognitionem nec à Deo nec ab Angelis, nec ab hominibus, nec à natura ipsa expetat, cogitur, velit nolit, fateri ad Dæmonem, saltem implicitè, recurrere. Vnde nos scripturæ diuinæ oracula à toto hoc genere superstitionis observationis somniorum, frequenter deterrent, vt constat ex iis, quæ leguntur Leuitici 19. Deuteronomij 18. & 2. Paralipomen. 33. & Ecclesiastæ capite quinto. Quo postremo loco Diuus Hieronymus in illa verba (*In multitudine somniorum, & vnitatis, & verba plurima*) ita scripsit, eum diuersa videris per nocturnam quietem & variis anima fueris exagitata terroribus, siue incitata promissis, tu ea contemne, quæ somnijs sunt, & solum Deum time: qui enim somnijs crediderit, vanitatibus se & ineptiis tradet.

D. Thom.

Leuitic.
Deuter.
Paralip.
Ecclesiast.
Hieronym.

PRÆTEREA esto in prædicta somniorum obseruatione nulla cum Dæmone societas interueniret, satis per se ridiculum, & stultum est, iis credere: alioqui habeatur etiam fides deliratum, & ebriorum visionibus, ac spectris: quandoquidem vtrique non minùs absurda, & inepta cogitant, nec minùs hallucinantur. Accedit quod nec millesima pars talium somniorum vera euadit. Vnde rectè Tullius 2. de Diuinatione miratur cùm homini mendaci, ne verum quidem dicenti, credere soleamus, quo modo somniorum defensores, si somnium verum euasit aliquod non ex multis potiùs vni fidem derogent, quàm ex vno innumerabilia confirment. Denique eo etiã hi de hominum genere male merentur, quod cùm perfugium omnium laborum, ac sollicitudinũ sit somnus, in causa sunt, vt ex eo ipso plurimæ curæ, metùsque nascantur, dum nonnulli eorum adducti opinionibus, quid portendant, quémve exitum sua somnia habitura sint, sollicitè disquirunt. Lege Laetantium in lib. de Opificio Dei, c. 18. Medinam lib. 7. suæ Parænesis. Ciceronem libro citato, vbi de hac re copiosè & acutè disputat.

Explicatio problematum ad somniorum præfagia spectantium.

CAPVT IV.

RESPONDEAMVS aliquot problematis ad somniorum diuinationem pertinentibus. Primum sit, cur melancholicis plura incidunt vera somnia, quam alijs? R. Quia ij, quia atra bili abundant, vt suo opte ingenio cogitabundi sunt;

Qui atra bili abundat, cogitabundus.

ita frequentius somniant, ac multiplicitatem rerum visiones experiuntur. Vnde quemadmodum is, qui totum diem iaculatur, aliquando collimat; sic illi somniando nonnunquam vera apprehendunt, & eo sæpius, quo frequentiora habent insomnia.

2. C V R Deus nonnunquam in somniis potius quam vigilis tempore, occultarum rerum vaticinia inspirat? R. Primum quia animus à tumultuantium rerum curis abiunctus, & exteriorum sensuum functione vacans, aptior est ad diuinarum rerum cognitionem cœlitus hauriendam. Secundo, quia ipsum noctis silentium maiorem erga res diuinas reuerentiam conciliat. Postremo, quia ut Deus latibulum suum tenebras posuisse dicitur, quia eius splendor mentis nostræ aciem perstringit, & quodammodo occæcat: ita potius noctis caliginem, ut eum hominibus colloquatur, eligit. Consule D. Bonauenturam in 2. dist. 25. q. 6. nu. 76.

H I N C iam patet solutio eius argumenti, quo nonnulli, ut supra meminimus, ostendere nitebantur non decere ut Deus somniorum ambage, & circuitu arcana sua hominibus aperiat. Decet enim nonnunquam ita fieri ob eas rationes, quas hic attulimus.

3. C V R diuina somnia non semper clara sunt, & aperta, sed interdum obscure, & quasi ænigmatum inuolueris oblecta? R. Quia sic humana mens ad diuina mysteria, uti oportet, veneranda, & in pretio habenda efficacius instruitur, quam si eadem primo statim occursum prænosceret. Accedit quod ij, quibus ea traduntur dum eorum intelligentiam à Deo poscunt: ad altiora, & diuiniora percipienda magis idonei fiunt.

4. E S T N E verum, quod scripsit Iamblichus, diuina somnia non obuenire hominibus nisi aut primo, aut extremo somni tempore: quia tunc animus aut nondum, vaporibus in caput sublatis, omnino oppressus sit: aut is iam evanescentibus solutione ac liberior fiat? R. Fuit ea opinio non Iamblichi tantum, sed eorum, qui apud Ethnicos interpretationem somniorum profitebantur. Vnde somnia ad se deferentibus, nihil respondebant, si extra prædicta tempora, illa sibi accidisse dicerent. Sed hoc fictitium est, & inane, ac nulla munitum auctoritate: & quouis tempore, ut æque facile, ita liberum Deo est, rerum prænotiones humanæ menti iniicere.

*Leges Cantuarii ad qu. 12.
Prima pars.
art. 11.*

Cur Deus dicatur latibulum suum tenebras posuisse.

Consule D. Dionys. cap. 2. celestius Hierarch. D. Th. 1. part. qu. 1. art. 9.

Iamblichi opinio de diuinis somniis.

IN LIBRVM, DE RESPIRATIONE.

CAPVT I.



OMMODVS fore iudicauimus ad ordinem facilitatēque doctrinæ, nostram commentationem in librum de Respiratione hoc in loco statuere. Occurrit autem in primis disquirēdum quæ sit causa efficiens respirationis; quæ quoniam duplex est, videlicet principalis, & instrumentaria, illud primò sciendum, cum respiratio sit vitalis operatio, principem causam effectricem illius post ipsum animal (cui vt supposito omnes functiones primariæ deferuntur) esse animam, deinde instrumentariam, esse vim motricem corpori inherentem: instrumenta, quorum ministerio, & interuentu hæc motio perficitur, esse eas partes corporis, ad quas spectateductio, seu transuectio externi aëris ad cor: siquidem respiratio nihil est aliud, quàm attractio aëris ad cor, vt in progressu enucleatiùs dicemus.

*Causa efficiens
respirationis.*

*De corde se-
paratum in
progressu.*

HÆc instrumenta sunt ipsum cor, pulmones, diaphragma, arteria venosa, arteria vocalis. Porro autem pulmonis corpus læue, & rarum est velut è spuma quadam sanguinea concretum, ac spongiæ simile, vt pote ad hauriendum, imbibendūque aërem à natura comparatum. Præterea, vt describit Feruclius libro 1. suæ physiologiæ cap. 9. pulmonis caro contextitur triplici vasorum genere, reris modo implicatorum. Quorum primum est arteriola vena, quæ è dextro cordis ventriculo in omnes pulmonis particulas diffunditur, per hanc vero cor alimentum pulmoni transmittit, quod nulli alteri membro præstat, docente Galeno lib. 2. de Natu. facul. Secundum, arteria venosa, quæ ex omnibus eius particulis tenues riuos tanquam tadices excipiens, trunco vnico in læuum cordis sinum intruditur. Tertium, aspera arteria, quæ à faucibus ortum ducens in duas regiones primum biuio distracta, mox deinde in exiguas propagines dissecta totum pulmonem decurrit, in eūque aërem attractū infert. Diaphragma, quod Latini cingulum & septum trasuersum vocant, est, musculus quidam simplex. & rotundus, qui spiritalia viscera à naturalibus, hoc est, cor, & pulmones à iecore, & liene velut paries quidam interiectus dirimit.

*Instrumenta
respiranda.*

Pulmones.

*Arteria ve-
nosa.*

*Aspera arte-
ria.*

Diaphragma

IGITVR ommissis antiquorum de re proposita sententiis, quas hoc in libro refellit Aristoteles, statuendum est respirationem hunc in modum fieri. Attrahitur externus aër per attritionem vocalem interuentu diaphragmatis ad pulmones; hi sese dilatando quasi

*Respiratio
quo pacto
fiat.*

*Respirationis
duæ partes.*

quasi folles aërem attractum in cor effundunt frigidam ei qualitatem impertientes; sed mox reciproca vicissitudine eundem aërem æstu cordis calefactum se contrahendo foras eiciunt. Quo fit, ut respirationis duæ sint partes, inspiratio, qua aër attrahitur: expiratio, qua emittitur. Sed enim obseruatur etiam arteria venosa ad respirationem, quatenus per eam cor pulmonis aërem ad se allicit.

Docet autem Galenus 6. de Vsu partium ideo aërem non continenter adduci ad cor, sed primum deferri ad pulmones tanquam ad spiritus promptuarium: quia alioqui ob inopiam collecti aëris non possemus diu sermonem continuare, nec mergi in aquam suffocationis metu, nec sine respiratione fumum, aut puluerem, aut noxiam aëris qualitatem excutere. Vnde necessum foret vel pestilentem auram intempestiuè inspirare, vel omnino nihil inspirantes confestim extingui. Nunc autem secus res habet, siquidem cor ex fistuloso pulmonis conceptaculo copiosum spiritum ducit, eumque rursus in pulmonem reddit.

Enucleatius explicatur quānam vi pulmones moueantur.

CAPVT II.



QUÆRI autē solet num pulmones ad attrahendum, pellendumque aërem suapte vi, an potius à corde, vel à diaphragmate concitentur. Aristoteles hoc in lib. cap. 4. & 3. de Partibus animalium c. 6. docet pulmoni delegatum esse respirandi officium, habere tamē principium, & originem sui motus à corde. & c. 10. eiusdem libri de Partibus animalium nullū diaphragmatis usum agnoscit præter abiunctionem spiritalium membrorum ab inferioribus. Galenus libro 4. de Locis affectis, cap. 5. & 8. & lib. 5. cap. 2. & 3. & lib. 5. de Vsu partium, cap. 15. aliisque in locis. Item Auicenna Fen. tertij Canonis tractatu 1. cap. 7. Conciliator diff. 99. Thomas Garbius in sua summa lib. 7. tracta. 49. arbitrantur pulmones non moueri ab se, sed motu diaphragmatis. Quæ sententia ex eo ostenditur, quia pulmonum caro est admodum mobilis & flaccida, proindeque minime apta ad exercendum per se motum & eleuandum thoracem: cum tamen diaphragma substantia ad id per quā idonea sit, ut pote bene firma, & multis nervis constans. Secundò, idem confirmatur, quia compertum est læso diaphragmate, eiusque motu cessante confestim inhiberi agitationem pulmonum. Item quia pulmones etiā dum sanie tabescunt, & expiuntur, non desinunt moueri, desinerent autem si à seipsis mouerentur.

AVEN-ROES 2. Colliget. cap. 59. existimat motum pulmonem proficisci tum à diaphragmate, tum à propria ipsorum virtute

*Quia existimantur pul-
mones ex se
omnes motus
ex parte esse.*

*Item Thomas
à Vega ad c. 5.
lib. 4. de loc.
affect.*

tate fateturq; latuisse Aristotelem hunc diaphragmatis influxum erga pulmones, nec debere id mirum videri, quia eius ætate nondum anatomica observatio magnam fecerat progressionem.

Hæc dubitatio aliquot propositionibus enodanda est. Prima sit. Pulmones non mouentur ad motum cordis. Hæc probatur, primum, quia non est idem concentus respirationis, & motus cordis, cum vni respirationi plures arteriarum, & cordis pulsationes respondeant. Secundò, quia respirationem possumus aliquantulum inhibere, & tardio rem, celerio rem-ve efficere, non autem cordis motum.

Propositio prima.

SECUNDA propositio. Pulmones non solum mouentur motu diaphragmatis, & musculorum pectoris, sed etiam propria virtute. Priorem partem huiusce propositionis suadent rationes, quas paulò ante pro Galeno, Auicenna, & Garbio attulimus. Posterior ex eo ostenditur, quia cum pulmonibus respirandi officium natura commiserit, vt Aristoteles 3. de Partibus animalium cap. 6. docuit (quod ita intellige, vt non ex toto, sed partiatim tale eis munus dederit, siquidem ad id quoque diaphragma concurrat) certè consentaneum fuit, vt etiam pulmonibus propriam vim motricem ad eum motum administrandum impertiretur. Nec facile pronuntiandum videtur Aristotelem ignorasse prædictum concursum diaphragmatis ad agitationem pulmonum. Etenim licet illius, locis citatis, non meminerit, non proinde tamen eum negasse conuincitur.

Propositio secunda.

*Galén.
Auen.
Aryst.*

TERTIA propositio. Motus pulmonum non solum à prædictis causis dependet, sed etiam à corde tanquam à communi fonte natui caloris; tum priuatim, quatenus pulmones à dextro cordis ventriculo sanguinem hauriunt, quo pariter incalescunt, alunturque. Huiusce propositionis veritas ex superioribus constat: ostendimus enim calorem, qui à corde in cætera membra infuit, opificem esse omnium functionum in animantibus: item cor è dextro suo ventriculo sanguinem ad alimentum pulmonibus tribuere, quod nulli alteri membro præstat, vt videlicet eis refrigerationis gratiam eo beneficio compenset. At enim cum eiusmodi sanguis è caloris officina proximè dimanet, non poterunt non illius præsentia pulmones vehementius incalescere, & motricem vim acere.

Propositio tertia.

Ad rationes, quæ suadebāt motum pulmonū à solo diaphragmate oriri; dicendum, licet pulmones flaccidi, & rari sint, nec per se thoracem, vel diaphragma cingere queant: non proinde motrice facultate sic destitui, vt non valeant pro sua portione aliquid conferre ad propriū motum, ita tamen vt ad eum præcipuè concurrat diaphragma, cuius substantia multo robustior est ac netuosior. Ad secundum læso diaphragmate impediri agitationem pulmonum tum propter coherenciam, quam inter se habent, tum quia virtus motrix innata pulmonibus imbecilla est, nec per se ad id

*Læso diaphragmate
cur motus pulmonum impeditur.*

Con. Comm. in parua Nat.

H

munus obeundum sufficit. Ad tertium pulmones, etiam dum morbo tabifico paulatim absumentur, non omnino priuari motu, quia non à se tantum mouentur, item quia non nisi morte subeunte eorum virtus motiua omnino deperit.

Dubium. SOLER in controuersiam adduci num motus respirationis

Responsio.

motum partim voluntarium, partim naturalem esse. Est autem voluntarius, quia ex parte arbitrato nostro nunc crebrius, nunc rariùs; nunc tardiùs, nunc celerius respirare possumus: immo etiam quia non est per naturam absolutè impossibile respirationem omnino cohibere, ut lib. 2. de Motu musculorum cap. vnico Galenus probat exemplo serui barbari, qui vehementer iratus cohibito spiritui sibi mortem consciiuit.

Seruus cohibito spiritui sibi mortem intulit.

SED est idem motus simul naturalis, non solum quia naturam eius necessitatem animantibus natura indixit, ut absque illius usu vita seruari nequeat: sed etiam quia partiatim oritur ab ipso pulmone, cuius motio non est arbitraria: tum propterea quia difficultissimum est propter innatum vitæ amorem & mortis atrocitatem, ad interitum usque spiritum inhibere. Quo fit ut potius sit asserendum haud esse in nostra potestate non omnino respirare, cum ratio inueniri queat, qui eam sibi vim inferat.

Motus respirationis num magis voluntarius, quam naturalis sit.

DISCEPTATIO tamen est num prædictus motus magis voluntarius quam naturalis dicendus sit. Plerique medicorum magis voluntarium appellandum censent, ut Galenus libro 2. de Motu musculorum, Fernelius lib. 6. Physiologiæ cap. 28. Vallesius lib. 2. Controuersiarum Medic. & Philosoph. cap. 2. & alij. Conciliator verò differt. 39. iudicat vocandum medium, hoc est partim voluntarium, partim naturalem, quod arbitratur placuisse Auicennæ decima tertij tract. 1. cap. 7. Nobis tamen videtur appellandus magis naturalis, quam voluntarius propterea quod, citra omnem liberi arbitrij actionem, & vigilæ, & somni tempore exerceatur, & si aliquo modo vocandus sit spontaneus, seu voluntarius ob ea quæ superius diximus. Vnde & Aristoteles in libro de animalium motu cap. 8. respirationem connumerat inter motus non voluntarios.

Responsio.

De fine respirationis.

CAPVT III.



Dicitur ob causas perire calorem.

GI MV S de effectrici respirationis causa; proximum est ut de illius fine differamus. Respirationis finis, ut cap. 3. & 5. huius libri Aristoteles docet, est cordis refrigeratio, & quæ inde subsequitur, tutela natui caloris. Duabus enim potissimum causis perire calor, eoq; abolito ruit in perniciem viuens, cui inhæret, & ad cuius

co-fer

conseruationem requiritur. Nimirum vel quia eiusmodi calor immodici frigoris appulsu extinguitur, vel quia marcescit & suffocatur defectu aëris refrigerantis. Vtique nimio frigore caloris iacturam faciunt, emoriunturque nonnunquam ij, qui niuosa loca traiciunt, & qui liberaliori potu algidæ aquæ irrigantur. Similiter pruina, & perfrigido ventorum flatu, stitipium, & vinearum germina aduruntur, & integræ arbores succo omni exhausto inarescunt. Inopia verò refrigerationis euanesceit flamma medicis cucurbitulis, vel clauso forno coërcita. Intereunt animantes quibus fauces præcluduntur, & qui in balneis vel hypocautis nimis feruentem auram trahunt: & qui paucum, eundemque aërem continenter bibunt. Nam cum is anhelitu assiduo incalescat, refrigerationis opem exhibere non valet.

Flamma refrigeratio nascitur.

Hæc igitur causa est, ob quam natura iis animantibus, quibus cor vberiori spirituum copia, & calore æstuat, respirationem attribuit: videlicet ut cor reciprocantis aëris accessu incendium mitiget, caloremque ferocitatis imperu in proxima irrudentem sub idonea mensura tueatur, & fuligines, ac recrementa ex humorum adustione orta in recentem aërem submittat, forasque expellat. Opprimitur enim, & strangulatur cor istiusmodi superuacaneis, non secus, ac flamma crasso, multoque fumo. Vnde qui corde grauiter, vehementerque affliguntur, exustilatione recreantur, estque id tunc illis vnicum remedium, quod torridum vaporem, & suffocantes halitus eximit, ac propulsat. Ita verò appulsio recentis, frigidique aëris, per respirationem facta, duas ob causas requiritur: tum ne calor natiuus feruida exhalatione obiectus aut confertim acervatus, subito languescat & stranguletur: tum ne plus aëquo effusus, ac dissipatus omnino perat, quorum alterum præstat aër excipiendo in se cordis fuligines, alterum coerendo calorem, seque illi hinc inde opponendo.

Appulsus aëris duas ob causas cordis necessarius.

ADDVNT etiam medici comparatam fuisse à natura respirationem ad nutriendos spiritus vitales, aiuntque deferri à pulmonibus per arteriam venosam aërem ad læuum cordis sinum, vbi vitales spiritus efformantur, ibique eiusmodi aërem in spirituum substantiam facessere. Quæ de re ita scripsit Fernellius lib. 6. Physiologiæ cap. 18. *Ambiens aër per os, & nares in asperam arteriam insiliens non modo eius ramos, qui per pulmonis substantiam diffusi sunt, sed omnem fere eius molem implet; adeo ut uniuersam thoracis capacitatem tum inflatus, atque spirituurgens pulmo refarciat, & impleat. Qui huius aer fuerat primam in pulmone elaborationem sumit, illicq; concoquitur, & preparatur vi carnis, quæ planè tenuis est mollis & aërea, ut proinde huius operis causa maxime constructa esse videatur, quemadmodum & caro iocinoris ad sanguinis confectionem. Non enim externus aer rudis frigidus, & impurus, & de repente irruens fieri potest interioris spiritus conueniens pabulum, sed hunc quemadmodum & alimenta necesse est paulatim mutari, & familiarem innato spiritui qualitatem longinqua*

Respiratio datur etiam à natura ad fouendos spiritus vitales.

interposita mora recipere. Posthac autem elaboratus diligenter hic spiritus in sinistrum cordis ventriculum arripitur, ex quo accedente sanguinis vapore, qui ex dextro ventriculo permanuit vi cordis insiti, & ingenti caloris incendio, haud secus atque in fornace spiritus procreatur vitalis, qui demum in omne corpus per arterias diffusus salutarem impertit cunctis calorem. Hæc ille. Quæ magna ex parte desumpsit ex Galeno libro septimo de Usu partium capit. 7. & 9. & in libr. de Usu pulsuum. Eandemque doctrinam tradidit Hippocrates in libro de Alimento, Auicenna Fen. 1. tract. 3. Aphrodisæus libro secundo, Problematum quæst. 63. Quod autem prædicta spirituum nutritio admitti debeat, ex eo concludit, quia cum spiritus substantia tenuis, ac prope ærea sit, passimque effluat & dissipetur, nec tam facile è sanguinis vapore per neruos instaurari queat, consequens est, ut è re admodum sibi cognata & simili, qualis est aer, reficiatur nutriturque.

Hippocras.
Aphrodisæus.

Quibus animantibus respiratio conueniat.

CAPVT IV.

Non omnia
animantia re-
spirare.



ICET omnia animantia calore prædita sint, proindeque refrigerationem aliquam desiderent, non eam tamen respirationis beneficio vniuersa obtinent, sed aliis modis, ut progressu patebit. Hinc Aristoteles 1. c. huius libri & lib. 3. de Partibus animal. c. 6. inuestigat quibus animantium generibus respiratio competat, statuitque eis duntaxat conuenire, quæ sanguinea sunt, & pulmonem habent. Hæc enim ut natiui caloris incendium in se matius continent, ita appulsionem, & ingressum requirunt frigiditatis æris, qui interiora quæque facile peruat, & hac, illucque breui temporis spatio commeat, atque adeo melius & commodius refrigerat. Ea igitur, quibus pulmo inest, respirant omnia, solaque. Verum ex his quædam, inquit Aristoteles, pulmonem habent penè exanguem, & nimis fungosum, ut ranarum genus, fluuiatiles mures, & testudines, delphini, crocodili, balenæ, aliæque nonnulla. Hæc autem minus frequenti respiratione egent, quia cum frigidiora sint, ubi semel eorum pulmo aërem imbibit, refrigerari ab eo diu possunt absque recentis aëris accessu. Quæ tamen si vi aliqua diutius sub aquam teneantur, emoriuntur, ut aliquando accidit delphinis reti deprehensis.

Legit Galenū
lib. 16. de Vm
part. c. 9.

Aristoteles ar-
gumenta quod
nō omnes pi-
sces respirant.
Pisces non ha-
bent arteriā.

QUOD cæteri pisces non respirent, probat Aristoteles eodem c. Primum, quia inter respirandum obuiat aqua aëri, atque ita hæc duo corpora sese mutuo impediunt, vel certe daretur simul expiratio, & inspiratio. Secundò quia pisces non habent arteriam sicut nec pulmonem, sed eorum ventriculus ori proximè adhæret. Terriò quia non mouent aliquam particulam ventris,

ut cæte

vt cætera spirantia. Quartò quia cùm in aquis moriuntur, non videmus in summo aquæ bullas fieri, quod tamen accidit, cùm respirantia aquis suffocantur, quia per vim spiritus exit. Quinto quia pari modo possent reliquæ animantes in aquis respirare, quod negat experientia. Sextò quia non interirent paulò post extra aquam, vbi affatim eis suppetit aër, quem altèrnatim ducant. Cæterum quia pisces suam quoque refrigerationem requirunt, aquam admittunt ote & brachiis, quæ cum sint coniunctæ venis quibusdam, & arteriis cordi coherentibus, eo pacto viscerum temperant calorem. Vnde cùm iam senectute, vel alia causa mouere branchias non possint, suffocantur, vt testatur Aristoteles cap. 6. huius libri.

*Opinio existimantium omnes in vniuersum pisces
respirare, eiusq; impugnatio.*

CAPVT V.

*Legit Tertul.
in lib. de Ans.
vbi, cap. 20.*



VETVS ramen opinio fuit Anaxagoræ, & Diogenis, vt refert Aristoteles 1. huius libri capite, pisces, & si plerique pulmone careant, nihilominus respirare omnes. Quod item asseuerat Plinius lib. 9. Naturalis historię cap. 7. hisce adductis argumentis. Primum, quia esto aquatilia pulmonibus careant, possunt eis loco pulmonum alia spirabilia viscera subesse, ita volente natura, si cut & pro sanguine est multis alius humor. Secundò quia non deest intra aquas vitalis halitus, qui etiam in terras spissiore naturæ partem penetrat, argumento animalium, quæ semper defossæ viuunt, vt talpæ. Item quia sæpè obseruata est in piscibus æstiuo tempore intra aquam quædam anhelatio, & tranquilla velut oscitatio. Præterea, quia pisces dormiunt, sine respiratione autem somno locus non est. Postremò, quia id indicat bullatium aquarum sufflatio, & auditus, atque odoratus piscium, quorum neutrum absque aëris interuentu fit.

EANDEM sententiam tuetur Rondeletius lib. 4. de Piscibus cap. 9. quam aliquot etiam argumentis stabilire conatur. Primum quia, vt Aristoteles 3. de Generatione animalium cap. 11. ait, mare omnium particeps est, videlicet humoris, aëris, & terræ. Quare non deerit piscibus aër, quem intra aquas hauriant. Secundò quia respiratio, vt medici tradunt, necessaria est ad nutritionem spirituum; ac etiam pisces spiritibus indigent. Tertio quia si in vase angusti oris, aquæ pleno, concludantur pisces illic diu viuunt, & natant, si orificium apertum habeant, si autem ita vas obturetur, vt aëri aditus non pateat, confectum suffocantur, quod non accideret si eis sola aqua ad refrigerationem sat esset. Quartò quia ad respirandum sufficit tepor æthereus, &

*Sententia A-
naxagora
Diogenis.
Pliny. 1.*

*Eorum pri-
mum argum.*

2.

3.

4.

5.

*Idem sentit
Rondeletius.
Eius 1. argum.*

2.

3.

4.

cœlestis spiritibus omnia peruens, de quo est illud Poëtæ:

Spiritus intus alit, totamque infusa per arvis

Mens agitat molem, & magno se corpore miscet.

*Virgil.
Æn. 6.*

Concludit itaque Rondeletius omne piscium genus respirare, sed variè. Nam belluæ, inquit, marinæ, & quæcumque pulmones, habent, aërem vnâ cum aqua hauriunt, eadem autem fistula eiciunt, qua etiam spiritum ducunt, veluti nos naribus, sicque respirant balenæ, delphini, Physeteres. Alia pulmonibus, sine fistula, vt testudines marinæ, palustres, & fluuiatiles; similiterque vituli marini, quibus parentes sunt nares, larinx angustissima; quo fit, vt naribus aquam haustam reddant, aërem retineant. Reliqui pisces quibus branchiæ vel apertæ, vel operæ sunt ijdem aërem trahunt, & aquam simul haustam emittunt. Ostrea, tenuissima contexta cute per cutis exiguos meatus videntur respirare. Et denique omnia aquatilia pro caloris ventilandi, & spirituum rescindendorum magnitudine, vel exiguitate alio atque alio modo respirationem exercent.

*Approbat.
sententia Ari-
stot.
Solut. 1. argu.
Solutio 2.*

NON est tamen propter superiora argumenta recedendum ab Aristotelis doctrina, quam communis philosophantium schola tuetur. Quare ad primum eorum, quæ ex Plinio atrulimus, respondendum est, nec pulmones, nec aliquid vice pulmonum omnibus piscibus inesse; cum id non omnes exigant, sicuti nec omnes respirationem desiderant. Ad secundum facilius terræ visceribus quam sub aquis aërem seruari. Etenim intra terram multæ sunt scatebræ, & meatus, qui, ne vacuum detur, ab aëre occupantur. In aquis verò confestim aër subuolat constipante se vitro fluido elemento. Ad tertium, cum aqua calore Solis incalescit solere interdum pisces ore & branchiis aquam frequenter haurire & reddere, vt magis refrigerentur, sicque anhelationem imitari: similiter dum serenum tempus est, nonnunquam ore patulo hiare quasi oscitantes vel propter affectum lætitiæ, vel alia ob causas, non tamen verè anhelare, vel oscitare, cum hoc sine interuentu aëris non fiat. Ad quartum, somnum ex se respiratione non indigere. Nos enim haud propterea inter dormiendum respiramus, quia somnum capimus, sed quia caloris refrigeratione perpetuò indigemus. Ad quintum, non excitati bullas emissæ aëre per expirationem quorumvis piscium, sed rannatum, testudinum, aut aliorum, quibus respiratio conuenit, qui spiritum cavitare pulmonum asseruatam, aliquando sub aquis laxant, & ad extimum aquæ superficiem remittunt. Ad sextum, neque auditum, neque olfactum aquatiliū ad functiones suas obeundas aërem flagitare, cum ad eorum sensiteria per interfusam aquam soni, & odores, atque horum species transmitti queant.

*Galen. lib. 6.
de vsu part.
cap. 9.*

Solut. 3.

Solut. 4.

Solut. 5.

Solut. 6.

*Responsio. ad
1. argum.
Rondeletii.*

AD primum Rondeletij dicendum, nihil aliud velle Aristotelem eo loco, quā mare non esse purum, & syncerum elementū sed

sed concretum petmixtione qualitatū aëris, terræque: habet enim mare non parum ex aëreo calore, & terrea crassitudine. Ad secundum, Aquatilia, ut deterioris naturæ sunt, quàm terrestria, ita minorem requirere spirituum copiam, proindeque sat illis esse eos spiritus, quos natiuus calor, è sanguine conficit, nutritq;.

Ad tertium, in vase angustiore vndique obrurato minus diu vivere inclusos pisces, quàm si vasis orificium pateat, quia sine appulsu aëris incalcescit in eo aqua, nec iam ad refrigerationis beneficium præstandum idonea est, ut Aristoteles hoc in lib. cap. 6. docuit. Ad vltimum, respirationem absque aëre dari non posse: at nec calorem æthereum, nec vllum alium influxum è cælo dilapsum, aërem esse. Nec poetam nomine spiritus aërem intellexisse, sed vel animam mundanam ex dogmate Platónico, vel ipsum diuinum numen, quod per totam rerum vniuersitatem contineat, ut alibi exposuimus.

Ad 1.

Ad 3.

Ad 4.

*Quo pacto inter se conueniant, & dissideant cordis artè-
riarumque motus, & respiratio.*

CAPVT VI.



OMPAREMUS nunc cordis, & artèratarum motum tum inter se, tum cum respirandi actione. Aduertendum in primis cor perenni agitatione concitari, nunc sese dilatando, quod vel sensu ipso conspicuum est: nunc contrahendo. Porro autem dum cor dilatatur, sanguinem è vena cava in dextrum ventriculum euocat, & recentem aërem bibit è pulmonibus, quem per leues artèrias in læuum sinum corripit. At dum contrahitur eundem aërem iam calfactum foras pellit, simulq; fuliginosa excrementa, quorum congestio calorem suffocare possit, excernit, emittitq; partim per artèriam venosam in pulmones, partim per eam venam, quam aortam dicunt.

Motus cordis.

ARTERIÆ verò similem motum subeunt. Modò namque eleuantur, modò deprimuntur. Cùm eleuantur, per externa quidem orificia, alliciunt ad se ambientem aërem: per interna ad cor pertingentia, spiritus, & sanguinem trahunt, vnaq; aliquam fuliginum cordis portionem paulò post abigendam excipiunt. Item etiam per laterales poros, & spiracula venalem sanguinem à venis sibi coherentibus ad artèriales nutrimentum prolestant. Rursus eadem artèriæ, cùm deprimuntur, & in se ipsas recidunt, humidam superfluitatem, & torridi vaporis faciem paulo ante contractam, excutunt per meatus, quibus in vniuersam cuem, ventriculum, intestina, & in venas sese aperiunt, itémque in laxitatem ipsis artèriis circumfusam quam eius rei gratia natura molita est.

Motus artè-
riarum.

*Consensu ar-
teriarum &
cordis.*

MIRIFICÆ autem inter se conueniunt arteriarum, & cordis pulsatio. Primum, quòd vtraque sit à facultate vitali, hoc est à virtute quadã motrice, quæ in corde, quod vitæ fons est, ortum habet. Hanc vim sunt qui putent non esse aliud quàm calorem sanguinis in corde ebullientis. Sed non recte philosophantur. Calor enim principium est alterandi, non loco mouendi, saltem per se, & ex proprio ingenio, estq; commune instrumentum rebus viuentibus ad corporum functiones obeundas: illa autem vis motum ciens naturalis quẽdam facultas est à secundo qualitatum genere ad id munus peculiariter administrandum delegata. Migrant autem iugi motu arteriæ non ob id tantum, quòd tunicis cordi adliærentibus consent: alioqui oporteret etiam venas omnes, quæ inter medio venæ cauæ cordi copulantur, vnâ concitari; sed quia ita cum corde vniuntur, vt ingenitam ad talem motum potestatem habeant à corde tamen dependentem.

*Arteriarum
dilatatione cor
refrigerari.*

SECUNDO conueniunt, quia eundem spectant finem, videlicet tutelam natiui caloris modo paulò ante explicato. Quod si quis roget num etiam per arteriarum distentionem cor refrigeretur. Respondemus refrigerari, cùm necessariò ab arteriis quæ hiantia in corde oscula habent, aliqua ætis portio ad ipsum cor euadat. Nec obstat quòd aer arteriarum fistulis interceptus non nisi commercio arterialis sanguinis, atque adeò tepescens ad cor perueniat: non enim vsque adeo incalescit, vt ad refrigerandum aliqua ex parte non valeat.

*Pulsus arte-
riarum index
valetudinis,
& morbi.*

TERTIÒ, consentiunt quatenus eodem tenore, & concentu sibi respondent: cùm enim sese cor explicat explicantur arteriæ: dum se contrahit, subsidunt: id quod facillè deprehendit vt Galen. lib. 3. de præsagiis pulsuum cap. 2. ait, qui altera manu cordis pulsationem, altera motum arteriarum explorauerit. Ideoque arteriarum agitatio ipsum cordis motum, temperamentum & abundantiam, aut inopiam natiui caloris, in quo vita consistit, singulari naturæ artificio testatur. Vnde illud Plinij lib. 11. Natu. histo. cap. 37. Arteriarum pulsus in cacumine maximè mèbrorum euidentis index ferè morborum, in modulus certos, legesque metricas per ætates stabilis, aut citatus obseruatione crebri aut languidi ictus gubernacula vitæ temperat.

*Conferuntur
inter se pulsa-
tes cordis, ar-
teriarumque,
& respiratio.*

SED compatemus etiam pulsationem cordis & arteriarum cum respiratione. Primum, est inter eas conuenientia, quia ambæ institutæ sunt à natura custodiendi, & medicandi caloris gratia. Quod maior philosophorum, & medicorum pars teste Galeno lib. de Vsu pulsuum cap. vnico inde probat, quia vtraque iisdem ex causis similes mutationum differentias sortitur. Nam qui corporis exercitatione, aliãve causa incalescunt: ij non modò crebrius, sed frequentius respirant: sed pulsus etiam pari modo mutatos exhibent. Præterea in iis, qui algent, sicuti respiratio tardior, ac minor deprehenditur, ita & pulsus.

Sanè

SANE quidem euariantur hi motus secundum ætatem discrimina. Nam puer recens in lucem edito pulsus frequentior est, sicuti seni rarior. Qui autem in media ætate sunt, iis pulsus ad proportionem responderet, prout ad pueritiam, vel senectutem magis accesserint. Præter hæc vehementes animi affectus, ciborum genus, anni tempora, cæli, soliq; constitutio, & vno verbo omnis ad frigus, & calorem mutatio pulsus respirationemque aliter afficere consueuerunt. Secundò consentiunt in eo prædicti motus, quod ut quies illa, quæ arteriarum contractioni succedit, maior est, quàm ea, quæ dilationem sequitur, sic quæ inspirationem antecedit, maior existit, quàm illa, quæ superuenit, ut loco antecitato Galenus docet.

Infantis pulsus frequentior.

DIFFERUNT autem iidem motus inter se, primum, quia, quod ex respiratione vni cordi præstatur, id ex pulsu toti corpori impenditur, videlicet refrigeratio, & natiui caloris custodia, fuliginumq; depulsio. Secundò, quia minus necessarius est cordi, & cuilibet alteri membro arteriarum pulsus, quàm cordi respiratione: poterunt enim brachiorum arteriæ diu religatæ esse, & absq; pulsu citra noxam: non tamen cor sine pulmonum afflatu: videlicet ut cæteræ partes animantium minori indigent calore, ita minus eis nocet intermissio actionis ad tuendum calorem destinatæ. Tertiò, quia pulsus præcipuè obseruiat ad deferendum spiritum, & calorem: respiratione verò ad caloris refrigerationem, & ad torridum, noxiūq; vaporem à cordis ventriculis excludendū. Quartò, quia multo frequentior est pulsus, quàm respiratione, cuius rei causa est, quod tanta in pulmonem aëris copia simul infertur, ut vnus inspirandi actus multis cordis attractionibus sufficiat. Nec sine tam copioso aëris in pulmonem influxu possent animantes vocem edere, quandoquidem vox suspensionem expirationis deposcit, quæ suspensio absque multi aëris intus collecti beneficio non datur. Quintò, quia pulsus, actio omnino naturalis est, nulloq; pacto arbitrarij subdita, respiratione autem aliquo modo voluntaria censetur, ad modum superiùs explicatum.

Pulsus multo frequentior, quàm respiratione.

Solutio problematum ad ea, quæ proximis disceptationibus conclusa sunt pertinentium.

CAPVT VII.



ROXIMUM est, ut iis, quæ de re præsentī sese offerunt, problematis occurramus. Primum sit. Quamobrem motus cordis cælestium sphaerarum conuersioni assimilis perhibetur? Responso. Quia ut à motu cælesti communes sublunarium corporum actiones pendent, ita à motu cordis reliquorum membrorum functiones proximè, aut remotè ortum habent, vel ea saltem ratione, quod absque natiui caloris ope neuiquam administratur. Est & alia conueniētia, quod ut cæli motus perennis

Motus cordis similis conuersioni cælesti.

Con. Comm. in parua Nat.

est, ita & cordis pulsatio, nisi, quod ille continuitatem setuat, hæc quietis motulas, de quibus supra diximus, interponit. Lege D. Thomam opusculo 35. qui de motu cordis inscribitur.

*Motus cordis
non est sim-
plex.*

2 E S T N E motus cordis vnus, simplexq; an cōpositus? R. Fieri nequit vt vnus sit, qui è duobus inter se pugnans, videlicet pulsu, & tractu, seu systole, & diastole, id est, dilatatione & contractione constar, atque interiectam quietem habet. Nec obstat quod natura, quæ ad vnū definita est, minimè videatur posse ad diuersos motus inclinare. Hi enim motus ita sunt diuersi, vt vnā circuitionem, id est, motum corporis ab eodē ad idem punctum in orbem redeuntis imitentur. Similiter pronuntiandum de artēriarum pulsu, & de respiratione, videlicet quemlibet horum motuum non vnum esse. Vnde Galenus 4. de differentiis pulsuum, *non perperam*, inquit, *Zeno quēdam motum ait esse pulsuum, non simplicem, neque vniuersum, cum ex contrariis motibus constet, vt motus respirationis.*

*Cor exemptum
aliquandiu
pulsat.*

3 Q V A N A M vi exempto corde ab animali vterque finis cordis aliquandiu pulsāt? R. Propter feruorem sanguinis, & spirituum: nec enim hi vt primum ab anima destituuntur, confestim restinguuntur, aut refrigerantur.

4 S i diaphragma, & pulmones postquam eleuati fuere, suo pte pondere ad eundem statum regredi, & concidere possunt, quia corpora sunt gravitate prædita, cur exspiratio, quæ sit collabentibus in se pulmonibus, virtuti animæ mouentis attribuenda erit? R. Cum ipsa quoq; exspiratio arbitratu nostro nunc maiori, nunc minori vi fiat; siquidem maiori conatu aërem efflant qui clamāt, quàm qui submissa loquuntur voce; haud dubiè concedendum erit ipsam quoque talium membrorum depressionem à motrice animæ facultate diaphragmati, & pulmonibus insidente oriri. Quare Galenus in libello de respirationis causis duplices tradit musculos, alios respirationi, alios inspirationi obeundæ à natura datos. Motus autem, qui à sola membrorum gravitate manar, musculos non curat, vt luce clarius est.

5 C V R saltē cordis, & artēriarum contractio, quæ omnino naturalis est, non erit ab insita gravitate? R. Etiam motus, quo artēriæ & cor deprimuntur, opēratio est maximè vitalis, valdeque necessaria ad tuendam vitam, vt ex dictis constat, ac proinde oriri debuit ab anima; cui incumbit videntium salutis, & incolumitati consulere. Non proficisci verò à gravitate vel illud argumento est, quòd cum multæ subsunt fuligines, quæ depressionis motum retardare deberent, tunc cor, & artēriæ maiori impetu sese contrahunt, videlicet procurante id anima interuentu motricis virtutis ad excernendam fumeam materiam, quæ calorem suffocet. Procutante inquam, non ex notitia, quæ præsentem agnoscat necessitatem, vt quidam ætatis nostræ Philosophas in commētariis ad cap. 36. artis medicæ tradidit (nec enim cordis, & artēriarum motus cognitione dirigitur) sed ex naturali inclinatione, & quasi

*Cordis, & ar-
teriarum mo-
tus non diti-
guntur cogni-
tione.*

quasi instinctu ab ipso autore naturæ ingenito, quo potentia etiam vegetatrice, actionis mere naturales, prout rei necessitas, aut opportunitas exposcit, attemperare consueuerat.

6 **V**TER è duobus motibus antecedit in respiratione, & pulsus, distensio ne, an contractio? R. Non consentiunt hac in re Philosophi. Videtur tamen probabilior eorum sententia, qui distensionem priorem faciunt. Nec enim cor, vel arteria formantur cum aëre, quem illico excludant antequam recentem introrsus aduocent. Certè inspirationem expirationi præire conceptis verbis docet Aristoteles hoc in lib. c. 1. probatque ex eo, quia cum morientia postremò expirent, oportet inspirationem vicem subire principij, id est, vitam ab inspiratione inchoati: est enim consentaneum, ut eius beneficio animantes vitam auspicentur, cuius contrario moriuntur.

*Distensio præit
contractioni.*

7 **Q**UOD causæ est, cur homines quidam diutius, quàm alij, spiritum in aqua contineant? R. Quia ampliores habent pulmones magisque fistulosos, quotum proinde cauitate plus aëris excipiunt ad refrigerandum cor.

*Morietur po-
stremò respi-
rant.*

8 **Q**UAMOBREM hausto vberiori alimento remissior est in somnis, cordis & arteriarum dilatio, quàm contractio, depressio? R. Quia tunc intorsum se conferente natiuo calore, eoque citca ventriculum & alia viscera, ubi cibi excoquuntur collecto, necessum est multam gigni fuliginem, quæ maiorem exinanitionem poscit: contractio autem ad id potissimum obseruit: siquidè dnm venæ, & cor in se concidunt interceptum aërem vni cum recrementis explodunt. Itaque ubi plura suppetunt extremètia, ibi maior, vehementiorque ad ea excutienda depressio datur.

9 **C**UR pueri, quàm puberès plus, & crebrius respirant? R. Tum quia plus in se cohibent innati calidi, semper autem caloris magnitudinem sequitur respiratus frequentia, tum quia eorum spiritus ampliorem aërem desiderat, eo quod dum gignitur, multum effert extremèti fuliginosi, ob alimèti copiam, quam excoquunt: senibus autem, cum frigidiore sint, consequens est, ut minor, & rarior, quàm cæteris contingat respiratio. Quæ etiam communis causa est, cur in balneis, hypocaustis, & calidis regionibus maior, densiorque sit respiratio: in frigidis verò locis secus res habeat. Lege Aristotelem in lib de Vita & morte cap. 2.

*Pueri plus
habent man-
tu calidi.*

10 **C**UR à cibo parum, hoc est minori aëris copia, frequenter tamen respiramus? R. Quia tunc propter ventriculi dilatationem actio patet spiritui transitus per thoracem, sed respiratus paruitatem assiduitatis ope compensamus.

11 **C**UR qui se multo cibo ingurgitarunt pulsum maiorem, respirationem minorem edunt? R. Quia tunc aëris minus alligunt ob causam paulò ante adductam, & tamen aucto cordis calore, & viribus ex cibo, maior subsequitur & cordis, & arteriarum commotio.

IN LIBRVM, DE IUVEN-
TVTE ET SENECTVTE.*Varia ætatum discrimina.*

CAPVT I.

*Prima distri-
buto ætatum
eorumq; tem-
peramenta.*

DISCRETIO ætatum, de quibus Aristoteles hoc in libro agit, assignari consuevit à Philosophis ex mutatione calidi & humidi, quibus animantium vita continetur. Quæ tamen mutatio non quælibet, sed insignis esse debet. Igitur secundum hanc notionem tria ætatum discrimina constituuntur, pueritia, iuuentus, seu florida ætas, & senectus. Ad pueritiam pertinet calidum & humidum affluens, ac copiosum. Ad iuuentutem calidum & humidum apprimè temperatum. Ad senectutem calidum, humidum iam diminutum, & in occasum vergens. Ita ut licet vita senum in calido, & humido, ut communis omnium animantium viuendi ratio, consistat, superiorum tamen ætatum comparatione senectus frigida & sicca iudicetur.

*Galenus.
Hippocrat.**Calor conti-
nenter caput
humidum.*

QUOD animantium vita hoc ordine, graduque temperamento decurrat non difficile quicui intelliget. Etenim cum scetus è semine, & sanguine, in quibus larga humoris, & caliditatis copia viget coalescant; sit inde consequens, ut eorum membra à prima vitæ ingressione humido, calidoque abundant. Et quidem quod ad humorem attinet, id etiam sensus iudicium demonstrat: infantis enim caro flaccida, humidaque tactu dignoscitur. De calore autem id palam docuit Galenus 8. de Placitis Platonis & Hippocratis, & ante illum Hippocrates, tum 1. Aphorismorum Aphorismo 14. tum libro 2. de Nat. hum. c. 12. dum hominem prima die calidissimum statuit, quod nos etiam primo de Ortū & interitu variis in id adductis rationibus comprobabimus. Quia vero calor continenter carpit humidum, & ipse agendo atteritur, & languescit, necessarium cum ad extremam vitæ partem deuentum fuerit, corpus frigidum erit, exesaque ac dissipata humidi primigenij substantia. Vnde etiam patet, quod inter hæc extrema situm est tempus, id humoris & siccitatis medio positi: non quasi absolutam, & ad punctum exactam obtineat temperiem, sed maximam, quæ ætati decursu contingit, quatenus florida ætas nec ut senium inarescit, nec ut infantia humore uimio affluit.

*Alia diuisio
ætatum.*

DIVIDVNTVR etiam hæc tres ætates in alias minutiores. Nimirum prima ætas, quæ anno fere quinto & vigesimo terminatur, in infantiam, pueritiã, pubertatem, & adolescentiam cui paulò ante totius huiusce decursus appellationem dedimus. Infantia
ad ter

DE SENECT. ET IUVVENTUTE.

79

ad tertium, quartumve annum extenditur: hinc pueritia ad decimum: hinc pubertas ad decimum octavum, inde ad vigesimum quintum adolescentia. *Ætas media distribuitur in iuventutem, & virilem ætatem.* Iuventus à vigesimo quinto ad trigésimum quintum, aut quadragesimum porrigitur. Inde virilis ætas ad annum quinquagesimum excurrit. Tertia ætas continet primam, & ultimam senectutem. Senectus prima à quinquagesimo ad quintum & sexagesimum protenditur. Ultima, seu decrepita senectus vitam claudit.

*Alia ætatum
partitio.*

SOLON Atheniensium legislator teste Philone Alexandrino in lib. de Mundi opificio, Hippocrates & plerique alij septem tantummodo ætates constituunt: partiuntur enim primam ætatem in infantiam, pueritiam, & adolescentiam: attribuuntque infantie septem priores annos toridem pueritiæ, reliquos usque ad vigesimum quintum adolescentiæ. Inde reliquum vite tempus eo ætatum & annorum numero quem ante retulimus, dimetiuntur. Est autem siue hæc, siue illa ætatum descriptio, ordinaria, & frequentior, non tamen usque adeo certa, ut aliquando hominum vita pro innati temperamenti, & regionum aliarumque causarum extrinsecus incidentium varietate non alios interdum limites & discrimina sortiatur: præterquam quod plerisque ante senium, multos ante floridam ætatem, non paucos in ipso vite limine, & ab ubere matrem aufert atra dies, & funere mergit acerbo.

Consulte Galenū 3. Aphor. cont. 27.

*Non omnes
eodem tempo-
ris spatio in
ætatum dis-
crimina in-
currunt.*

Ætatum consideratio secundum Astrologos, Pythagoram, aliosque philosophos.

CAPVT II.



VT ANT verò Astrologi, ut videre est apud Proclum in lib. de Anima & demone, singulis ætatibus præesse vnum planetam ob peculiarem influxum. Infantie Lunam: pueritiæ Mercurium: adolescentiæ Venerem: iuventuti Solem: virili ætati Martem: senili Iouem: decrepitæ Saturnum. Huiusce dominiij causam, & rationem sic explicant. Luna, inquiunt primam illam infantie tenebrositatem blando quodam officio permulcet, & benigne, ubique humore fouet, Mercurius pueritiam ad lusiones, scemomem, & disciplinas afflatu suo promouet. Venus adolescentiam accendit. Sol iuventuti vigorem addit, & ad altiora erigit. Mars virili ætati animositatem affert, & pugnandi studium excitat. Iupiter senectuti gravitatem & maturam benignitatem indit. Saturnus decrepitæ ætati fragilitatem, & morositatem. Aiunt etiam decrepitos senes, quia propter virium, & iudicij imbecillitatem propemodum ad infantiam tanquam à calce ad

*Quis planeta
quibus præ-
sue ætatibus
secundum A-
strologos.*

carcerem regrediuntur, iterum Lunæ dominio subitici. Verum quid in se veritatis contineant hæc Astrologorum effata in libris de Cælo copiosè disseruimus.

Lib. 2. cap. 7.
quæst. 9.

CIRCUMFERTVR etiam alia ætatum consideratio ex Pythagora qui vitam in pueritiam, iuuentutem, virilem ætatem, & senectam diuisit; & hanc quadripartitam varietatem cum quatuor anni temporibus proportionem quadam contulit. Aiens pueritiam Veri assimilabilem esse, in quo omnia virent, & humoris vbertate adulescunt. Iuuentutē, Ætati, propter animi robur, quo tunc corpora pollent, & quasi efflorescunt. Virilem ætatem Autumno, quod tunc post varia superioris vitæ pericula cuiusque ingenij dotibus tanquā naturæ fructibus accedat tempestiuitas, & sua quædam maturitas. Senectutem Hyemi gelidæ, & molestæ, qualis esse extrema ætas consuevit.

LEGED. Damascenū lib. 1. Parallelorum, & Philonem in libro de mūdi opificio, vbi ex Solone legislatore Atheniensem ea, quæ singulis ætatibus attribuuntur per septenarios exponunt.

Dissolutio problematum ad hominum ætates spectantium.

CAPVT III.



EQVITVR explicatio problematum, quæ hominum ætates, de quibus paulò ante disseruimus, concernunt. Primum sit. Cur infantes qui septimo mense in lucem veniunt, viuere possunt; qui octauo nequeunt: sed vt plurimū (quod longa experientia compertum est,) cōfestim moriuntur? R. Non parua de hac re inter philosophos, & medicos disceptatio est. Philo Iudæus lib. 1. Allegoriarum & Aphrodisæus lib. 2. problematum quæst. 44. eius rei causam referunt ad mysteria, & occultam vim numeri septenarij, de quo inibi multa prædicant. Estque hæc sententia admodum consentanea doctrinæ Hippocratis in lib. de Septimestri partu, vbi docet quemadmodum morbi dies, ita partus menses criticos, seu iudicatorios habere, & ad prodeundum in lucem idoneos, ac fauorabiles, aut contra. Hos autem constat non quoslibet, sed definitos, ac certos esse, videlicet septimum & nouum, qui ordinarius est. Air tamen Plinius lib. 7. cap. 5. reportos fuisse in Italia octimestres partus vitales contra priscorum opinionem. Quos etiam in Ægypto aliquando inueniri scripserat Aristoteles lib. 7. de Historia animalium capite quarto. Huius rei, quæ medicorum propria est, vberiore explicationem lege apud Valesium lib. 2. Controuersiariū Medicarum & philosopho. Levinum lib. 4. de Occultis naturæ miraculis, cap. 13. Valleriolam lib. 3. Enarrationum Medicinalium, Enarratione 7. Plutarchum lib. 5. de Placitis cap. 18. Vide quoque si placet quæ lib. 2.

Philo. Aphrodis.

Hippocrat.

lib. 2. de Cœlo, cap. 3. quæst. 1. art. 2. scripsimus, ubi ex Astrologorum disciplina aliter propositam quæstionem solvimus.

2 C V R infantibus naturales actiones valide sunt, animales admodum infirmæ: liquidem affluenter nutriuntur, & crescunt: ægrè sentiunt, & nec moveri, nec stare firmiter valent? R. Quia functiones naturales administrantur calore nativo, quo prima ætas circumfluit. Operationes verò animales egent spiritibus sensitivis, qui in cerebro perficiuntur at infantes cerebrum habent admodum imbecillum, & ad id muneris ineptum. In homine enim capitis os posterius omnibus aliis ossibus condesceat, conformaturque, ut docet Galenus in lib. de Formatione fœtus. Unde est, quod calvaria iuxta synciput adeò infantibus tenera, & infirma est, ut in recens editis cerebri morus non solum tactu, sed visu etiamprehendatur. Accedit quod nimia humiditas, qua sensuum officinæ primo ætatis ingressu scatent, sensutrices facultates obtundit, nec eas suis muneribus perfecte defungi sinit.

Spiritus sensitivi perficiuntur in cerebro.

3 C V R pueri maturius sapientes, aut vitales non sunt, aut (quod probavit experientia) cum ad maturam ætatem accesserint minus prudentes evadunt? Vnde Plinius lib. 7. cap. 5. refert Catonem Censorium velut ex oraculo prodidisse senilem iuventutem præmaturæ mortis signum esse. Et apud Senecam lib. Controuersiarum 2. controuersia prima, Cestius de ingenio Alfi Flauij prædicat tam maturè magnum ingenium non esse vitale. Itaque iam illud prouerbij loco celebratur. *Odi pueros præcoci sapientia.* R. Iccirco pueri primo ætatis ingressu rationis usum impeditum habent, quia multo, ut diximus, abundant humore, è quo excitata nebula internorum sensuum functiones, aut omnino impedit, aut inturbat. Hinc qui præmaturè sapiunt, intempestiuam cerebri siccitatem indicant, quæ siccitas cum progressu temporis excreuerit, aut ita organum dissoluit, ut mortem afferat: aut ita vitiat, ut ad persoluenda internorum sensuum munia, è quibus intelligentiæ vis dependet inutile & ineptum sit.

Senilis innocentia præmatura mortis signum.

4 P O T V I S S E N T ne primi humani generis parentes esu fructuum vitalis arboris, iuventutis florem perpetuè retinere? R. Scetus in 2. dist. 19. quæstione prima credit vitalem arborem non habuisse vim conseruandi perpetuè iuventutem, aut vitam: sed dumtaxat ad longissimum aliquod tempus, quia cum omne agens physicum agendo repatiatur, & debiliatur, necessariò calor naturalis hominis agendo in cibum paulatim degeneraret, nec ad priorem statum in infinitum restitui posset: cum finitæ causæ infinitus effectus esse nequeat. Oppositum, quod vèrissimilius est, asserit D. August. lib. 13. de Ciuitate Dei, cap. 20 & 23. aiens hominem nisi peccasset, esu ligni vitæ & à necessitate moriendi liberandum, & in flore iuventutis perpetuè conseruandum fuisse. Eadem videtur esse sententia D. Chrysostomi, hom. 18.

De ligno vitæ.

D. August.

D. Chrysostomus.

De hac re Richard. in 2. dist. 19. q. 2. circa 2. princ. Item auctor, quæst. veteris, & noui testamenti, q. 17. Abu ad cap. 2. Gen. 9. 10.

in

Rupert.

in Genesim, & Ruperti 3. de Trinit. cap. 30. cui adstipulantur verba illa tertij capitis Geneseos, *ne forte mittat manum suam, & sumat etiam de ligno vite, & comodat & vivat in eternum.* Nec ratio Scori vim habet, quia ligni vite esus, caloris dispendia ex æquo refarcitet: nec verò id præstando, produceret effectum infinitum, id est, infinitæ perfectionis, ut parer, aut etiam infinitè duraturum, quasi vnâ eius comestio deberet sufficere ad propagandam vitam in sempiternum tempus: oporteret enim id id prog: essu ætatum aliis & aliis pomis vesci, ut monet S. Thomas prima parte, quæst. 97. art. ultimo. Si autem petas quoniam pacto id poma illa potuissent præstare: dicendum, fuisse eis inditâ à Deo

D. Augus.

qualitatem quandam: siue supernaturalem, ut credit D. Augustin. lib. 8. de Genesi ad litte. cap. 5 & lib. 11. eiusdem operis, cap. 40.

D. Bonavent.

& D. Bonaventura in 1. distin. 17. Sine, quod probabilis est, natu-

Strabus.

ruralem, ut Strabus, Hugo de S. Victore, & D. Thomas videntur

Hugo

opinari, quæ qualitas altricem faciliorem, omnesque eius admi-

D. Thom.

nistras, videlicet coctilem, attracticem, expultricem, & alias,

quæ circa cibum negotiantur, à quarum deinde ministeriis, &

opera ceteræ corporis potentie dependent, ita corroboraret, &

defenderet, ut neque actione cibi, neque alterius externæ causæ

occurso infringereuiur, aut fatiscerent. Tueretur etiam primos

parentes quoadiu præceptum diuinum minimè violassent, ab

omnibus noxiis rebus, & incommodis extrinsecus incidentibus

tum propria ipsorum cura, tum maximè diuina providentia, qui-

bus adminiculis potuissent in infinitas seculorum ætates vitam

extendere. Sed enim è terris in cælum ad beatiorum vitam fui-

ssent traducendi.

Senectus pu-
tredo quadâ.

5 C V R qui eminentiora loca libero cælo incolunt tardius senescunt, qui autem curua & palustria citius? R. Quia ut docet Aristoteles sect. 14. problemat. quæst. 97. senectus putredo quædam est, putrescit autem quod quiescit non quod mouetur, ut aqua conclusa. Igitur ut locis editis aer afflante undique spiritu agitur, & alius succedit, ita cauis manet immotus: proindeque minus syncerus. Quo fit, ut hîc ocys, illic tardius corpora marcescant.

6 Q V O D N A M temperamentum ad senectutem scitiùs ducit? R. Sanguineum: quia abundat calido, & humido, multus verò calor copiosè reponit: humidum affluens agrè dissipatur: non senescimus autem nisi arescente humido, frigesciente calido.

7 C V R senes timidi sunt, incurui, tremuli? R. Cum extrema ætas frigida sit, & magna ex parte destituta calore, qui animositate parit, & hominis corpus in rectam staturam excitat, ac membra sustinet: consequens fit, ut senes cuncta pertimescant, corruentur, tremant.

Senes iusti-
tiosi.

8 C V R suspiciosi sunt? R. Sunt, inquit, Aristoteles 2. Rhetoricorum cap. 13. *suspiciosi senes, quoniam increduli: increduli vero,*

quia

quia experti, hoc est, quia longo rerum usu didicerunt quantum peruersitas, fraudisque in hominum dictis, & factis lateat. Vnde quæ vident in sinistram partem non raro accipiunt, ideoque, ut inibi Aristoteles ait, neque amant, neque oderunt minimò: sed secundum Biantis præceptum, & amant ut osuri, & oderunt ut amaturi. Tum præterea nihil affirmant nisi cum temperamento, fortassis. Quare & in rebus agendis non aliter eis, quàm pronuntiaris demonstratione conclusis assentiendum esse commonet Aristoteles 6. Ethic. c. 11.

Epictetus præceptum.

9 Cuius illiberales sunt? R. Tum quia viuere peroptant, & ideo circa ea, quæ vitæ necessaria sunt, ægrè dimittunt. Tum quia contemptum habent quàm sit difficilis rerum acquisitio, quàm facilis iactura. Aristoteles 2. Rhetoricorum c. 13.

Seneca illiberales.

10 Quæ sunt ea, quæ senilem gravitatem maximè decet? R. Ut ait auctor libri de duodecim abusibus c. 2. duæ sunt particulæ homini cavendæ, quæ in eo non obsolescunt, & ad flagitia trahunt. Cor videlicet, & lingua: quia cor nõuas machinari cogitationes non desinit: lingua impigrè loquitur, quæcunque cor machinari senserit. Caneat ergo senilis ætas ne istæ iuvenescentes particulæ totam sui harmoniam decipiant, & per res ineptas reliquam corporis gravitatem illudant. Vnicuique enim considerandum est quid ætate eminenti dignum sit, ut hoc agat, quod nec vitam, nec ætatem, nec ministerium vile reddat. Debet proinde senectus anteaquæ vitæ partem esse, non naufragium.

Una particularis homini cavenda.

De dentibus.

Quæ sit eorum materia, ortus, fides, varietas.

CAPVT IV.



VONIAM de ætatibus disseruimus, non erit ab instituto alienum de dentibus, & capillis, quæ duo ætates comitantur, & cum eis mutationem subeunt, in præsentia disputare. Primum quod ad dentium materiam attinet sciendam ex Aristotelis doctrina 2. de Gen. animalium c. 4. eos eiusdem naturæ esse, cuius ossa, & ex eadem materia coagmentari, quæ materia crassior est, & aridior, quàm ea, ex quancro, & cartilagine, aliæque eiusmodi componuntur. Hoc tamen inter reliqua ossa peculiare habent dentes, quod soli, docente Aristotele loco citato, tota fere vita crescunt, ut videre est in iis dentibus, qui tactum mutuum declinant. Id verò propterea natura machinata est, ut fungi officio suo possint: breui enim tempore contrario occurfu, & attritu consumerentur, nisi aliunde dispendium refarcirent.

Dentium materia.

Dentes tota fere vita crescunt.

INCIPIT autem dentes è mandibulis emergere ordinatim. Con. Comm. in parua Nat.

Ortus dentium.

CAPVT V.



CCVRREMVS nunc aliquot problematis, quæ in consideratione dentium se offerunt. Primum est. Cur dentes canini inter primores, & maxillares sitii sunt? R. Quia canini inter primores, & maxillares mediam naturâ sortiuntur, quatenus, & acuti sunt, vt primores, & lati, vt maxillares.

2 **C**V M leones, canes, lupi, vtrunque multos habeant caninos dentes, cur homo binos tantum parte vtraque obtinet? R. Quia, vt Galenus 1. de Vsu partium cap. 9. ait, cogitauit naturâ in hominis procreatione, se animal ciuile, atque mansuetum effingere, cui robur, ac vires essent ex sapientia, non corporis fortitudine: proinde è caninis dentibus non multos. dedit, quasi ad pugnam, sed qui ad comminuendum cibum, modo superius explicato, serui essent.

*Homini robur
ex sapientia, non
ex corporis vi-
ribus.*

3 **Q**UAM ob causam in extrema ætate rariores sunt dentes, qui antea coniunctiores fuerant? R. Quia cum à radice exiliores sint, ad fastigium latiores, continuâque attritione absumentur, exiccata etiam, exesâque ad imum carne, necesse est plus ab se inuicem distent.

4 **Q**UAMOBREM in senectute dentes labiuntur? R. Vel humoris defectu, sicuti arborum folia, vel ob nimium humorem excrementitium, eius ætatis proprium, qui calorem suffocat. Decidunt etiam non raro excessu frigoris contrahentis neruum, qui eos implantauit. Putrescunt, & in aliis ætatibus peregrino calore, & humido male commissis, compactionemque soluentibus.

*Putredo den-
tium.*

5 **S**I dentes carne firmiores, solidioresque sunt, cur frigoris vim amplius, quam caro sentiunt? R. Quia, vt docet Aristoteles. in problemat. Sect. 34. quæst. 2. dentes tenuibus nituntur infixi meatibus & nervulis, quorum exiguus calor faciliè à frigore vincitur, & dolorem facit.

6 **C**V R nullum cornigerum vtrunque dentatum est, sed omnia saltem primoribus superioris mādibulæ dentibus carent? R. Quia alimentum, quod in eos dentes digerendum, dispensandumque erat, in cornuum recrementa absumitur, quanquam nonnulla reperiuntur quæ denegante natura ad vtrunque materiam & cornibus carent, & vtrique dentata non sunt, vt cameli.

*Nullam cor-
nigerum vtri-
que dentatū.*

7 **C**V R Æthiopum dentes candidi sunt? R. Quia mandibularum calor quo abundant, excoctum humorem eis detrahât, quo detractò eximius ille candor existit, sicuti etiam albescit cera solis calori exposita, nec mirum quod idem calor cutem nigriorem reddat, non enim is candorem inducit, nisi cum eximius humorem corporibus, quæ ob illius permissionem atra sunt. Vnde

carnem, in qua huiusmodi humoris copiam non absorbit, adurit, & atro colore inficit. Lege Aristotelem libro tertio, de Historia animalium capite nono, & in Problematis Sect. 10. questione 65. & 66.

De capillis.

Qua sit eorum materia, ortus, finis.

CAPVT VI.

*Capillorum
materia.*



NUNC de capillis agendum. In primisque materia, & generatio seruanda. Aduerte igitur, sicuti in sublunari mundo duplex halituum genus censitur, quidam humidus, & calidus, qui Solis vi & locis humidis excitati in pluiam, rorem, ceteraque his similia addensantur, quos vapores nuncupant: alij sicci, & calidi, quos eadem vis è tertio elemento ad ignitarum impressionum materiam excernit, vocanturque exhalationes, vt in Meteoris exposuimus: ita & in homine, qui paruus mundus à Philosophis vocatur, quosdam inesse halitus humidos, qui ad conciliandum somnum, aliaque munia obseruiunt: quosdam siccos, qui in pilos, vngues, vngulas, cornua, & reliqua id genus, pro partium diuersitate, concresecunt.

*De hac re
Hippocras. m
lib. de natura
pueri, & in
lib. de glandu-
lis.*

*Capillorū ge-
neratio.*

CUM igitur fuliginosa, & tetrea exhalatio, cutis spiramentis impacta, nec facile retro com meat, nec omnino foras euolat, & hanc alia rursus è profundo subiens fetit, aliaque rursus, & alia à tergo instat, complicantur istiusmodi exhalationes addensanturque in minuta corpuscula, & deinceps perpetuò nouæ fuliginis accessu augentur, eaque corpuscula dicuntur capilli. Monet veto Aristoteles 2. de Partibus animalium c. 4. capillos, & eorum cognata omnia quamdiu insunt, tandiu augeri, & tunc magis cum corpora, aut ægotant, aut senescunt, decresecunt: ve: quia vberior excrementi copia remanet, cum minus in partes alias propter senium, aut morbum infumitur.

Arist.

DOCEAT quoque idem Aristoteles 2. de Partibus animalium cap. 14. & ex eo Plinius libro 11. capit. 37. humanum caput præ aliis plurimo capillo abundare. Quod ita fieri oportuit tum necessitate materię, tum præsidij causa. Necessitate materię, quia vbi plurimum humoris calorisque inest, ibi plus suppetit excrementi, quod in capillos facessat. Nam quod in aliis animantibus nonnunquam nutrimentum est, vel in cornua, aut setas, aut pilos vestiendis ex toro corporibus abit, id homini suggeritur ad promittendum capillum integendo capiti. Est etiam ea capillorum frequentia adiumento, præsidiove ad muniendum cerebrum. Nam cum id in homine propositione maximum, &

hum

*Capillorum
utilitas.*

humidissima sit, maiorem desiderat tutelam: propterea quod humidissima quæque facile effervescent, & refrigerantur. Quibus autem animantibus capilli non sunt, iis aliquid capillis proportionem respondens ingenio naturæ datum fuit, ut auibis pennæ, piscibus squamæ, herinaceis aculei.

SAÑE capilli, qui homini genas, & mentum vestiunt, barbæque efficiunt, multum decoris, & ornamenti pariunt. Unde illud Theodoretus. *Sic eos, qui virilem ætatem ingrediuntur, & pueriles annos transierunt barba exornat, quæ genus aliqua ex parte cum mento inferiori vestit. Et primò quidem lanugine florens mala, deinde modicum pilorum velamen easdem tegit, ut augmento hoc ætatis discrimen doceas, & ipsa vultus figura homini persuadeat, ut relictis puerilibus ludis ad res serias accingatur.* Hæc Theodoretus tom. 1. sermo. 4. de Providentia. Sunt autem quibus barba in densam sylvam excrescit sunt quibus rara, & exilis est: quia ut Galenus explicat 1. de Usu partium. Quemadmodum herbæ, ac plantæ, quæ ex terra humida, & pingui proveniunt, altè crescunt: quæ verò ex dura aridaque patuæ, & exigui sunt incrementi: ita capilli, qui ex humidi ac mollis temperamenti emergunt partibus, latè luxuriant, qui ex partibus naturæ duræ, siccæque parvi, atque exiles evadunt. Porro è tribus potissimum causis barbæ raritas, & inopia oritur, nimirum, vel ex defectu recrementi, vel ex duritie cutis quam exhalatio penetrare nequit, vel ex laxitate pororum, per quos exhalatio confestim cuolat, nec in pilos addensatur. Duriem verò seu constipationem cutis plerumque frigus, laxitatem calor efficit.

Theodoret.

De capillorum varietate.

CAPVT VII.



QUIBUS causis variè colorètur capilli declarat Aristoteles in libro de Coloribus, qui liber videtur ex duobus, quos Aristotelem scripsisse testatur Laërtius, in vnum coaluisse. De eadem re scripsit Galenus lib. 2. de Temperamentis. Nimirum fit capillus niger cum deusto vi caloris vapore recrementum in exactam fuliginem permutatur. Flauus, cum vapor minus torretur. Est enim quod tunc in capillos abit flauæ bilis superfluum. Albus verò capillus ex pituita nascitur. Rufus, sicuti inter colorem album, flauumque est medius, sic ex pituitosæ, biliosæque fecis media quadam natura provenit. Aduerte autem id, quod Galenus ait, videlicet candorem capillorum effici à pituita, non repugnare Aristoteli docenti canitiem, ut post liquebit, gigni ex humiditate, & ex defectu innati caloris. Pituita enim frigida est, & humida, proindeque idonea ad candorem, accedente externo calido.

Capillus niger.
Flauus.
Albus.
Rufus.

Cæterum non oportet semper ex hac materia album colorem capillis innasci:quamquam is semper obueniat ex humiditate,& ex inopia caloris innati. Vnde illud vniuersim pro vero habendum,flauitiem,rufedinem, aliósque colores intermedios fieri ex media permixtione humidi & frigidi interni circumfundente se calido ascititio,ita tamen vt hæc permixtio in quibusdam magis, in aliis minus ad hoc,aut illud extremum vergat.

*Diuerfitas ca-
pillorum.*

*Pro regionum
diuerfitate.*

VARIANTVR etiam capilli pro diuerfitate regionum, & ætatum,vt ostendit Aristoteles 5. de Genet. animalium cap. 3.& Galenus loco citato. Nam qui calidam, & siccam plagam incolunt,vt Æthiopes & Arabes, & crispos habent capillos, ac breues. Qui humidam, frigidamque regionem habitant, vt Illicij, Germani, Sarmatæ modicè auctiles,graciles,rectos, & rufos obtinent. Qui inter hos temperato degunt tractu, robustos, modice nigros, mediocriterque crassos: tum nec prorsus crispos nec omnino rectos emittunt. Quod ad ætates spectat, docent nonnulli medicorum, si cerebrum probe temperatum sit, gigni ex eo capillum, qui à teneris annis sit cæsius; post adolefcente ætate tubescat declinetque magis ad nigredinem. Vbi verò cerebrum ipsum calidius fuerit prouenire ex eo capillum omnino nigrum.

*Crispitudine ca-
pillorū ex A-
ristote.*

Ex Galeno.

CVR autem non simplex capillus, sed intortus, seu crispus interdum oriatur, causa est conditio materiæ, siue exhalationis è qua fit,vt docet Aristoteles 5. de Generatione animalium, cap. 3. Si, inquit, fumosa est præ calore & siccitate exhalatio crispum efficit capillum; quoniam duplici fertur motu: siquidem quod inest terreni, deorsum, quod calidi, sursum commeat, cumq; præ imbecillitate reduci facile queat, intorquetur, idq; in capillis crispitudo est. Aut certe, quia cum parum omnino humidi, terreni autem permultum subest, fit vt ab aëre æstuante contrahantur capilli, & conuellantur, quemadmodum cum igni aduruntur. Galenus etiam libr. 2. de Temperamentis, crispitudinis causas hunc in modum explicat. Crispi redduntur capilli, vel propter siccitatem temperamenti, qua illos intorquet (qua ratione Æthiopes crispi sunt). vel propter imbecillitatem exhalationis, qua rectam viam sibi moliri non potest: vel denique ob durioris cutis naturam, qua ipsam exhalationem, etiam si valida sit prohibet rectè ferri, cogitq; vt ad latus se inflectat, & obliquum transitum pareat.

De caluitio, & canitie.

CAPVT VIII.

Aristot.



ALVI omnium maxime animalium homines conspiciuntur docente Aristotele libr. 5. de Generatione animalium, cap. 3. quamquam similis quædam affectio in aliis visitur, videlicet in plantis, & auibus. Namque plantarum

*De hac re
Hippocrates in
lib. de Natu-
ra pueri.*

tatum aliæ perpetuò frondis honore virent, aliæ definito mensium cutriculo frondes exuunt. Item ex auibz quædam cerro tempore sese abdunt, vt pennas deponant. Talis vero affectus in hominibus caluitium est. Ac quemadmodum hoc hyberno tempore plantis euenit, ita hominibus ætate senescente, quæ humanæ vitæ, quasi hyems est. Vna verò tam hominibus caluitij quàm plantis, & auibz prædictæ iacturæ causa est, videlicet inopia calidi humoris: hoc enim deficiente inarescunt omnino capillorum radices, folia, pennæ; & dissoluta compactione, quam humor & calor congruentet mista præstabant, sensim desunt. Caluescimus autem potissimum priori capitis parte, quia in eam cerebrum prominet, quod suo frigore calidum illum humorem pellit. Vnde est etiam quod homini maximè caluitium accidit, quia videlicet amplissimum, & humidissimum propottione cerebrum habet, vt loco citato affirmat Aristoteles. Addit Macrobius lib. 7. cap. 10. ideo caluitium ab occipitio inchoari, quia hanc partem fecit natura rariorem, quod ex futuris, quæ in caluatis conspicuntur, planum est, vt quidquid superflui, aut fumei flatus circa cerebrum fuerit, evanescat per plures meatus. Non caluescunt tamè omnes, sed tantum magnam subeuntes inopiam humidi caloris, qui capillos retinet, setuâtque: neque is defectus quouis tempore contingit, sed potissimum ætate iam declinante & in frigiditatem labente. Quare qui maturius caluitio insigniuntur, ij ante tempus prædicto calore priuantur.

Q V O D ad canitiem attinet, eam docet Aristoteles libro 5. de Generatione animalium cap. 5. gigni ab extremèto putrescente, cum enim calor ob suam imbecillitatem perlatum ad cutem excrementum, vnde capilli aluntur, perfecte decoquere non valet, fit inde vt collectum putrescat. Albet verò tunc capillus, quia humiditas possessa ab externo calore ob innati defectum vertitur in flatum; is flatus inter terreum contentis candido imbuatur colore, vt in carie parietum, cui canities respondet. Quod autem canities putredo quædam, ac morbus capillorum sit, illud indicio est quod qui valetudinis vitio præmaturè canescunt, vbi iam reualuerunt, calore augefcente, atque aded excrementum exacte decoquente, canitiem exuunt. Quod in segetibus quoque euenit, quæ locis humilioribus, ac prope lacunas sub magnis, & continuis pluuiis perpalescunt. Vbi verò calor exiccauit humidum illud superflueus tunc propriam resumunt viriditatem.

Q V O R V N D A M tamen opinio fuit canos ex ariditate provenire: siquidem & ossa albescunt excocto humore, & lapides excocti albam in calcem soluuntur, & cera Solis admota fœtiori candescit, defæcatis ab illa humoribus, & terra æstiuis exiccata solibus albicat. Hæc tamen sententia non probatur Aristoteli loco citato eamque refellit eo argumento, quod experientia

Caluitij causa.

Macrobius.
Saturus.

Cur non omnes caluescant.

Caluities vt obueniat.

Canities putredo capillorum.

Sententia de causa canitiei.

petientia constat, capillos opertos citius canescere, cum tamen operti minus siccantur. Itaque & si nonnulla corpora exusta humiditate albescant, in capillis tamen alia ratio est.

Dilutio problematum ad capillos spectantium.

CAPVT IX.

*Cur infantes
glabri.*



EXPLICEMVS nunc problemata, quæ circa paulò ante dicta excitari queunt. Primum sit. Cur tenelli pueri ætatis ingressu glabri sunt? **R.** Quia cum præcalidi, & humidi sint, nullus adhuc eis meatus in cute est, nec fuliginosum excrementum.

2. **CVR** calidæ aquæ capillum faciunt candidum, frigidæ nigrum? **R.** Quia calidæ plus aëris in se cohibent: aër autem pellucens candorem gignit, ut videre est in spuma.

3. **CVR** caluescimus magis à syncipite: canescimus magis à temporibus? **R.** Quia regio illa admodum sicca est, hæc præhumida: à siccitate verò defluuium, ab humore canities est.

4. **CVR** inter omnes animantes homo maximè canescit? **R.** Quia cæteris magna ex parte pili quotannis decidunt, ut equo & bouitalis & si non decidant, brevis tamen contingit vita, ut oui: quibus proinde longo decursu ætatis in senio canities non aduenit: homines autem & longam degunt vitam, & deciduum capillum non habent.

5. **SI** senibus abudantia humoris capillos in canitiæ tingit, cur senectus sicca pethibetur? **R.** Quia sicca dicitur, hoc est destituta humido innato: cum alioqui humido ascititio, & peregrino abudet.

6. **CVR** capilli detecti tardius, quàm operti canescunt? **R.** Quia canities à putredine est, status autem putredinem prohibet, & operimentum flatum arceat.

*Qui vnus
noctis spatio,
totus incanuit.*

7. **QVID** causæ fuisse putandum erit, cur quidam metu mortis, vnus noctis spatio totus incanuit: sic enim accidisse narrat Scaliger exercitatione 312. in Cardanum. *Historia*, inquit, *nostra tempestatis est sub Francisco Gonzaga Mantua principe. Is affinem suum suspectum coniurationis, cum in turri porta Cæsarea ad questionem, aut supplicium seruari iussisset, nuntiatum est mane totum repente canum factum. Quod quasi prodigium, flexit principis animum, qui ei propterea & venia & vita fecit gratiam.* **R.** Subita illa canities orta videtur ex retractione caloris, quam metus vehementia induxit: sicuti & in his, qui senescunt, canities ex defectu caloris provenit ad modum superius explicatum.

8. **CVR** in equo præ aliis brutis animantibus canities appareret? **R.** Quia equus, ut affirmat Aristoteles 5. de Gener. animalium, cap. 5. os, quo cerebrum continetur, tenuius pro magnitudine, quàm cætera bruta animalia obtinet, quo sit, ut facile humor effluat, & per ætatem calor deficiat, unde canities oritur.

IN LIBRVM, DE VITA, ET MORTE.

Quidnam sit vita.

CAPVT I.



PLACVIT libros de vita & morte, & de longitudine, ac breuitate vitæ ad disciplinæ commoditatem, distinctionemque inter se distinguere eodem modo, qui progressu patebit. Et vt à vita ordiamur, sic eam definiit Aristoteles in libro de Respiratione. *Vita est permanſio anime vegetatricis cum calore.* Ad cuius definitionis intelligentiam aduerte in primis non definiri, & explicari in ea vitam in toto ambitu, sed eam tantum, quæ corporibus conuenit, cum alioqui etiam substantiis separatis vitæ notio propriè conueniat. Licet verò multi sint corporum viuientium gradus, nempe intelligens sentiens, loco mouens, vegetans: Aristoteles tamen per hunc postremum gradum vitam definiit, quia nullum sit corpus vita præditum, quod eo careat. Quo fit, vt prædicta definitio communem omnium viuientium vitam comprehendat. Secundò aduerte vitam rerum corpore constantium tripliciter accipi: vno modo pro anima ipsa, quæ vitalium functionum origo & fons est, diciturque vita essentialis, vt pote essentialis rei viuientis partiatim constituens, sicque in libro de motu cordis, definitur vita principium actus anime. Secundò, pro existentia animæ in corpore. Tertiò, pro ipsis vitæ functionibus, vt pro nutritione, accretione, sensatione: quo pacto vita à D. Bernardo in libro de Libero arbitrio, & gratia dicitur internus, & naturalis motus. Igitur vita in prædicta definitione non sumitur primo modo, vt constat. quis enim dicat animam esse permanſionem sui ipsius in corpore? Potest autem vel secundo, vel tertio modo accipi: si secundo, erit definitionis sensus formalis: si tertio, causalis, ac si diceremus vitam, siue operationem vitalem esse permanſionem, hoc est proficisci ex permanſione vegetatricis animæ in corpore, quod ab ea informatur.

Vita definitio.

*Vitam tribus
modis accipe.*

D. Bernard.

PORRò autem licet vita absque primarum qualitatum, caloris, frigoris, humoris, & siccitatis permixtione, neutiquam possit consistere, peculiariter tamen in calore sita esse perhibetur, teste Aristotele in libro de longitudine, & breuitate vitæ, & in problematis Sectione 14. quæstione 10. quia anima tandiu corpus informat, quandiu in eo vitæ munia obire potest: præcipuus verò administrator vitalium functionum est calor. Quoniã verò huiusce caloris

Vita in calore.

Con. Comm. in parua Nat.

L

*Humiditas
pabulum ca-
loris.*

pabulum humiditas est: dicitur vita tum ab Aristot. locis citatis, tum ab alijs Philosophis in calido & humido consistere: hoc est, à calore, & humiditate in corpore coalitis per se, ac potissimum dependere. Quod tamen non de quouis calore, etiam peregrino, & ascititio, intelligi debet, sed de interno, & pro cuiusque membri natura, & conditione per totum corpus diffusio. Esse verò hunc calorem primarium vitæ instrumentum inde constat, quia eius præsentia, & temperatione fomentur artus, & incolumitatem seruant, ac suo munere probe funguntur, eiusdem abscessu torpent, iacentque exanimis. Eget autem calor hic viuificus humido, quo sustentetur. Sedenim cum diuersa sint humidorum genera, videlicet quoddam aqueum, aliud æreum, idque pingue, & oleagineum, non quouis humido gaudet prædictus calor. Namque in aqueo, quia fluidum est, & dissolubile, ac parum tenax, confestim interit, æreo verò, & pingui nutritur, foueturque non secus, ac flamma oleo.

Frigus non concurrere per se ad actiones vitæ.

CAPVT II.

Prima opinio.



VÆRI autem solet, num calor ita vitæ actiones exequatur, vt ad eas non concurrat etiam frigus per se, sed ex accidente, hoc est, quatenus calorem modificat, eiusque vim attemperat. Sunt qui putent aliquas esse actiones, ad quas per se, & ex vsu naturæ frigus, si moderatum sit, concurrat, quemadmodum & nonnullæ sunt, quas calor, nisi congruam temperationem habeat, lædere consuevit. Suadetur autem hæc pars ex eo, quia cibi appetitio mouetur iuuaturque frigore: inde est enim quod appulsu atræ bilis in stomachum, famem sentimus. Cum igitur fames sit appetitio animalis, non videtur negandum iuari illam per se à frigore animantium, atque adeò vitæ functiones. Videturque adstipulari huic sententiæ Aristoteles libro secundo, de Generatione animal. capite quarto, vbi docet ortum similiarium parium tum à frigore, tum à calore esse, & alia membra frigido, alia calido coagmentari & concrefcere, subditque generationem carnis ex sanguine, quem venæ exudant, & frigore consistere.

Eius argum.

Arist.

Posterior sententia, qua probatur.

CONTRARIA tamen sententia verisimilior est, quam tuesur Galenus 3. de Causis Symptomatum cap. 3. Auicennas Fen. 1. primi doct. 6. capite 3. Vallesius libro 5. Controuers. Medic. & Philosoph. capite 11. Thomas à Vega ad caput 62. libri artis Medicæ, asserentes frigus non nisi posteriori modo concurrere. Quod ex eo confirmant, quia nulla est vitalis actio, cui frigus non per se aduersetur, siquidem cum nimium crescit, omnem operationem aut lædit, aut ex toto impedit: namque membra stupefacit & paraly-
sim

ralysim inducit, proindeque sensum & motum adimit, quod tamen calor non efficit. Hinc est quod ad munia viuientium obeunda ex accidente duntaxat frigus concurrit, propterea quod oportet calorem temperatum esse, quam temperationem admixtio frigoris præstat: ita ut si absque frigore moderatus calor dari posset, nulla omnino esset frigoris necessitas. Nec obstat quod etiam nimium auctus calor actiones corrumpit. Id enim per se frigori conuenit, calori autem per accidens. Cuius rei indicium est, quod ubi primum in aliqua parte corporis frigus cœpit augeri, confestim incipit in ea minui perfectio in operando, quod tamen crescente calore non ita accidit.

IGITUR argumentis in contrariam partem adductis respondendum est, famem non induci per se à frigore atræ bilis: sed quatenus vi frigoris partes cortugantur, & stringuntur; unde sequitur appetitio cibi, cuius ingressu corrugatio illa & strictio cessat, ut alibi fusiùs dicitur. Aristoteles autem locis adductis tantummodo asserit frigus ad ortum partium similarium atque ad generationem carnis requiri, non tamen docet requiri per se.

Solutio arg. aduersaria part. III.

Quid sit mors, quibus causis accidat, & quæ eius sint genera.

CAPVT III.



NEQUAM cætera ad vitam mortemque spectantia persequamur, tradenda est mortis definitio: quæ iam facile ex dictis colligi poterat, videlicet mors est absentia discessus ve animæ à corpore ob defectum innati caloris. Quæ definitio ut planiùs intelligatur, aduertendum est separationem animæ à corpore non ita accipiendam, quasi oporteat ut animal mortuum dicatur, animam realiter à corpore secundum situm abiungi: sat enim est si desinat esse in corpore informatiue, hoc est, si iam non illud viuificet, dissoluto actualis coniunctionis nexu. Nam animæ brutorum animantium, cum iis intereuntibus extinguantur, nullibi post mortem sunt: animus verò humanus, licet in ipso interitus momento, à corpore, quod tempore antecedente informabat, secundum locum situmque abiuncta non sit, separata tamen dicitur, quoniam dissoluto mutæ vnionis vinculo, non iam corpus actuat, aut viuificat.

Mortis definitio.

ADDVNTUR in definitione illæ particulæ, propter defectum caloris innati, quia cum contrariorum contrariæ causæ sint, docente Aristotele 5. Polit. c. 8. quemadmodum vitæ causa est calor (intellige vnà cum humore, quo pascitur) ita mortis causa est frigus, seu quod eodem recidit, innati caloris defectus. Vnde, & à Galeno

Aristot.

Galen.
Cor sunt ca-
loris natum.

libro secundo de Temperamentis cap. 2. definitur mors *extinctio caloris naturalis*. Et quia cor natui caloris fons est, vt progressu explicabitur, solet etiam nonnunquam mors definiri frigiditas cordis ex humidi inopia.

Mortis causa.

Ex propositis definitionibus colligi possunt mortis causæ. Sunt enim excedens frigus & siccitas: immo & humiditas superabundans, quæ calorem suffocat: & nimia vis caloris extranei, quæ non humidum solummodo absorbit, sed ipsum etiam calorem innatum resoluta substantia dissipat.

Mortis genera.

MORTIS autem genera, si euentos fortuiti spectentur, innumerabilia sunt. Si autem causæ per se expendantur, definito numero continentur. Diuiditur ergo mors ab Aristotele libro de morte & vita, in violentam & naturalem. Violenta est, quæ à contrario fit: naturalis, quæ ex caloris marcore prouenit. Quia vero natium calorem, vt supra attingimus, tam frigus, quàm calor extraneus, & humor interimunt, tripliciter violenta mors accidit: nempe vel ob nimiam frigiditatem, aut extraneum calorem, quæ calorem natium exstinguunt, vel ob immodicam humiditatem, quæ eundem præfocet.

Mors naturalis.

NATURALIS autem mors contingit ob caloris paulatim flaccescentis defectum. Nam cum calor agat in humidum ipsumque resoluat, ac dissipet, oportet calorem ipsum pariter imminui, manereque terrestres partes frigore & siccitate concretas, proindeque deficiente humido calorem extinguui, & mortem subsequi, quæ in plantis vocatur ariditas, in animalibus senectus & mors.

Omnis corruptio à contrario.

QUIA tamen omnis corruptio, vt est communis Philosophantium doctrina, à contrario fit, etiam ea viuentium mors, quæ naturalis dicitur, quandoquidem corruptio quædam est, reuera à contrario fiet: dicitur tamen non fieri à contrario, vt violenta, quia quasi sponte naturæ accidit: quatenus non aduenit ab externo contrario magna & aperta vi oppugnante. In quam sententiam, lege si placer, quæ scripturus ad finem librorum de Cælo, Sectione 4. nostrorum problematum, quæst. 1.

De situ & figura cordis, quod vitæ fons dicitur.

CAPVT IV.



Aristot.

Cordis situs.

VONIAM superius de vita disseruimus, proximum est, vt ipsum inquiramus vitæ fontem, qui cor esse perhibetur. Sed prius de cordis situ, & figura agendum erit. Aristoteles 3. de Partibus animalium capit. 4. & 1. de Historia animalium capite decimoseptimo, docet cor cæteris animalibus in medio pectore esse, homini autem paululum vergere ad sinistram;

sinistram; redditque eius rei causam, quia homo inter omnia animalia læuam partem frigidiorē habet. Quare necessum fuit, ut ei subueniretur inclinatione cordis, quod calidissimum est. Eandem sententiam amplexus fuit Plinius libro vndecimo Natura. historię, capite. trigesimo septimo: Fernelius in libro de Partibus humani corporis, cap. 7. & Auicenna 1. 1. tertij. 1. additque oportuisse cor cedere hepatis, ne si hepatis, & cordis calor eodem conspirarent, dextrum latus plus nimio recalesceret. Idem consitmat pulsatio cordis, quæ infra læuam papillam deprehenditur. Quod certè argumento est illuc cordis substantiam propendere. Galenus tamen libro 6. de Vsu partium, capite 7. alique nonnulli affirmant cor in medio thoracis sinu secundum omnes dimensiones ad æquilibrium sedem habere: idque anathomicæ artis obseruatione comper- tum esse inquirunt. Quod si ita est, danda venia est Aristoteli, quia nondum eius ætate membrorum dissectio vige- bat. Porro cur natura partem dextram potissimum in homine calidiorē fecerit, causa fuit, ut motum commodius, atque expeditius administraret; oportet enim in motu alteram partem, videlicet læuam quasi quiescere, ut ea membrorum agitatio quodammodo suffulciatur; alteram verò, hoc est dextram, motum ipsum actiue exequi: proindeque necesse est hanc vberiori caloris copia affluere; quandoquidem calor, ut diximus, primum instrumentum est omnium vitalium actionum ad corpus attentum. Plus vero eget homo calore dextri lateris, quàm cætera animalia, quia homo ad plura munia, utpote ad artes omnes exercendas, ad pingendum, scribendum, texendum, aliæque id genus dexteræ motionem adhibet: reliqua animantia solum fere progressionis motum obeunt: proindeque non tam conspicuam caloris imparitatem exiunt.

Quod ad cordis figuram, & compositionem attinet, ita de ea scripsit Aristoteles libro 1. de Historia animalium, capite 17. Omnibus tam pectore constitutis, quàm eo carentibus cor aequo mucrone in partem vergit priorem. Verùm latere sepius potest, quoniam dissecto animante dimoueat. At parte sua ampliori, & gibba superiora corporis spectat: parte extrema in acutum se colligit, exique pene in mucronem. Flabet etiam sinum triplicem: maximum in dextro latere, minimum in sinistro, medium magnitudine inter sinistram, & dextram. His similia scripsit Plinius libro 11. Natur. histor. capite 37. Cor, inquit, animalibus cæteris in medio pectore est: hominis tantum infra læuam papillam turbinato mucrone in priora eminens. Huic precipuus calor. Palpitat certè & quasi alterum mouetur animal, intra premolli, firmoque opertum membrane inuolucro, munito costarum, & pectoris muro, ut par erat, precipuam vitæ causam, & originem. Prima domicilia intra se animo, & sanguini præbet, sinuoso specu, & in magnis animalibus triplici, in nullo non gemino.

GALENVS libro 6. de Vsu partium capite 7. docet cor & si ro-

Plinius.
Auicenna.

Galenus.

Dyamobro
pars dextra
in homine ca-
lidior.

Cordis figu-
ra.

Triplex sinus
cordis in do-
ctrina Arist.

Galenus.

tundam habeat effigiem, non tamen esse, vsquequaque rotundum, sed ab ampla, & orbiculari superna basi, quod caput eius vocant, exorsum inde paulatim gracilescere, ac ima parte in angustum; acutumque desinere, quo loco istiusmodi figuræ causas inquirat. Potiores autem videntur esse, quia figura rotunda, quæ nobilissima habetur, decet nobilissimum membrum. Item quia rotunditas iuuat ad capacitatem, quæ cordi ad recipiendum sanguinem, spiritusque formandos necessaria est. Angularis autem figura, quæ in turbinato cordis mucrone cernitur, facit ad concoctionem, quia calor cuspidis angustis pressus maiorem habet acrimoniam.

Cordis mucro.

De cordis ventriculis.

CIRCA id tamen, quod ex Aristotele de cordis ventriculis paulò ante retulimus; tam Galenus, quàm alij recentiores medici anatomicis obseruationibus innixi, non triplicem, vt Aristoteles, sed geminum tantum in nostro corde ventriculum agnoscunt, ad læuam, vnum, ad dextram, alterum. Aiuntque contra Aristotelem 3. de Partibus animalium capite 5. sinistrum ventriculum multo esse præstantiorem dextro. Quod probant, quia sinister ventriculus est officina spirituum vitalium, siquidem multo purior, defæcator, & calidior in eo sanguis deprehenditur, vnde & illum natura, vt vitæ magis necessarium, duplici membrana contextit. Facit etiam pro hac sententia, quod ij, qui venena hauserunt, multo maiorem noxam in læuo sinu experti sunt. Continetur autem in dextro ventriculo sanguis, quem cor ad pulmonem, vt ei singulari & quasi regia munificentia in nutrimentum cedat, transmittit, rependens videlicet ei mutuam gratiam pro spiritu, quem ab ipso recipit, vt Galenus libro 6. de Vsu partium, cap. 10. annotauit.

Cur pulmonibus gratia rependat.

Quamobrem cor vitæ fons dicatur.

CAPVT V.



VONTIAM vitæ, vt superius diximus, in calido, & humido consistit, humidum verò à calido continenter absimitur, non aliter quàm à flamma oleum, prouidit natura quo pacto tam calidi, quàm humidi dispendia resarciri possent, alioqui breuissimo tempore animalium vitæ exstingueretur. Igitur ad restaurandum humidum instituit alimenti haustum, cibique in viuientis substantiam conuersionem: succedit enim loco humidi primigenij, quod radicale vocant, humidum alimentitium, vt in 1. de Ortu, & interitu exponemus.

Quo pacto inflauetur humidum.

Quo modo visciatur calor.

AD calorem verò seruandum, resciciendumque oportuit, vt Aristoteles 3. de Partibus animalium cap. 7. & Galenus in libro de Formatione fœtus aiunt, locum in animali esse aliquem veluti focum

focus, qui naturæ fomites, & primordia ignis natiui contineret fouerétque, & eundem tutum esse, veluti arcem corporis totius: hic autem locus cor est: habet enim cor insitum à natura calorem, cuius opera quandam sanguinis portionem sibi à iecore transmissam exactius decoquit, & in vitales spiritus attenuat, quorum vehiculo in omnes partes corporis quasi subsidio calorem mittit, quo membra omnia seruantur, ac fouentur vitæque munia exercent. Ideoque Aristoteles lib. 5. de Generatione animalium cap. 8. spiritum comparat artium instrumentis, per quæ artificiosa opera conficiuntur. Quin & ipsum hepar ad elaborandum sanguinem influentis à corde caloris adminiculo non parum iuuatur. Eademque communi beneficentia fruitur cerebrum: quandoquidem à corde recipit spiritus vitales, quorum præsentia innatam frigiditatem remittit, & ad animales functiones obeundas idoneum redditur: videlicet quemadmodum natura cum cerneret terrestria corpora Solis luce calidiora reddenda esse, quàm suo pte ingenio sint, minus caloris stirpium, & animantium generi attribuit, quàm ad eorum vitam, & propagationem requireretur, vt ex nativo, & ascititio calore. quantum eis sat esset, compararetur: sic animantium corporibus tanto minus natiui caloris indidit, quantum affluxu cordis communicandum eis erat.

*De spiritibus
Aristot.*

Ex dictis patet quamobrem cor fons vitæ dicatur, videlicet quia ab eo, vt à fonte, vitales operationes dimanant. Vnde secundum placita Aristotelis 2. de Gener. animalium, cap. 4. cor primo viuit, postremo interit, quasi vitæ & animæ primordium. Præterea docente eodem Aristotele libro 3. de Partibus animalium capite 4. & lib. 4. eiusdem operis cap. 2. & Plinio lib. 11. Natur. historiz, cap. 37. cor solum viscerum, atque omnino partium corporis, nullum graue vitium, aut noxam patitur: quia videlicet læsum mortem illico affert. Cum enim, inquit Aristoteles, principium corrumpitur, nihil est, quod cæteris, quæ inde pendent, præbere auxilium possit. Nullam vero noxam cor pati, argumento est, quod in hostiis cor ita affectum non inueniatur, vt in cæteris visceribus cernitur. Renes enim sæpenu-mero calculis, & pannis, & papulis referri inueniuntur, itémque iecur, & pulmo, ac potissimum lien.

*Cor quam ob
causam dica-
tur fons vitæ*

*Aristot.
Plin.*

ADVERTERE tamen dictum hoc Aristotelis non vniuersim pro vero accipiendum, sed ordinariè, & vt plurimum. Vt enim cætera omittamus exempla, constat inuentam aliquando fuisse ceruam, quæ sagittæ aculeum ex longo tempore cordi infixum gerebat. Lege Galenum lib. 5. de Locis affectis, capite 1. & Antonium Benedictum Italum 1. Admiran.

cap. 81. 83. 89.

*Cor ceruæ lō-
go tempore cū
aculeo.*

Quod

*Lege Aphro.
lib. 2. probat.
quasi 124.*

*Quod animi perturbationes à corde oriunda interdum
noxam corpori, mortemque afferant.*

CAPVT VI.



ON erit ab instituto alienum paucis explicare quonam modo animi affectus, seu perturbationes, ut ira, timor, gaudium, aliaque huiusmodi, quæ in corde sedem habent, vitæ noceant; ac nonnunquam mortem afferant. Aduertendum autem prius erit in hisce affectibus duo spectari posse: formale, & materiale. Formale est in ira, verbi gratia, appetitus vindictæ. Materiale est commotio, siue alteratio, quæ talem appetitionem comitatur: nam iis; qui ad iram concitantur, incalcescit, feruetque sanguis circa cor. Non disquirimus ergo in præsentem quam noxam inuehant corpori affectus animi quoad formalem suam rationem spectati: sed secundum id, quod in eis materiæ modum obtinet: sic enim duntaxat corpus immutare, & à nativo statu dimouere queunt.

*Formale &
materiale in
affectibus.*

*Animi affectus
qui ratione
corpori
noceant.*

Ira.

Timor.

Verecundia.

*De morte
Homeri.*

STATVENDVM in primis est animi affectus, si vehementes sint, & extra modum prodeuntes interdum morbos, ac mortem inferre, quod ut summatim dicamus, præstant nimia contractione, aut effusione spirituum vitalium. Calor enim spiritibus insidens cum nimium contrahitur, multa fuligine obrutus suffocatur, idemque nimium sparsus effluit, & euanesceat. Vt verò de aliquot ex hisce affectibus nonnihil dicamus. In primis ira, quia motus est, quo ad repetendam vindictam efferimur, calorem exulscitat, & ab intemis ad externas corporis partes euocat: quo fit ut irati vehementius incalcescant, cumque biliosum humorem concitent, & is insita leuitate in cerebrum euadat, accidit nonnunquam, ut irati rationis usus priuentur, fiântque inopes consilij. Ferunt tamen neminem vnquam ex iræ affectu obiisse mortem. Timor, ut est fuga impendentis mali, ita spiritus, & sanguinem fugam capessere, & ad interiora veluti ad arcem recipi cogit. Quo receptu, & quasi percussu vritur aliquando, & extinguitur nativus calor ac subita mors sequitur. Idem præstat aliquando verecundia, quæ species quædam timoris est, quo iacturam existimationis ob turpe factum, aut dictum formidamus. Sic Diodorus quidam Dialecticæ professor, quia lusoriam quæstionem ab Stilbone sibi propositam dissoluere non potuit, dolore pudoræque exanimatus cessit à vita, ut septima Natural. historiar. capite 53. testatur Plinius. Simile quid Homero accidit. Nam cum in Io insula ad litus piscatores rogasset, num quid haberent: illi verò hoc enigmate respondissent: Quæcunque cepimus, reliquimus, quæ non cepimus, habemus. Summi ingenij vir, quod horum dictorum perplexitatem explicare uequirit, pudore confectus

confectus diem obiit. Refertunt Plutarchus, & Herodotus in vita Homeri, Valerius lib. 9. cap. 11. Tristitia, quoniam ægritudo est

Tristitia

animum premens, calorem intus adigit, membra langore deficit, corpus enervat, & operationes magna ex parte impedit. Sed quia motus est lentus: aut mortis causa non est, aut ad eam non nisi lento gradu ducit. Tristitia animique tædio obiisse Aristotelem, quod physicam rationem, ob quam Euripus septies die, ac nocte reciprocatur, alicui non valeret scripsit Iustinus Martyr in sua parænesi, & Grægorius Nazianzenus in oratione prima contra Iulianum.

LÆTITIA sine gaudium, sicuti quædam animi iucunditas est, ita dum moderationem servat, spiritus vitales fouet, bonæque corporis habitudinem confirmat: si autem nimium, ac repente effundatur, nonnunquam ita spiritus laxat, & confertim dissipat, ut interitum subito afferat. Cuius rei cum non pauca suppetant exempla antiquitatis, nos pauca tantum in medium afferemus Nuntiata cladæ, quæ ad lacum Trasimenum Romanis acciderat, altera mater sospiti filio ad ipsam portam facta obuia nimio gaudio expiravit. Altera cum falso mortis filij nuntio mæsta domi sederet, ad primum redeuntis conspectum exanimis concidit, atque ita quam dolor non extinxerat, lætitia consumpsit. Refertur à Livio lib. 2. Decadis 3. à Plinio lib. 7. cap. 53. à Valerio Maximo libro nono, cap. 12. Philippides Comædiarum scriptor haud ignobilis, cum in poetarum certamine præter spem vicisset, effuseque gauderet, præ lætitiæ magnitudine repente mortuus est. Diagoras Rhodius cum tres filios adolescentes, vnum pugilem, alterum pancratiastem, tertium luctatorem eodem Olympiæ die simul coronatos videret, & eum tres adolescentes amplexi, coronis suis in caput patris impositis oscularentur, simulque gratulabundus populus flores undique in eum iaceret, tanti impotens gaudij spectante populo animam efflauit. Proditum à Gellio 3. Noct. Attic. lib. cap. 15.

De obitu Aristotelest.

Femina prænuntia lætitiæ mortuæ.

Livius, Valerius.

Diagoras.

Gellius.

Solutio problematum ad cor spectantium.

CAPVT VII.



NUNC aliquot problemata ad cordis, de quo supra egimus, considerationem pertinentia enodabimus. Primum sit. Estne verisimile id, quod ab Ægyptiis traditum scripsit Censorinus in libro de Natali die Romanorum, & Plinius lib. 11. Natur. Historiæ cap. 37. videlicet augeri cor per singulos annos in homine, ac binas drachmas ponderis ad quinquagesimum annum accedere: deinde tantundem ab eo detrahi, ideoque non viuere hominem ultra centesimum annum defectu cordis? R. Fictitium id planè videretur,

De cordis incremento, & decremento quorundam opinio.

Con. Comm. in parua Nat.

M

& à veritate alienum, cum neque anatomicæ obseruationis experientia, nec physica ratione, nec idonea Philosophantium auctoritate comprobetur.

2 S i cerebrum tanto est corde excellentius, quanto sentire & mouere præstat vitæ, id est, perfectè viuere, quàm simpliciter viuere; vnde & solæ cerebri functiones principes vocantur, cur Aristoteles 2. de Partibus animalium cap. 7. putat cerebrum gratia cordis duntaxat efformatum, nec aliud ei munus defert, quàm refrigerare cor? Resp. Aristoteles summum ius cordi tribuit, & in eo non solum vitalium, sed etiam naturalium, animaliumque functionum, non remotum & commune tantum, sed etiam proximimum principium constituit. Quare nihil mirum si cor cerebro vbique anteponat, & illud huius gratia efformatum putet. Verùm multo verisimilior habetur Medicorum & aliorum complurium sententia delegantium vim naturalem hepati, animalem cerebro, vitalem cordi, atque ita simpliciter anteponentium cordi cerebrum, spectata maiori excellentia animalium functionum, quæ à cerebro originem ducunt, vt à nobis in libris de Ortus, & interitu copiosè disputabitur. Nec videtur etiam probabile mutuari cor frigiditatem à cerebro, tum quia longa intercapedine ab eo distat, tum quia abundè ad id sufficit reciprocatio aëris ad pulmones attracti, & arteriarum pulsus.

3 S i cor in thorace medium obtinet, cur pars anterior corporis ei respondens calidior est, quàm posterior? R. Tum quia cor ob crassitudinem interiectotum osium, & musculorum, minus acriter recto operatur: tum quia à spinæ, & vertebrarum frigore eius actio retunditur. Adde quod licet cor simpliciter in medio situm sit, non nihil tamen cuspidè antrosum vergit.

4 C v r ea, quæ pro magnitudine suorum corporum grandius cor habent, vt lepores cerui, mures hyænæ, asini, pantheræ, mustellæ timidiora sunt? R. Quia exigua copia caloris, qui animositatis auctor est, in magno conceptaculo exolefcit, sitq; sanguis frigidior. Itaque vt in paruo & magno domicilio, idem ignis non æquè calefacit, sed minus in magno, sic in his calor non pariter agit. Aristoteles 3. de Partibus animalium cap. 4.

5 C v r ij. quibus pilosum, siue hirsutum cor fuit, insignem audaciam, & animi robur præ se tulere. Verbi gratia, præter alios, Leomides, qui, vt scribit Plutarchus in parallelis, factò in hostes impetu multis confossus telis ad Xerxem peruenit, eique coronam abstulit, quo mortuo Xerxes, cùm ei cor dissecuisset, pilosum inuenit? Responso. Quia huiusmodi homines præcalidi sunt, & fuliginosa recrementa è corde emittunt, quæ in pilos concrefcunt.

6 S i cor vitæ fons est, quo pacto veritati consonat, quod ait Aristoteles hoc in libro, insecta, & testudines auulso corde viuere? R. Quia vt docet idem Aristoteles libro 4. de partibus animal.

De hac re agemus ex professo in 1. de ortu & interitu.

Relinquitur sensus Aristotelis.

Cordis situs.

Virtus magis sparsa, minus potest.

animal cap. 6. istiusmodi animalia, sicuti imperfecta sunt, ita non vni tantum loco addictū habent vitæ principium, adeoque deimpro corde adhuc in eis relinquitur, quod vitalibus actionibus obeundis præsit.

7. CUR quemadmodum vitales spiritus in corde conficiuntur, non etiam animales in eodem efformantur? R. Quia vt spiritus ad animales functiones iuandas idonei sint, minus caloris habere debent, quàm in corde obtineant, ideoque ad cerebrum perferuntur, vt eius frigiditate calorem mitigent, animalisq̃ue euadant, sicuti dum ferrum aptant fabri ferrarij, igni primum, deinde aqua temperant.

Spiritus vitales, & animales.

*Dilutio problematum circa animi perturbationes,
quæ à corde oriuntur.*

CAPVT VIII.



UENIAMODVM secundum Peripateticam disciplinam tam irascendi, quàm cupiendi appetitus in corde sedem habet, vt alibi ostendimus, ita omnes animæ passionēs, quæ ab hoc gemino appetitu manant, in corde resident. Quare hinc sumpta occasione aliquorum problematum ad prædictos affectus spectantium declarationem, subiiciemus. Primum sit. Cum calor, seu potius sanguis, aut spiritus, quo calor quasi curru vehitur, pro affectuum diuersitate variè cieatur, & modò in hanc, modò in illam partem excurrat, (siquidem tristitia virgente ad cor, verecundia ad faciem, gaudio ad cutem defertur.) Quænam putanda erit efficiens causa huiusce motionis, præsertim cum spiritus, & omnino reliquis sanguis, anima cateat? R. Mouentur spiritus, & sanguis impulsu animæ, quæ ipsos, prout necessitas exigit, huc illuc citra omnem deliberationem naturali instinctu agitat, quod præstat interuentu facultatum motricium, attrahentium, expellentium-ve.

Uterque appetitus sensitivus residet in corde.

2. CUR timentes expallescent? R. Quia anima, vt vitæ consular, sanguinem, & spiritus, custodiæ gratia, ad penitiora euocat, & contrahit: sanguis verò est, qui corpori floridum, & roseum colorem spargit. Eadeniq̃ue causa est cur, qui metuunt, tremunt: cum enim calor sanguini, & spiritibus insidens membra, nervosq̃ue sustineat, & tueatur, consequens est, vt partes corporis calore defectæ ægrè fulcire se possint, atq̃ue ita vacillent: tremunt verò manibus, & labris, maximè inferiori, quia ex partes, vt minus habent sanguinis, ita faciliùs inalgescunt. Accedit quod imum labrum magis pendulum est sicq̃ue plus indiget caloris adminiculo, quàm superius, ac proinde faciliùs laxatur & quitur.

Sanguis colorem floridum spargit membris.

3. SI tremor oritur ex caloris defectu, & timor calorem ad

interiora reuocat, cur pauore affectis cor tremat? Respons. Quia timor etsi calorem interiùs adigat, non eum ad cor, sed ad inferiores partes compellit. Etenim in metuentibus crassescunt, fiuntque grauiores spiritus frigore, quod parit imaginario defectus ad resistendum imminenti malo, vt D. Thomas 1.2. quæst. 44. art. 1. edisserit.

4 C V R iis, quos subitus timor petculit, capilli horrent? Vnde illud nobilis poetæ. *Obstupui, steteruntque comæ, & vix faucibus hæsi.* R. Quia frigiditas, quæ calori in viscera præ metu fugienti succedit, spiracula euertit, & capillos stringit, qui pressi, strictique sursum eriguntur. Similiter obtremir vox, hæretque metu consternatis, quia formandæ vocis instrumenta calore destituta præstare officium nequeunt.

Virg. libro 3.
v. 57.

Situs quid.
Pudor species
timoris.

5 C V R metuentes suis inuadit vt patet in iis qui dicendo contrubantur: siccire enim vehementer consueuerunt. Itaque labra eluunt, & nonnihil subsor bent. Idem etiam liquet in iis qui prælio victi fugam arripere. Namque graui siti se tunc fuisse oppressos confitentur. R. Quia collecto introrsus calore ardent viscera, humidumque absumitur, ex quo sequitur frigidi, & humidi appetitio, quæ est sitis.

D. Thom.

6 C V M pudor species timoris sit, definiturque à Philosophis metus iustæ reprehensionis, cum rursus timor contrahat, & in oculum demergat, quonam modo pudor sanguinem diffundit, & faciem tingit ac rubefacit? Respons. Hæc difficultatem proposuit, sed insoluram reliquit Gellius libro 19. Noct. Attic. capir. 6. Eam tamen explicuit D. Thomas in 1.2. quæst. 44. art. 1. in hunc fere modum. Cum se nobis obiciunt pericula, quæ non solum appetitui animali, sed etiam naturæ aduersantur, cuiusmodi est mortis discrimen: in tali metu non solum accedit contractio ex parte appetitus; sed etiam ex parte naturæ corporalis; proindeque reuocatur introrsus calor (de hoc timore paulò ante locuti fuimus.) Malum autem, quod verecundia extimescit, non opponitur naturæ, sed appetitui animali; ideoque fit tunc contractio secundum animale appetitum, non secundum naturam corporalem, hoc est, refugit quidem appetitus obiectum pudoris, non tamen natura introrsum fugit ad se tuendum, cum id naturæ non sit aduersarium saltem directò; ideoque pudefactis diffunditur ad exteriora sanguis. Addit Macrobius, libro sexto. Saturn. capite vndecimo. Naturam pudore tactam ita sanguinem ante se pro velo tendere, vt videmus eum, qui erubescit, manum sibi ante faciem frequenter opponere. Fracastorius in libro de Sympt. & Antip. capite 12. ait quia verecundia versatur circa defectum proprium in præsentia alterius, ideo fieri motum sanguinis & caloris ad eas partes, quæ maximè laborant: laborat autem maximè facies in præsentia alterius, qui nostros defectus iudicat.

Macrobius.

7 C V R apud veteres philosophos in prouerbiū abierat iram non habere, qui mentem non habeant? R. Duplex est ira, altera illiberalis, conrumaciſque naturæ ſignum, quæ tendit ad odium, ad ultionem, ad contumeliam, & occaſiones nocendi quaerit, ac tempora. Altera, quam fortitudinis cotem dicunt, quæ ſopitos animos erigit & ad rem gerendam exuſcitatur, quæ ex animo mollitiem, languorem, hebetudinēq; omnem exterminat. atque ad virtutem, & ad decus capeſſendum calcaria admonet. Non priorem iram, ſed poſteriotem commendabat verus illa philoſophantium patzemia.

*Duplex ira.**ira cor ſeru-
tudine*

8. C V R vetecundia in adoleſcentibus ingenui animi ſignum habetur? R. Quia indicat curam defectus, qui timetur cuius proinde corrigendi ſpes eſt. Vnde qui attogantes ſunt, cæterōſque contemnunt, nec ſcelerum & propriorum defectuum curam habent, impudentes, & inuerecundi eſſe conſueuerunt.

*Vetecundia
ſignum inge-
nuum animi.*

9 C V R capri oculis pleruntque longè abſunt à vetecundia? R. Quia vt ex dictis conſtat, eorum nos pudet, quæ in propatulo ſunt & quæ exiſtimamus nō probari iis, quos videmus, & quorum auctoritatē extimeſcimus. Vnde, vt reſert Athenæus lib. 1. pudor in oculis eſſe dicitur. Quo reſpexit Socrates apud Platonem in Phædro, vbi de amore dicturus oculos tegit.

*Pudor in o-
culis.*

10 C V R vehementer irascentibus oculi tuſeſcunt? R. Quia excitato ad cor feruore; ſanguis tenuior in caput effertur, & ad oculos, in quibus, quia pellucidi ſunt, vapores ſanguinei facilè apparent.

11 C V R triſtitia, ſeu dolor; & voluptas comites iræ ſunt, vt docet Ariſtoteles 7. Ethicorum cap. 6. R. Comitatur iram dolor, quia ira oritur ex accepta iniuria, aliōve damno, cuius memoria dolorē facit. Sed altera ex patte naſcitur voluptas quatenus illata vindicta, eiūſve inferendæ præmeditatio, iucunda eſt.

12 Q V I N A M ſuoſte ingenio andaces ſunt? R. Qui multo ſanguine, & ſpiritu abundant atque adedò natura calidi exiſtunt. Namque in his anima ſtrenuè operatur, & reſiſtit, & in peticulis. & ſi portio ſanguinis, & ſpiritus in interiora ſe condat. bona tamen pars loco manet. Quare nec expalleſcunt, nec tremunt, vt alij. Quod ſi ante pugnam aliūdve periculum, id faciant, mox animos aſſumunt, & timorem caſtigant. E contrario natura frigidi, & exangues, timidi ſunt, vt ſenes, ſcæminæ, & melancholicorum genus.

Andaces quo.

13 C V R nimium audaces, initio, ante pericula promptiores ſunt, in iſſis verò periculis timent, ac nonnunquam pedem reſerunt? R. Quia cum rei, quam aggrediuntur, difficultatem & magnitudinem non ante expendant, & omnia proſperè ſibi ceſſura conſidant, initio præcipites feruntur, poſtea in ipſo congreſſu, inopinata periculi magnitudine deſiciunt, & intimidatam recidunt. Secus iis accidit, qui vera animi fortitudine com-

*Audaces ini-
tio præcipites,
poſtea timidi.*

muniti sunt. Nam cum se, suasque res & actiones expendant, nec quicquam ultra, quam vires & recta ratio exigit, continentur; nihil eis improvisum accidit, cumque honestatis & decoris obtinendi ergo, sese in discrimen inferant, virtutis ardore incitatio coepta persequuntur.

Quæ dolor & tristitiam leuant.

14. C V R dolor, seu tristitia fletu, contemplatione, somno mitigatur? R. Doloris acerbitas fletu mitescit, quia strangulat inclusus dolor atque exæstuat intus, cogitur & vires multiplicare suas: fletu autem diffunditur malum ad exteriora: & animi intentio quodammodo dissipatur, atque ita dolor, vel omnino, vel ex parte deponitur. Accedit quod ea operatio, quæ affectioni, & statui præsentī congrua, & accommodata est, propter conuenientiam, delectationem parit: homini autem tristitia affecto nihil magis consentaneum, & cognatum, quam fletus. Minuitur etiam tristitia cōtemplatione, & somno, tum quia hæc duo valde iucunda homini sunt, iucūditas verò tristitiæ aduersatur, eamque pellit: tum quia hæc cogitationem auocant à consideratione rerum, quæ tristitia peperere.

Cōtemplatio tristitiam minuit.

15. C V R tam dolor, quam lætitia lachrymas excutunt? R. Quia dolor auocato intus calore meatus stringit, qui humorem oculis contentum exprimit. At lætitia diffuso calore meatus laxat quibus similiter oculorum humor egreditur. Sed cur lachrymæ quas dolor fundit, calidæ, quas lætitia, frigidæ sentiuntur? Nimirum quia dolor genas, quibus lachrymæ fluunt, frigidæ reddit, collecto intus calore: gaudium easdem calidas efficit calore ad cutem diffuso, unde calidæ genæ frigidæ sentiunt lachrymas, frigidæ calidas: quia vnumquodque à suo contrario dignoscitur: & lachrymæ comparatione vnius subiecti calidæ sunt, comparatione alterius, frigidæ.

De lachrymis.

16. C V R qui gaudent ruborem ad cutem fundunt? R. Quia anima appulsa rei iucundæ spiritus, sanguinemque refundit; & ut Alexander 1. lib. problem. quæst. 13. ait. *Natura sponte rei occurrat quæ grata extrinsecus accessit: quemadmodum nos amicis, obuiam vltro procedimus.*

Vide Cōlib. 12 c. 3. & 4.

Similitudo causa amoris.

17. S I similitudo beneuolentiam conciliat, ac mater amoris dicitur: unde Aristoteles 8. Ethic. cap. 1. ait simile appetere simile, & 2. Rhetoric. lib. cap. 11. recensens quæ quibus sint iucunda, scribit, ut plurimum ea natura sese delectari, quæ genere sint coniuncta, aut similia, ut hominem homine, equum equo, adolescentem adolescente: si inquam ita res haber, cur qui eandem artem proficiuntur, eiusdemque rei studio cognati, ac similes existunt, non raro mutuis sese odiis impetunt: unde prouerbium: *figulus figulum odit: Faber fabro inuidet?* R. Quia beneuolentiam quam artis similitudo conciliare deberet, in rixas conuertit, honoris, & pecuniæ æmulatio: ob idque in Symposiis Plutarchus vetat Sophistas, poetas, cantores, & id genus hominum,

Figulus cur figulum odit.

ad conuiuia iungi, ne quid oriatur rixæ.

18 QVAMOBREM interdum amantes amentes fiunt? R. Tum ob alias causas: tum quia vehemens, & assidua cogitatio rei erga quam afficiuntur, spiritus in cerebrum euocat, & calore iis aduecto cerebrum, atq; internorum sensuum officinas vltra modum accendit earumque temperiem dissoluit, qua dissoluta nequeunt potentia suis muneribus ritè ac rectè fungi.

*Amantes
amentes.*

IN LIBRVM DE LONGITVDINE, ET BREUITATE VITÆ.

Quenam diuturnioris, & breuioris vitæ causæ sint.

CAPVT I.



VE MADMODVM vita in calido, & humido consistit, vt fuit à nobis superius explicatum: ita causa lōgioris zui in hisce duobus optimè temperati, idoneamq; inter se proportionem habentibus sita est, & è conuerso causa vitæ breuioris in eisdem parum aprè commistis. Consentitur verò hæc optimè temperata, cum humidum illud, quod æreum & tenax, ac bene cohærens esse oportet, haud nimis præualet, alioqui calorem obrundet, & extinguet, non secus, ac oleum sese effundens ellychnij flammam abolet. Item cum calor non ita excellit, & dominatur, vt humidū sua voracitate citius, quam par est, depascat, & absumat. Opus est etiam vt humidum non multa excrementa, aut peregrinæ materiæ admixtionem in se cohibeat. Vt enim flamma olei sæce depasta, tetrica, & molesta est: sic naturæ munia à nativo calore orta, si calor turbido, & excrementitio humido alatur, obscura sunt, imperfecta, morbida parumque diuturna.

*De tempera-
tione calida
& humida.*

SE D præter dictam humidi, & calidi temperationem, ac symmetriam, aliæ quoque sunt extrinsecus aduenientes causæ, quæ ad vitæ diuturnitatem, & breuitatem non parum conferunt. In primis cœlestium corporum influxus syderumque aspectus, & irradiatio, tam ea quam quisque in genitura & ortu suo habuit, quàm quæ ad regionem, in qua versatur, pertinet. Cum enim mundus hic inferior, vt 1. Meteor. cap. 1. Aristoteles ait, supernis lationibus obnoxius sit, ab iisque regatur, non dubium, quin viuenda pro ratione aspectum, nunc beneficam qualitatem ad

*Cœlestium
fuerunt.*

Aristot.

Plin.
vita durior
est.

Solinus.

FACIT quoque ad id soli, & regionis bonitas, aut inclementia, teste Aristotele 4. de Generat. animalium cap. ultimo, siquidem hæc corpus assidue alterant, ac permutant, & nonnunquam eius substantiam nimio æstu dissipant, nunc frigore atefaciunt, & congelant. Propter cæli, soli; seu uorē in ea Indiæ parte, quam Onor vocant, indigenas longæuos, & integra valetudine esse perhibent, ita ut alij ad vigesimum supra centesimum annum cruda, viridi; senectæ perueniant, alij etiam multo diutiùs uiuant. Item in quadam Indiæ plaga narrat Plinius lib. 7. cap. 2. homines non expuere, non capitis, aut dentium, aut oculorum, rarè aliarum corporis partium dolore affici. Præterea gentem, quæ Pandore dicebatur, in conuallibus firam annos ducentos uiuere solitam, in iuuenta candido capillo, in senectute nigro. Ad hæc in fastigio montis Athi scribit Solinus cap. 21. oppidum fuisse Achrotum nomine, in quo dimidio longior, quàm in aliis regionibus incoletium vita protogaretur.

A D idem multum habet momenti ratio victus: si enim is temperatus sit, materiæ dilabentis fluxum commodè refarcit, vitamque seruat, & promouet: si modum excedat, alendi vires labefactat. Quod quotidiana docet experientia. Multi enim, etiam infirma valetudine temperantiæ beneficio diutiùs uiuunt: multi sibi nimium indulgentes, ciborum, & potuum nimietate immaturè cedunt. His adde multa esse ciborum genera, quorum alij suapte vi corporibus detrimunt, & morbos afferunt, alij valetudinem tuentur. Lege Pluarchum in orationibus de esu carniū & in tractatu de præceptis bonæ valetudinis. Tandem solent vitam minuere labores intempestiui, animi perturbationes, profusæ corporis voluptates, frequentes curæ, assiduus mœror, cæteraque id genus, quæ aut natium calorem dissipant, aut coactum præfocant.

P O R R O & si non vniuersim, frequentius tamen accidit, ut longiori vita fruantur animalia, quæ grandiora sunt, & sanguine prædita, & terrestria, quàm minora & exangua: quæq; in aquis degunt. Ut plurimum etiam diuturniora sunt quæ in calidis, quàm quæ in frigidis locis incolunt, & mares quàm feminae, ut docet Aristoteles cap. 2. huius libri. Et verò quædam ex animantibus insignem vitæ breuitatē sortiuntur. Nam verbi gratia apud Hypanim fluium in Ponto circa Solstitium oritur voluere quadupes, quod ultra diem non superest, unde Hemerobion vocatur, teste Plinio lib. 11. cap. 36. & ante Plinium Aristot. lib. 5. de Natura animalium, cap. 19. Alia præ cæteris longæua sunt, ut cetui, & elephant, quippe ceruos post centum annos uiuere deprehensum est aliquibus captis cum aureis torquibus, quos Alexander Magnus apponi iusserat, ut refert etiam Plinius lib. 8. cap. 32. Elephantos vero ducentis annis, & quosdam trecentis superstites esse affirmat Aristot. lib. 8. de Histor. animalium, cap. 9.

Q U O D

QVOD ad arbores attinet longo æuo durant, & ultra ducentimum annum olea, oleaster, cupressus, platanus, ilex, palma: & vt plurimum quæ natura tardè crescunt prolixè viuunt. Quæ vero celeriter adolefcunt, cito occidunt, vt ficus, prunus, malus, myrtus, salix. Item aquaticæ celerius emoriuntur, præfæcundæ senescunt citius, odoratæ, & quarum crispa materies est, viuaciores sunt.

CAPVT II.

Solutio problematum ad diuturnitatem breuitatēque vitæ pertinentium.



EQVITVR explicatio problematum, quæ ex proximè dictis oriuntur. Primum sit. Si humidi copia longioris vitæ causa est, cur homines præcipiti ætate, cum iam ad moriendum vicini sunt, humore sciant, vnde & frequentius excreant, & hasmate infestantur? R. Hi non aëreo, & vitali humido conspersi sunt: sed aqueo, & excrementitio, quod natiuum calorem interimit.

2. CVR humidum innatum beneficio humidi nutrimentitij non poterit ex æquo resarciri, atque in multa secula hominum vita prorogari? R. Semper id, quod in locum innati humidi reponitur deterius est, habetque se ad illud vt i aqua ad vinū, quod sui permixtione decolorat, & debilitat. Videlicet tribuit natura in primo ortu humidum longè melius, quàm vel artis industria, vel ciborum exquisita bonitate ascesci queat, quasi propria præstantissimi humidi officina sit maternus vterus eiusque natiua materia, illa quæ viuientis formam primò excipit. Itaque ætatis progressu semper humidum illud primigenium, hoc est à vitæ primordiis insitum degenerat: præsertim cum & alimentū quantumuis salubre sit, & aliæ causæ externæ ipsum continenter oppugnent, & à primæua temperie deiectum assiduè carpant, vt in libris de ortu, & interitu pluribus exponemus.

QVODNAM è quatuor temperamentis ad vitæ diuturnitatem aptius est? R. Quod obtinent ij quibus sanguinea completio inest: hæc enim optimam calidi, & humidi permixtionem sortitur, cum in cæteris aliis qualiratum permixtio ad prorogandam vitam minus commoda cernatur, vt calor, & siccitas in tem-

Nequit humidum innatum aequali bonitate resarciri.

Temperamentum quatuor.

inualidum esse, quia minus sit respirationibus opportunum, profundéque facîle putrefactum iri cum sua natura humidum sit. Nam & reliqua etiam dum non moventur & torpent, neque exhalant, facîle vitium contrahunt, & tabescunt. His adde dentes raros, materię imbecillitatem, aut paucitatem arguere, quod debilitatis naturę argumentum est.

§ Cur bibones, & qui se frequenter vino ingurgitant mortem sibi accelerant? R. Quia ascititio calore humidum primigenium celeriter absumunt ipsũque natium calorem evanescenteius pabulo dissipant. Secus accidit iis, qui moderato vtuntur vino, quo nativus calor iuuatur, & ciborum decoctio promovetur. Plato tamen 2. de legibus omnino vetat, ne adolescentēs ad annum vsque duodeuigesimum, vinum bibant, & rectè quidem, ne si vini calor ad feruorem ætatis accesserit, ignem igni addant.

*

F I N I S.



I N D E X

CAPITV M. QVÆ
CONTINENTVR IN
COMMENTARIIS LIBRORVM
ARISTOTELIS, QVOS PARVA
NATVRALIA APPELLANT.



In librum de memoria, & re-
miniscentia.



Caput 1. Quid, & quodplex sit
memoria. pag. 3.

Caput 2. Disputatur num memo-
ria intellectuina propriè memoria sit,
an non. pag. 4

Caput 3. Memoriam intellectuina non
esse facultatem re, aut essentia ab in-
tellectu distinctam. pag. 6

Caput 4. Memoriam sensitiuam conuenire
etiam brutis, licet non omnibus. pag. 8

Caput 5. Non esse negandum competere
piscibus memoriam. pag. 9

Caput 6. De organo memoriæ sensitiuæ.
pag. 11

Caput 7. De actu memorandi, & remini-
scendi. pag. 11

Caput 8. De vtilitate memoriæ, eiusque
admiranda, & abstrusa vi. pag. 13

Caput. 2. Quo pacto somnus fiat. pag. 21

Caput 3. Finalis causa somni, eiusque mul-
triplex vtilitas, si moderatus sit: incō-
moda, si immoderatus. pag. 25

Caput 4. Quod somnus omnibus anima-
libus competat, & num ab eo, an à vi-
gilia vitam auspicemur. pag. 26

Caput 5. Non fuisse à statu innocentia
ablegandum somnum. pag. 27

Caput 6. Quomodo animal expergiscatur,
& à somno cesset. pag. 28

Caput 7. De iis, qui dormientes obambu-
lant. pag. 29

Caput 8. quid causæ esse videatur, cur
galli stato noctis tempore expergiscant,
& canant. pag. 31.

Caput 9. Solutio problematum, quæ ad
somnum pertinent. pag. 32

In librum de Somniis.

Caput 1. quid sit somnus, & quo-

I N D E X.

Caput 5. De somnijs, quæ naturalia & animalia nuncupantur. pag. 43

Caput 6. Problematum ad somnia pertinentium diffusio. pag. 44

In librum de Diuinatione per somnum.

Caput 1. Diuersa veterum philosophorum placita de Diuinatione per somnum. pag. 48

Caput 2. Aristotelis sententia. pag. 50

Caput 3. Quousque somniorum præfagia auscultanda sint. pag. 51

Cap. 4. Explicatio problematum ad somniorum præfagia spectantium. pag. 53

In librum de Respiratione.

Caput 1. De causa efficiente respirationis, & quo pacto respiratio fiat. pag. 55

Caput 2. Enucleatius explicatur quamam vi pulmones moueantur. pag. 56

Caput 3. De fine respirationis. pag. 58

Caput 4. Quibus animantibus respiratio conueniat. pag. 60

Caput 5. Opinio existimantium omnes in vniuersum pisces respirare, eiusque impugnatio. pag. 61

Caput 6. Quo pacto inter se conueniant & disideant cordis, arteriarumque motus & respiratio. pag. 63

Caput 7. Solutio problematum ad ea, quæ proximis disceptationibus conclusa sunt pertinentium. pag. 65

In librum de Iuuentute, & senectute.

Caput 1. Varia ætatum discrimina. pag. 68

Caput 2. Ætatum consideratio secundum

astrologos, Pythagoram aliisque philosophos. pag. 69

Caput 3. Diffusio problematum ad hominum ætates spectantium. pag. 70

Caput 4. De dentibus, quæ sit eorum materia, ortus, finis, varietas. pag. 73

Caput 5. Solutio problematum, quæ ad dentes pertinent. pag. 75

Caput 6. De capillis, quæ sit eorum materia, ortus, finis. pag. 76

Caput 7. De capillorum varietate. pag. 77

Caput 8. De caluitio & canitie. pag. 78

Caput 9. Dilutio problematum ad capillos spectantium. pag. 80

In librum de Vita, & Morte.

Caput 1. Quidnam sit vita. pag. 81

Caput 2. Frigus non concurrere per se ad actiones vitæ. pag. 82

Caput 3. Quid sit mors, quibus causis accidat, & quæ eius sint genera. pag. 83

Caput 4. De situ & figura cordis, quod vitæ fons dicitur. pag. 84

Caput 5. Quamobrem cor vitæ fons dicatur. pag. 86

Caput 6. Quod animi perturbationes à corde oriundæ, interdum noxam corpori, mortemque asserant. pag. 88

Caput 7. Solutio problematum ad cor spectantium. pag. 89

Caput 8. Dilutio problematum circa animi perturbationes, quæ à corde oriuntur. pag. 91

In librum de Longitudine & breuitate vitæ.

Caput 1. Quenam diuturnioris & breuioris vitæ causæ sint. pag. 95

Caput 2. Solutio problematum ad diuturnitatem, breuitatemque vitæ pertinentium. pag. 97

I N D E X

I N D E X

P R Æ C I P V A R V M

R E R V M, Q V A E I N H O C

O P E R E P A R V O R V M N A-

T V R A L I V M C O N T I N E N T V R,
in quo numerus paginam indicat: P, prin-
cipium: M, medium: F, finem.

Ætas.

Etatum varia discrimina. pag. 80 m
pag. 68 p.
 Ætatum consideratio secundū
 Astrologos, Pythagoram, & alios.
 pag. 69 m
 Ætatum curricula nō omnes eodem ter-
 mino concludunt. pag. 68 m
 Quare infantes, iuvenes, &c.

Anima.

Anima separata reminiscitur eo-
 rum, quæ in vita gessit. pag. 4 p
 Anima separata quo pacto recordetur
 singularium. pag. 5 f
 Animæ separatæ infunduntur à Deo spe-
 cies in abcessu à corpore. pag. 5 f
 Animæ nostræ ut sit impressa imago
 Trinitatis. pag. 7 p

Animal.

Animalia aquatilia deterioris notæ,
 quàm terrestria. pag. 9 p. m
 Cur animalium creationem ab aquatilibus
 Deus inchoauit. ibid.
 Quæ animalia sin vitæ diuturnioris.
 pag. 26 m
 Ex animalibus calidissima esse aquatilia
 non rectè ab Empedocle dictum. p. 9 f
 Singulis animantium speciebus peculiaris

Qui noctis vnius spatio totus incanuit.

Caluitij causa. pag. 79 p
Cur non omnes caluescunt. pag. 72 m
 Capillus.

Capillorum materia. pag. 77 p
 Capillorum generatio. ibid.
 Capillorum utilitas. pag. 77 p
 Capillorum varij colores vnde. pag. 77 f
 Capillorum diuersitas. pag. 78 p

Cerebrum.

Cerebrū calidūne sit, an frigidum.
pag. 3 p
 In Cerebro sensus communis residet, non
 in corde, ut visū est Aristoteli. p. 21 f
 E cerebro spiritus animales in externos
 sensus illabuntur. ibid.
 Cerebrum maius, quàm cæteris animan-
 tibus, datum homini pro magnitudine
 sui corporis. pag. 27 p
 De cerebri frigidityte sententia Aristoteli.
pag. 32 p
 In cerebro quo pacto vapores addensentur.
ibidem.

Cor vitæ fons. pag. 87 p
 Cordi quantum detulerit Aristoteles.
pag. 40 m
 Cordis motus. pag. 63 f
 Cordis motus similis conuersioni cælesti.

Cor exemptum, cur aliquando pulset. pag. 66. *p*

Cordi facultas vitalis, cerebro animalis, hepatis naturalis delegata est. p. 90. *m*

Cor non aliquod graue vitium aut noxam pati possit. pag. 45. *m*

Cor Græci habentia, cur timidiore. p. 90. *m*

Quibus hirsutum & pilosum cor est, cur audaciores. pag. 90. *m*

In corde residet appetitus concupiscentiæ, & ira. pag. 91. *m*

Cordis situs. pag. 85. *p*

Cordis figura. pag. 85. *m*

Cordis triplex sinus apud Aristotelem. pag. 85. *f*

Cordis mucus. pag. 86. *p*

Cor pulmonibus gratiam repēit. p. 86. *p*

Dilutio multorum problematum circa animi perturbationes, quæ à corde oriuntur. pag. 91. *m*

Dentes.

Dentium materia. pag. 73. *f*

Dētes tota fere vita crescūt. p. 73. *f*

Dentium ortus. pag. 74. *p*

Dentium numerus. pag. 74. *p*

Dentium diuersitas. ibidem.

Dentium finalis causa. pag. 74. *f*

Dentium putredo. pag. 75. *m*

Dentes Aethiopum, cur candidi. pag. 75. *f*

Dentium raritas breuioris vitæ signū. 97. *f*

Infantes, & pueri.

Infantium ætas. pag. 69. *p*

Pueri cur parum memores. pag. 15. *f*

Pueris infantibus num somnia accidunt. pag. 47. *p*

Pueri maturius sapientes cur aut diu non viuunt, aut postea minus prudentes euadant. pag. 71. *m*

Cur infantes glabri. pag. 80. *p*

Iuuentus, & iuuenes.

Iuuentus quo anno terminetur. p. 69. *p*

Iuuentus cui planetæ secundum Astrologos subiciatur. pag. 69. *f*

Iuuentus ætati similis. pag. 70. *p*

Iuuentutis robur num primi parentes esu fructuum vitalis arboris perpetuò retinere possint. pag. 71. *f*

Iuuenes cur melioris sint memoria, quàm pueri & senes. pag. 19. *f*

Memoria.

Memoria tribus modis accipi. p. 3. *p*

Memoria sensitua. pag. 3. *m*

Memoria intellectua. pag. 3. *f*

Memoriam intellectuam dari quibus argumentis constat. pag. 4. *p*

Memoria intellectuam num propriè memoria appellanda sit. pag. 4. *m*

Memoriae sensitua organum, posterior cerebri ventriculus. pag. 3. *f* & 11. *p*

Memoriae organum quod temperamētum exigit. pag. 7. *m*

A memoria oriri intelligentiam quo sensu D. Augustinus pronuntiat. p. 8. *p*

Memoria sensitua, quibus brutis conueniat, quibus non. pag. 8. *m*

Memoriam competere muscis. pag. 9. *p*

Memoriam inesse piscibus, quæ indicia ostendant. pag. 9. *f*

Memoria sensitua num duplex constitui debeat. pag. 11. *f*

Memoriae duo actus. pag. 12. *p*

Memoria seu memorandi actus definitio. ib.

Memoriae res tantū præteritis subiiciat. ib.

Memoriae utilitas. pag. 14. *m*

Memoriae admiranda vis. pag. 15. *p*

Memoria, sapientia, & experientia mater. pag. 14. *f*

Memoriae firmitatē, quæ præstem. p. 16. *p*

Memoriam quæ viuent, impediunt, adiuvant. pag. 16. *p. m*

Memoriam quæ seruent, iuuētque. p. 16. *f*

Memoriae noxia. pag. 16. *f*

Memoriam excolendi ars. pag. 17. *p*

Memoria insignia exempla. ibid.

Memoria cur integræ quædam nationes parum valent. pag. 19. *p*

Memoria quorundam brutorum. p. 19. *m*

Memoria intellectuam, & intellectus nec re, nec specie differunt. p. 6. *m.*

Dilutio argumentorum, quibus oppositum ostendi videbatur. pag. 6. *f*

Memoria diuturnior, cur melancholicis. 19

Memoria cur in quibusdam lædatur non laesa imaginatione. pag. 19. *f*

Memoriana

I N D E X.

Memoriam sensitivam & phantasiā non
esse potentias passivas tantum. p. 39. f.

Mors.

Mors quid sit. pag. 83. m.

Mors quibus causis accidat. p. 84. p.

Mortis genera. pag. 84. p.

Mors violenta. pag. 84. p.

Mors naturalis. pag. 84. m.

Noxā corpori mortēque, ut animi per-
turbationes interdum asserant. p. 88. p.

Prematura mortis signum senilis iuven-
ta. pag. 71. m.

Pisces.

Piscibus datam animam pro sale scri-
psit Philo. pag. 9. m.

Num id rectē dictum. pag. 10. f.

Non omnes pisces oviparos esse, sed quos-
dam viviparos. pag. 10. m.

Piscium quorundam stratagemata, &
adumbrata prudentia. pag. 11. p.

Recordari, & reminisci.

Recordatio quo pacto anima separa-
tā conveniat. pag. 5. m.

Reminisci quidnam sit. pag. 12. f.

Ad reminiscētiā plura exigi, quam ad
memoriam recordationēve. p. 13. p.

Ad actum reminiscēdi quæ requirantur.
pag. 13. m.

Reminisci non convenit brutis. pag. 13. p.

Qui celeritate ingenij valent facilius re-
miniscuntur. pag. 13. p.

Reminisci non convenit animæ separatæ,
& si recordatio conveniat. pag. 13. f.

Respiratio.

Respirationis causa efficiens. p. 55. p.

Respirationis instrumenta. p. 56. m.

Respiratio quo pacto fiat. pag. 55. f.

Respirationis duæ partes. p. 56. p.

Ad respirationis officium, quo pacto pul-
mones moveantur. pag. 56. f.

Senectus, & senes.

Senectus putredo quædam. pag. 72. m.

Senectus prima. pag. 69. p.

Senectus decrepita. pag. 69. p.

Senes cur obliuiosi. pag. 15. f.

Senectus primo incurrit in memoriam.

pag. 17. f.

Senes cur timidi, incurvi, tremuli, suspi-
ciosi, illiberales. pag. 72. f. & 73. p.

Sensus.

Sensum cōmunem, & eius thesaurū in
diversa parte cerebri cōsistere. p. 7. m.

Nullum sensum in actione versari absque
ope animalium spirituum. pag. 21. m.

Sensus cōmunis organum in corde posuit

Aristoteles: re tamen vera in cerebro

incidit. pag. 21. f.

Spiritus animales in externos sensus in-
fluunt. pag. 21. f.

Sensus communis thesaurum, qui phan-
tasiā cōstituant. pag. 37. m.

Sensuum internorum operatio in somnijs
imperfecta. pag. 44. f.

Somnium.

Somnium quid sit. pag. 36. m.

Somnia ad quos sensus internos per-
tineant. pag. 37. m.

Somnia quo pacto fiant ex sententia Ari-
stotelis. pag. 38. p.

Non esse opus regressu imaginū ad sem-
nia. pag. 39. p.

Etia in somnijs hominē discurre. p. 40. m.

Somniorum varia genera. pag. 41. p.

Somnia diuina. pag. 41. f.

Somnia demoniaca. pag. 42. f.

Somnia naturalia. pag. 42. m.

Somnia animalia: pag. 44. f.

Cur quiddā in tota vita nō somniēt. p. 47. p.

Somnium Salomonis. pag. 47. f.

De divinatione per somnium varia opi-

Somnus.

Somnus quid sit. pag. 20. p.
 Somnus antipetistasis quædã. p. 24. m.
 Somnus cur dicatur mortis frater. p. 21. p.
 Cur nobis in somno, hoc est in maxima
 vitæ quiete mortis effigies represen-
 tatur, Tertulliani consideratio. p. 21. p.
 Somnus cur dicatur vinculum primi sen-
 sorij. pag. 21. f.
 Somni tempore non ascendunt e corde in
 cerebrum spiritus animales. p. 22. f.
 De somni causa varia opiniones. p. 22. f.
 Somnum, quæ concilient. pag. 23. p.
 Sõnus, cur facîle post cibũ obrepit. p. 28. f.
 Somnus, cur à natura institutus. p. 24. f.
 Somni encomia. pag. 24. f.
 Somni tempore externi sensus vacationem,
 feriarum vice, impetrant. pag. 24. f.
 Sõnũ omnib. animalib. cõpetere. p. 26. m.
 Somnus delphinũ in summa aqua. p. 26. f.
 Somnũ etiã in statu innocentia fuisse. 27. p.
 Somnus Adami. pag. 28. m.
 Excitatio à somno, siue expergefactio, vi
 fiat. pag. 27. f.
 De ijs, qui in somno obambulant. p. 29. f.
 A sõno vt galli expergefciãt ad cãũ. 30. f.
 Somno cur facultas nutriendi nõ ita eget,
 & in otio nunquam est, cùm alijs po-
 tentijs secus accidat. pag. 32. m.
 Somnum qua ratione lactuca inuehat, cum
 frigida sit. pag. 33. p.
 Somnus prius cur arctior. pag. 33. m.
 Somnum cur labor inducit. pag. 32. f.
 Somnum cur tristitia adimit. pag. 34. f.
 Somnus cur tristitiam lenat. ibid.
 Sõno cur calor ad viscera cogitur. p. 34. m.
 Sõnus cur post subitã corporis exinanitio-
 nẽ, deliquiũ nõnunquã importat. p. 35. f.
 Somnus cur sudorem mouet. ibid.
 Somnus matutinus cur incundior. p. 35. m.
 Species, siue imagines.

Species rerũ singulariũ quinegãt. p. 5. p.
 Per quas species recordetur anima se-
 parata rerum singularium. pag. 5. m.
 In praemolli & fluxa materia non conser-
 uari species. pag. 9. m.
 Species non habent contrarium. p. 18. m.

Species inufla sensibus, vt obscurentur
 & effluant. ibidem.
 Species dissultoria & euamida. ibidem.
 Species cur nonnunquam obscuræ impi-
 mantur, nonnunquam tenaces. p. 18. m.
 Non omnes species sensitiuas inherere in
 spiritibus animalibus. pag. 19. p.
 Species, vt interdum lateant, interdum,
 sese exerant. pag. 37. p. 38. m.
 Specierũ regressus ad efficiẽda sõnia. 37. m.
 Spiritus animales, & vitales.

Nillũ sensum in actione versari abs-
 que ope animalium spirituum. p. 21. m.
 Non omnes species sensibiles in spiritibus
 inherere. pag. 37. f.
 Spiritus vitales somni tempore non eua-
 dunt in cerebrum. pag. 22. f.
 Spirituum ministerio & vehiculo defer-
 tur calor. pag. 24. p. & 71. m.
 Spiritibus animalibus non eget nutritio-
 ria facultas. pag. 32. m.
 Spiritus non sunt animati. pag. 38. p.
 Spiritus sensitiui in cerebro perficiuntur.
pag. 71. m.
 Spiritus & sanguis qua vi ciantur in
 corpore. pag. 91. m.
 Spiritus metuentibus crassescunt. p. 92. p.
 Spiritus vitales in corde conficiuntur,
 animales in cerebro. pag. 91. p.
 Vigilia.

Vigilia quid sit. pag. 20. p.
 Vigilia immodica incõmoda. 25. m.
 Vigilia Aristotelis. pag. 25. f.
 Vigilia gruum. pag. 25. f.
 In eos, quos noctes vigilat, dies dormiunt. 26. p.
 Vita.

Vita quid sit. pag. 81. p.
 Vita quot modis accipiat. p. 81. p.
 Vita cur dicatur in calido & humido con-
 sistere. pag. 82. p.
 Ad actiones vitæ, num per se frigus con-
 currat. pag. 82. p.
 Vita fons cor. pag. 84. p.
 Vita diuturnioris & breuioris can. 95.
 Ad diuturnitatem vitæ quodnam tempe-
 ramentum sit aptius. pag. 97. f.
 Quenã viuẽtia longioris vitæ sint. p. 96. f.